







PA 2123.

C4

1704

Vestibulū, <i>pro exordio.</i>	288. m	Vocatiſſus <i>pro. Nominatiſſus.</i>	152. m
Vestire, <i>absolute.</i>	43. m	Voces, <i>Græca Latina cōſtate</i>	2. 199.
Vestrum ſuperbum.	222. m	<i>donata.</i>	2. 199.
Verus ſcientiæ.	174. m	Voces <i>latina ad exemplum ſi-</i>	gnificatus <i>Græci uſurpata.</i>
Vibrare <i>absolute.</i>	74. m		149
Vibrare <i>paſſive.</i>	43. f	Volare, <i>de celeritate itineris,</i>	309. m
Vidit ſuſtinentes, poſcentes,	<i>pro ſuſtinere, poſcere.</i>	223. f	Volenti plebi hæc fuere.
Viduatus manutim.	173. m		344. f
Viduus amoris.	173. m	Volvere, <i>absolute.</i>	38. f
Vigilare, <i>active.</i>	50. m	Vomere vomitum.	199. m
Vigilias vigilias.	199. m	Vovit datura.	224. p
Vinci cauſam.	217. f	Urbs domina.	218. m
Vinum <i>Chio. & ſimilia.</i>	86. m	Urbicapus.	25. p
Vir cantor.	214. f	Uro, <i>Active.</i>	53. f
Viri principes.	<i>istid.</i>	Uro, <i>pro Accendo.</i>	260. m
Viros peregīt, <i>hoc eſt, fecit, ut</i>	<i>eſſent Erri.</i>	312. m	Uror, <i>Active.</i>
Virgo Eloquentiæ.	289. p		55. m
Vis flāmea, <i>pro flamma.</i>	337. m	Uſitor, <i>Paſſive.</i>	59. f
Viſere, <i>absolute.</i>	73. p	Uſpian ruris.	108. p
Vita, <i>pro facultatibus & ali-</i>	208. m	Uſque ſemper.	96. p
<i>mento.</i>		Uſus eſt, <i>pro opus eſt.</i>	263. m
Vivum centauri.	125. m	Ut pati, <i>hoc eſt, ut patiaris.</i>	241. m
Vivum exemplum <i>pro recenti</i>	295. f	Ut obligit, <i>pro ut obtigerit</i>	241.
Ultimum ſeditionis, <i>dimica-</i>	225. m	Uterque utrique.	355. m
<i>tionis.</i>		Utor, <i>paſſive.</i>	59. f
Ulle aliquis.	102	Uti oraculo.	369. p
Ulcifcor, <i>paſſive.</i>	62. m	Utrumque.	97. f
Ululare, <i>active.</i>	47. m	Vulcani violentia, ira, <i>pro</i>	357. m
Ulyſſes, & Ulyſſeus.	16. f	igne.	126. p m
Una ſimul.	95. f	Vulnera vitæ, amoris.	296. p
Unde domo.	87. m	VVidus, <i>pro Ebrio.</i>	296. p
Undiq; laterum.	108. p		
Vobis abundat.	106. p		
Vocare, <i>absolute.</i>	72. m		
Vocatiſſus <i>in E à Propriu in</i>	18. m		
<i>ES.</i>	12. f.		
in I Latinorum a Græcis.			

Z I N I S

Cellarius, Christoph
**CHRISTOPHORI CELLARII
ORTHOGRAPHIA
LATINA
EX
VETVSTIS MONVMENTIS.**

**HOC EST
NVMMIS, MARMORIBVS,
TABVLIS, MEMBRANIS VETE-
RVMQVE GRAMMATICO-
RVM PLACITIS,**

**NEC NON
RECENTIVM INGENIORVM
CVRIS
EXCERPTA, DIGESTA
NOVISQVE OBSERVATIONIBVS
ILLVSTRATA.
EDITIO SECVNDA AVCTIOR.**

**HALAE MAGDEBVRGICAE
SVMTV IO. BIELCKII, BIBLIOP. IEN.
TYPIS CHR. HENCKELII, ACAD. TYP.
CIO MDCCIV.**

*M 15
141 H*

Cellarius, Christoph
CHRISTOPHORI CELLARII
ORTHOGRAPHIA
LATINA
EX
VETVSTIS MONVMENTIS.

HOC EST
NVMMIS, MARMORIBVS,
TABVLIS, MEMBRANIS VETE-
RVMQVE GRAMMATICO-
RVM PLACITIS,

NEC NON
RECENTIVM INGENIORVM
CVRIS
EXCERPTA, DIGESTA
NOVISQVE OBSERVATIONIBVS
ILLVSTRATA.
EDITIO SECVNDA AVCTIOR.

HALAE MAGDEBVRGICAE
SVMTV IO. BIELCKII, BIBLIOP. IEN.
TYPIS CHR. HENCKELII, ACAD. TYP.
CIO MCCCIV.

*M.F.H.
14/11/14*



LECTORI BENEVOLO S.

EN ORTHOGRAPHIA noua,
post Aldi Manutij nepotis, Iu-
sti Lipsii, & Claudii Dausquii,
aliorumque labores egregios
ex antiquis monumentis collecta denuo,
discussa & examinata, atque iis præcipue
scribendi modis, in quibus dissident ho-
dieque eruditi viri, vt clarius intelligen-
tur, accommodata. Duas in partes dis-
tributa est: priore de litterarum figu-
ris ac mutationibus, aliisque, quæ acci-
dunt illis, disputatur: altera singulæ vo-
ces, in quarum scriptura dissentitur, or-
dinatim recensentur & explicantur, &
quo hi, illi vtantur præsidio, perspi-
cua breuitate indicatur, adiecto mode-
ste iudicio nostro, saltem, in quam partem
propendamus, non occultato. In prima
parte id agitur maiori cura, cuius causa
inducti sumus, vt in argumento hoc,
multis contempto & parui facto; aliquid
com-

componeremus . Vtique multi anni sunt , ex quo certis de caussis discessi a vulgari scribendi ratione , illamque elegi , quæ post litteras renatas a plurimis eruditorum in xvii vsque sæculum Christianorum fuit approbata , nec infrequenti tempore vbique gentium deserta , sed a doctissimis etiam viris in diuersis nationibus adhuc industrie conseruata . Hanc scribendi meam & multorum consuetudinem explicare non alienum visum tuit , vt , quibus caussis illa oriatur , quibusque tueatur se , si quibus minus est cognitum , vt non pauci mihi confessi sunt ; distinctius id declaretur . In qua tota causa me ita semper gessi , vt nemini aliquid obtrudam , ac ne discipulos quidem adigam , vt orthographiam meam imitentur : sed expositis documentis diuersarum opinionum , cuique integrum relinquam , vt , quam velit , in scribendo viam ingrediatur . Horror tantum & idemtidem admoneo , vt quisque certus in sua sit consuetudine , semperque paratus argumentis eam & rationibus probare ac tueri .

ORTHO-



ORTHOGRAPHIAE

LATINAE PARS PRIOR

DE

LITTERIS LITTERARVMQVE ADFECTIONIBVS.

Litteræ sunt inuentæ, vt custodi-
ant voces, & vt Fabius ait, velut
depositum reddant legentibus.
Illarum signa seu figuras Græci
a Phœnicibus; a Græcis Roma-
ni siue Itali dicuntur accepisse.

Horum alterum iam nobis curæ est, idque
haud difficile ad probandum: quia pleræque
illarum figuræ communes Græcis cum Latinis
sunt, A, E, I, O; B, M, N, T; & quæ Græ-
cæ ideo apud Latinos etiam vocantur, Y, K, Z;
aliæ leuiter inflexæ ita, vt etiam ad originem
perfacile reuocari possint. Numerus neutri
genti admodum certus fuit; sed processu tem-
poris, & sermonis varietate auctus aliquando

A

aut

aut mutatus, quemadmodum patrum memoria Latinæ quædam litteræ I & V ad id tempus vniformes, pro soni diuersitate a multis factæ bisformes sunt: de quibus infra dicitur. Non autem iam de numero disputabimus, de quo Priscianus lib. 1 consulatur; sed recepto adquiescentes, de litteris, &, quæ his accidunt, mutationibus disquiremus.

SCRIPTURA DVPLEX, ROMANA ET MINVSCVLA.

Olim ea figura litterarum erat, qualem in nummis & antiquis inscriptionibus videmus; maiuscula omnis, siue vt nostri typographi vocant, *versalis*, quia versus iis in mutata etiam scriptura plerumque incipiuntur. Cuius formæ antiquissimi etiam codices in Italia & alibi supersunt, scripti ante, quam barbaræ gentes cultissimas imperii Romani regiones occuparent. Minor scriptura altera, quam vulgarem & currentem dicunt; velocitatis causa adsumta est, adiuuante barbarorum depravatione: eaque postmodum, quod commodæ erat, & libri scripti omnes sunt, &, arte multiplicandi inuenta, typis etiam expressi. Nihil autem hæc singulare habet aut proprium in orthographia, sed vt vices maiusculæ gerit & antiquæ, ita illius quoque legibus con-

con-

continetur, nisi quod in quæstionem venit, quando necesse sit maiores litteras minoribus, in principio vocabulorum admiscere.

LITTERAE GRAECAE

τ, θ, κ, φ, χ, ζ,

Caute Græcas litteras Latini tractant. Sunt autem υ, θ, κ, φ, χ, ζ, quæ tantum in iis verbis sunt respiciendæ, quorum manifesta ex Græcis petita est deriuatio; non a coniectura nugacium grammaticorum. Sic γ male adsumtum est in *sydus*, *syncerus*, *tyro*, quæ nullo modo sunt ex Græcia: dubie in cetera, *sylua*, *hyems*, *stylus*, *clipeus*, *inclutus*, *laetyma*: & si hæc essent ab ὕλη, ὕω, εὖλος, γλῦφω, κλυτὸς, δάκρυον, (quod tamen non omnibus est liquidum) tamen recepta vsu ita sunt, & Latina ciuitate donata, vt tamquam nata in Latio, non vt Græca & peregrina, censeantur. Obertus Gifanius, præfatione in Lucretium præclare: *De Græci verbis, iūque omnibus, quæ Græca sunt origine, sed Romana prorsus iam facta, recte exarandis, longe alia mihi, quam quæ vulgo, est sententia. Puto ea, quæ in vetustis codicibus uno consensu, licet Græca, Romano more sunt exscripta; itidem a nobis scribi debere, vt sua cuique relinquatur & vindicetur consuetudo.* Quæ autem Romana iam sunt

vocabula, licet Græcia originem debeant suam, non ideo tamen scripturam sequi debent. Exempli, quæ ad *y* pertinent, hæc apposuit, *hiems, filius, filua, inclutus, clipeus, lacrima.* Quædam ex his interdum per *V* sunt scripta, ut *lacruma, inclutus, clupeus*; sed hoc archaismum sapit, qui postea cultiori ævo fuit emendatus; *Sulla* vero, viri nomen, quod Græci *Σύλλα* scribunt, Latinum est, ideoque vbiq; fere *u* seruatum.

Littera *Θ* Latine per *th* reddenda est, quod ex innumeris propriis, *Athens, Theba, Toracia*, & ceteris est clarum: an vero etiam *author, lethum, thus, Thuscia*, scribendum sit, sunt qui dubitent; verius negant alii. Ecquod enim Græcum nomen est, unde *author* sine ineptiis ducatur? quam incertum, *lethum* esse a *λήθη*, *thus* & *Thusciam* a *θύω*, id est sacrificio? Veteres scripserunt *auctor, letum, tus, Tuscia*, ut a Manutio ex antiquis probatum monumentis est. Par ratio proprii *Anthoni*, ut perperam quidam hodieque scribunt, quum semper Romanis *Antonius* sine adspiratione scripserint.

κ Græcorum reddimus per *C*, in quod transit, ut raro inter Latinas appareat, & in paucis tantum vocabulis, ut *Kalenda* in libris & lapidibus; *karus* & *karissimus* in cippis antiquis sæpe: quod vero, quia in libris

non

non est, nemo putat facile imitandum esse: minus ea imitanda, quæ rarissime in saxis sunt, EVOKATI, ARKA, MERKATOR; & in nummo Valeriani VOLKANVS.

¶ valet *ph.*, & tantummodo Græcorum est, vt *Phosphorus*, Φῶσφορος. Non autem locum habet, vbi in Græca origine non est, ac male *Bosphorus* scribitur, & *trophæum*, quia vtrunque in Græcis π habet, Βόσπρος a πείω, *traicio*; & τροπαιὸν a τρέπω, *verto*. Solum nomen *triumphus*, ex Græco θρίαμβος, non alia, quam priscæ consuetudinis lege mutat & θ & β, ibi abiecta adspiratione; hic adiuncta illa, & simul littera mutata β in π. Olim quidem *triumpus* dicebant, vt Cicero in Oratore cap. XLVIII testis est; post autem, conuicio aurium flagitante, *triumphus*; id quod in lapidibus obtinet: in posterioribus etiam *triumfus*.

x Græca littera per *ch* exprimitur, vt *chaos*, *chimæra*, *charta*, *machina*. Raro Latinis, aut quorum incertior origo est, vindicatur, vt *pulcher*, *inchoo*. nam & antiquitus *pulcer* dixerunt, vt Cicero auctor dicto loco est: postea suauitatis causa *b* adiectum: sine ratione autem *sepulchrum*, & *lachryma* vulgo scribunt, quia, quod Cicero ibidem addit, *per aurium iudicium semper licet dicere* SEPVLCHA, LACRYMAS. Fauet etiam

originatio, quia *sepulcrum* est a *sepulsum*, sicut *ambulacrum* ab *ambulatum*, *lauacrum* a *supino lauatum*, nulla adspiratione interueniente: *lacryma* autem a *δάκρυον*. Eadem ratio est *charus*, *charitas*, unde expelli deest adspirationem. Nec Gallorum *cher*, *charité* quidquam probant, quum ii etiam *chair* ex *caro* forment, *chien* ex *canis*; vbi nemo umquam de Latinis adspirandis cogitauit. Accedit, quod sæpe numero in lapidibus legatur KARISSIMVS, e.g. Grut. p. 418 MATRI KARISSIMÆ; & p. 424 MARITO KARISSIMO, & p. 428 CONIUGI KARISSIMO. K autem expers est adspirationis; atque ita etiam C, quando pro K Græcorum est. Hac veteri scriptura confutantur, qui *carus* a *χαρίς* deducunt. Nihil enim commune κ & χ habent: vt de accentus diuersitate nihil dicam. Non ergo *carus*, dilectus, differt a *carus*, quod est pretiosus, nisi quod hoc proprie, illud *μαρτυρικῶς* dictum est. Pretiosa enim sunt grata & dilecta.

Stat ergo γ, ch, ph, th, litteras Græcas esse, Latinis vocibus non inferendas, nisi ch in paucissimis, vbi vsus poscebat & euphonia. Bene Flavius Caper, vetustus grammaticus p. 2246 [ed. Putsch.] *γ litteram nulla vox nostra adsciscit.* Et Priscianus lib. 1

p. 543 Y & Z Græcorum caussa nominum ad-
seuimus. Et sic de ceteris Græcis censeatur.

VOCALES LATINAE

Hactenus de *r* vocali Græca aliisque
Græcis litteris : Latinæ sequuntur litteræ,
& primum *Vocales*, non omnes; A enim
& O nihil difficultatis habent, sed solæ E,
I, & V.

E breue respondet Græco *e*, vt commu-
nis figura antiqua E confirmat : longum,
Græco *η*, vt *Epirus*, *scena*; aut etiam *ει*, vt
Laodicea, *Apamea*, & Horatii *Alexandrea*: de
quibus infra aliquid dicemus. E & I,
vt cognatæ vocales sunt, ita olim permuta-
tæ aliquando, etiam in diuersos vsus coniu-
ntæ, diphthongorum more. Priscianus lib.
vii, de accusatiuo plurali tertiæ, ita tradit;
quorum primus & secundus casus singulari
numero sint similes, eorum quartum plurali
plerumque veteres in *ie* longum, non in *es*,
qui fuerat exitus est, formasse. e. c. Sallustii
principio: *Omnia homines nisi decet*. Aeneid.
iv vers. 427

- - - cinerem manise renelli.

Et lib. ix vers. 60

- - - ventos perpressus & imbris.

Et sic vbiq; apud Virgilium, quod etiam ab

A 4... iis

iis, qui cum cura ediderunt, ex MSS. ita expressum est. Et veteri lapide apud Grut. p. 198 extrema, FINIS TERMINOS QVE STATVI IVSSIT. Ac Pisis in Cavi Cæsaris cenotaphio VLTTRA FINIS EXTREMAS. Vt vero discrimen τῆς ἰ longi & brevis significarent, multi vtramque vocalem, quæ exire accusatiue solet, e & i coniunxerunt, vt in Ciceronis libris, a Grutero castigatis, sæpe videmus *ciueis*, *forteis*, *cadeis*, *omneis*, cetera: & Lucretius lib. III vers. 116.

----- & omneis accipit in se

Letitia motus, & curas cordis inaneis.

Quod Sosip. Carisius etiam lib. I ad alia, quæ crescunt genitiuo, transfert, *maioreis*, *hominis*, pag. 111. Et in veteri tabula Grut. p. 204 pr. GENVATEIS.

Casus quoque I & IS plurales, etiam aliud I, longum præsertim, olim EI scribebatur. v. g. Grut. p. 199 SALENTINEI, RHEGINEI: & p. 296 seq. DE BRVT-TIEIS, DE TVSCIEIS, DE CORSEIS: item p. 506 seq. QVEI SIET, singulari numero: SEI, si; NEI, ni; VBEX; IBEI: PARENTIS SVEI: SEINE SVFFRAGIO. Id quod Varro in auferendi casu in *is* exeunte constanter seruat, vt lib. V de LL. *atqueis* *littereis*: & lib. VII a *balneis*: sæpe

pe etiam in *I*, vt eodem libro *nominandei, casibus*: ibidem, *vocandei, appellandei*. Hæc vero vt antiqua erant, ita vsus, sensim, vt ex inscriptionibus clarum est, abrogauit. De *I* consona acturi infra sumus. Antiqui etiam *ii* contrahebant, præsertim in verbis ex *Iacio* compositis. Grut. p. 206 ex verustio fragmento contractus agrarii *DEICITO*: & p. 207 *PROICITO*: quod illustrissimus Nodding Cenotaph. p. 473 Virgilio Mediceo fere perpetuum esse, exemplis productis demonstrat. *I* tum educitur; etiam alibi sæpe in antiquis monumentis, si longa quantitas est: nec vero id perpetuum, quia correpto idem interdum contigit. De compositorum ex *Iacio* contractione contrarium sentit Gellius lib. *iv*. cap. *xvii*.

I littera & vocalis est & alio vsu consona: vtriusque figura semper eadem vsque dum auorum memoria a paucis primum, dein a pluribus, nec vere ad hanc lucem ab omnibus, mutaretur. Sed de mutatione illa postea. Nunc de concursu *I* & gemini aliquid dicendum est. Prisci Romani timide coniungebant, ac vt concursum declinarent, alterutrum, quod vocale est, plerumque mutabant in *O*; alterum autem, quod manebat, vt digamma Aeolicum pronuntiabatur: quamquam antiquitus alium & hu-

ius sonum fuisse ex Quintiliani lib. 1. cap. VII non obscure probari potest. *Nostri*, inquit, *præceptores æruom seruomque, V & O litteris scripserunt, quia subiecta sibi vocalis in unum sonum coalescere & confundi nequirit: nunc V gemina scribuntur.* Si vocalis sibi subiecta, ergo non semper prior ut consona pronuntiata, nec opus diuersa figura fuit. Difficultatem ut vitarent, O in locum vocalis substituerunt, dicentes *volgus, volnus, seruos, æceruos*. Inscriptio vetusta Grut. pag. 204 legitur FLOVIVM & CONFLVONT. Terentius Scaurus Orthograph. p. 2251, EQVOM & SERVOM & similia antiqui per VO scripserunt, quoniam scierunt vocalem non posse geminari, credebantque, & hanc litteram geminatam utroque loco in sua potestate seruari, ignorantes, eam, præpositam vocali, consonantis vice fungi, & poni pro ea littera, quæ sit F. Eminentissimus vir Henricus Noris Cenotaph. Pis. p. 470 addit, non plane ignorasse, sed ex modo v litteram pronuntiandi, credidisse non posse geminari, quin syllaba augetur, c. g. ser-u-us. At Augusto imperante prius V pro consonante acceptum: Claudium imperatorem, quod rem satis dubiam apud plerosque animaduerteres, Aeolicum digamma inuexisse, quod inuersa littera Æ forma exprimeretur. Vnde eodem principe facta inscriptione legimus Grut. p. 236 num. 9,

DIHI CAESARIS F. item XVÆIR & VIIÆIR: sed hoc digamma, & aliæ duæ, a Claudio adiectæ, extincto illo, vt Tacitus ait lib. xi cap. xiiii, *oblitterata*, pristinusque vsus VV duplicis, quod ex posterioribus etiam inscriptionibus liquet, reuocatus. Priscianus lib. i. p. 545 *V loco consonantis posita, eadem prorsus in Latinis vim habet, quam apud Atoles digamma F, id est Vau, ab ipsius voce profectum. Pro quo Cesar hanc figuram æ scribere voluit: quod quamuis illi recte visum est, tamen consuetudo antiqua superauit.*

Tandem de V etiam quærendum est, an recte in superlatiuis pro I adhibeatur, *optimus, maximus*: item in gerundiis ac cognatis participiis, *gerundi, dicundus, opprimundus*. Archaismus est, quo Sallustius cum primis delectatur. Quintilianus lib. i cap. vii, primum *C. Cesaris inscriptione factum, vt optimus, maximus, mediam I, que veteribus V erat, acciperent. Quod maximus Noris antiquioribus testimoniis Cenotaph. p. 472 confutat. In participiis diutius seruatum, aliquando etiam ab ipso Cicerone. Superlatiui quoque simillimus, iustissimus in Cenotaphio Caiano leguntur: sed plura in eo sunt antiquiori more posita. Decumanus autem, a Decimus quod est, vsus confirmauit.*

MVTATIO IN V ET I
TENTATA.

Auorum memoria plerique in figurarum additionem, non contenti antiquo numero, dedita opera coniurauerunt, duas novas adiciētes, sicut tres Claudius adiecerat. Quæ enim in maiusculis vna per tot sæcula V vel V fuerat, pro valore diuerso mutata seu diuisa fuit, vt V digamma & consonantem significaret; vocalis nouam formam U vel U indueret. In minore seu corrente scriptura fuit quidem gemina forma v, » ad veterem faciem; & u, « connexionis causa, vt videtur, in vsum recepta: sed non pariter adiūbitæ ambæ, nec semper ad eundem vsum. Maiusculæ, id est veteris Romanæ scripturæ vna figura V fuit, siue ea vocalem, siue consonantem significaret, id quod ex nummis & inscriptionibus manifestum est. Necdum centesimus annus est, quum altera U, U, vocalis litteræ quæ nota esset, adiceretur. Qui ergo antiquitatem imitantur, abstinere noua forma U, seu vt nostra memoria a Belgis & Gallis rotundari in basi coepit, U; sola vtuntur antiqua V, quæ angulum acutum in parte ima habet. e. g. IULIVS, FLAVIVS, INVENTVTIS. Minori scripturæ in manu exaratis libris plerumque est usque

u seu u; rarius, quæ ex maiori expressa est, v, v, fere in principio vocabulorum. Ex quo factum est, vt primis ab inuenta typographia libris vbique forma u, u, in principio & medio, pro vocali & consonante scriberetur; quod a multis per dimidium xvi sæculi ita retentum fuit; v, g. *nius, uerus, una, unus*. Qui vero curatius omnia exprimere voluerunt, inter vtramque formam v & u non respectu valoris, qui vtrique communis manebat, sed ratione situs ac loci distinxerunt ita, vt v, v semper ab initio vocis esset, u, u semper in medio. v. g. lex est *ut una uxor unus viri sit*: item *huius qui iuvenes viuunt* licentius. Atque ita ab initio fere sæculi xvi cœperunt libri exprimi, vt hoc situs discrimen inter v & u obseruaretur; quemadmodum Ioannes Petit, typographus Parisiensis, ea lege Iustinum, Florum, Rufum & alios auctores exscripsit: & sub idem tempus, cio 10 x; ex eadem vrbe Orosius prodijt impressus ab Io. Barbier. Atque ita scriptum fuit publicis litteris, prelo excusis, vltra initium sæculi insequentis, quo rara mutatio vsque ad vicesimum annum fuit, a quo tempore maiorem in modum mutatio inualuit. Non autem vidi antiquiorem librum, quam Woberi Minucium Felicem cio 10 cxi impressum, qui nouo
illo

illo, quod adhuc obtinet, inter u & v discrimine exscriptus sit; quamquam & ipse in *I*; teneat veterum, etiam consonantis vigore, rationem.

Nam altera littera, in cuius forma nouatores aliquid mutarunt, est *I*, *i*, quæ olim & consona & vocalis sub eadem figura erat. Mutarunt autem ita, vt *I*, *i*, vocalis vim feruaret: pro consona signanda talem caudam adiecerunt *J*, *j*, *Ț*, *Ț*, in omni antiquitate ad id vsque tempus inuisam. Nummi, lapides vnâ figuram habent: libri etiam omnes longe vltra sextentesimum a millesimo annum. Sic enim e. c. semper scriptum fuit *IULIVS*, *IVNIVS*, *POMPEIVS*, *LVCCEIVS*; & minori forma *iaceo*, *adiicio*, *eius*, *peior*, cetera. Quamuis vero plurimi nouitatem hanc in *V* & *I* sequantur; non defuerunt tamen clarissimi viri, qui veterem scribendi rationem tenendam esse existimarent; Galli, Germani, & maxime Itali, qui etiam in vernacula vt plurimum adhuc, & quum Latine scribunt, obseruant: e quibus, vt de aliis taceam, instar omnium Henr. Noris, vir summus, est, cuius in Pisana Cenotaphia commentarii ad oculos id demonstrant: Germania Freinsheimium, Bœclerum, Io. Andr. Bosium, principes ingenii atque doctrinæ, ostentat, quos duces in hac scri-

scripturæ causâ præcipue me secutum esse profiteor. Nec auctoritate solum tantorum hominum mouebam, sed aperta etiam ratione. in minori enim scriptura ex V maiusculæ & antiquæ factum u, u, est connexionis causâ, quæ describentibus curæ erat & commoditati: quod vero in principio vocis non opus illo nexu erat, factum, ut antiqua forma v, v, sed minuta, ibi relinqueretur. Igitur nihil est, quod quidam formam u vbique in principio & medio reducere instituunt, quosdam codices fortassis imitati, sed non probatissimos, & qui rationem iam dictam posthabuerunt.

At utile, aiunt, & ad legendum & pronuntiandum est, si distinxeris illo nouo more inter V & U, inter I & J, præsertim pueris & tirunculis percommodum. Sed quoties aliter legimus ac scriptum est, quod cum primis linguæ Gallicæ contingit: non numquam etiam Latinæ, ut vel solæ diuisæ diphthongi probant? Vfus tot sæculis confirmatus, omnia reddit facilia. Et cur non nouatores isti alphabetum vulgare augment, & mutant ordinem litterarum? cur in Indicibus & Lexicis suis non distinguunt & separant quæ ab V & I vocalibus incipiunt, & quæ a consonantibus? si consuetudinis & antiquitatis causâ id dicent tolerari
(ne-

(nec enim subest causa alia:) cur non tolerant etiam antiquam figuram propter eandem consuetudinem ex antiquissimis temporibus deductam atque traditam. Nemini grauis sum, nemini veterem scribendi rationem obtrudo, sed discipulis etiam integrum relinquo, morem in hac re, quem volunt, imitari: tantum meam consuetudinem, nec solius meam, sed clarissimorum etiam virorum, immo post restituta litterarum sacra, per centenos amplius annos fere omnium eruditorum, exporro, atque iis, quas dixi, rationibus defendo.

DIPHTHONGI AE & OE.

A vocalibus quæ simplices erant; ad duplicatas venimus seu diphthongos, quæ plures quidem Latinis sunt: duæ autem inter scribendam controuersæ, quia disceptatur, sintne vno ductu coniungendæ, an diuisæ & simplices, ex quibus constant; separatim apponendæ. Prima diphthongus olim non AE, sed Græcorum more AI scribebatur, quod nomina in denariis reliqua & antiquis monumentis AILIVS, AIMILIVS, cetera, ostendunt, quod cum aliis, *terrai, frugiferai*, & Grut. p. 81 BONAI DEAI, in archaismis relinquendum est. Raro posteriores ἀρχαϊσθητα illam

lani

iam æmulati sunt, ut in Claudii inscriptione Grut. p. 194 CAISAR est.

De Latinis diphthongis autem aliter in maiuscula & Romana scriptura sentiendum est, qua semper diuiduntur AE, OE, & eliminanda figura Æ, tamquam ignota antiquitati: aliter in scriptura minuscula siue currente, qua connexio æ, œ, œ olim sub tempus restitutarum litterarum, haud dubie ex MSS. codicibus introducta & conservata fuit.* Tota enim illa scriptura velocitatis causa adsumta fuit, & connexas fere in MSS. litteras habet. Et licet posteriores scripti codices plerumque diphthongos negligant, & ubique e simplex præ se ferant: alia tamen ratio antiquorum meliorumque est, ad quos restitutores litterarum respexerunt. Aldus Manutius P. F. cœpit æ, œ, etiam in minuscula scriptura seiungere, quem vero, qui imitarentur, per longum tempus nulli aut paucissimi fuerunt. Nostro æ quoque unus & alter e clarioribus reducerent, plures nunc æmulantur, sed, quod illorum pace dixerim, sine causis iustissimis. Nam quod antiquitate se tuentur, illa rationem quidem in maiuscula scriptura habet, cui inepte Æ intruditur pro AE; non item in minore: aut si in hac quoque tam obseruantes sunt antiquæ

B

con.

consuetudinis, cur plerique, qui diuidunt, U & J, ignotas veteribus figuras, suas faciunt? cur ET innectunt &, &, vulgari more? cur QVE sæpe implicate scribunt q, aut ineptius femicolo q; siue q; apposito? omnia hæc contra Romanum morem non tolerant modo, sed multi etiam ipsi scribunt, ac typo curant exprimi, incuriosi sic antiquitatis; in solis diphthongis scrupulosi atque seduli. Noui, non omnes qui *ae* diuidunt, hæc admittere, sed quosdam *et* dissoluere & a glomerato q, sibi temperare; plurimi autem discernendo V & U longissime discedunt ab antiquis. Quid? quod tota illa minuscula scriptura contra antiquitatem est, barbaris temporibus detorta & deprauata ex Romana, quæ omnis abiicienda esset, si vbique antiquum morem in scribendo vellemus obseruare.

Quid vero dicemus de Æ in denariis quibusdam per nexum expresso? an iccirco satis antiqua illa est connexio? Est antiqua, sed rarissima, & nummorum fere propria, quibus spatii angustia varias litteras, non tantum Æ, sed plures alias, & sæpius alias, quam Æ, connectit. Fuluius Vrsinus in nummis familiarum habet ÆBVTIVS, CÆcina, CÆsius, CÆsar, LÆCA; sed oppido rara: & eiusdem etiam nummis hæc ipsa nomina sæ-

sepiſſime per *AE*, diuiſas litteras, exſcripta, immo ſemper ſunt, paucis iſtis exemplis, iisque ſingularibus, exemptis. In nummorum autem litteris ligandis plus ſibi ſumebant Romani, quam in aliis monumentis, ſpatii credo, anguſtia inducti: idque non ſolum in *AE*, ſed in aliis quibuſcumque litteris, vocalibus & conſonantibus. In iisdem enim *Vrſini Familiis*, per nummos demonſtratis, obſeruamus etiam *AD*, id eſt *AD*; *AL*, *AL*; *AT*, *ANT*; *AR*, *AR*; *AT*, *AT*, *TA*; nam idem in *Cato* & *Col* inuenimus: *N*, *AV*; *AR*, *AVR*; *B*, *IB*; *E*, *ET*; *HE*, *HE*; *M*, *MA*; *MR*, *MAR*; *ME*, *ME*; *MP*, *MP*; *MV*, *MV*; *MR*, *MVR*; *NE*, *NE*; *NT*, *NT*; *TE*, *TE*; *THE*, *THE*; *R*, *TR*; *V*, *TV*; *VAL*, *VAL*; *VR*, *VAR*; *VD*, *VD*; *VE*, *VE*; *VF*, *VF*; *VL*, *VL*; *VR*, *VR*; *VT*, *VT*; quæ omnia luculente oſtendunt, anguſtum ſpatium in paruis nummis fuiſſe in cauſſa, vt litteras quosdam artifices contraherent & ligarent: quod ſecus ſe in lapidibus ac æneis tabulis habet, vbi omnia plerumque ſunt plene diſtincteque expreſſa. Quemadmodum vero

ineptum foret, hos varios nexus litterarum hodieque, & frequenter, aut ubique imitari; ita non plus præsidii in nummis est connectæ formæ æ, quam ceterarum omnium formarum, quas ostendi, ad imitandum, quia figura æ æque raro, immo rarius in denariis, quam ceteræ nexiles omnes, occurrit: ut adeo in maiuscula scriptura, si Romanos sequi constituimus, æ separatiim, etiamsi diphthongum sonant, sint scribendæ, non in vnam confundendæ formam, seu figuram: minoris vero scriptiōis, quæ nexibilis per se in manu scriptis codicibus apparet, & velocitatis causâ inuenta est, omnino alia, & ab restitutoribus litterarum, viris sane doctissimis, approbata & confirmata ratio est, quam qui sequitur, minus mihi aberrare videtur, si modo in maioribus litteris diuisam Romanorum ipse scripturam in hac diphthongo æ persequatur.

Eadem conditio diphthongi oe, æ est, eaque propterea faciliior, quia est rarior, quam prima æ; & plerumque vocum Græcarum, quarum oi sic refertur, ut *mechus*, *pæna*, *præmium*, *æconomus*, *Oedipus*, *ænopola*, *Oeta* mons; in paucis inest pure Latinis, ut sunt *mania*, *prælium*, & in propriis *Caljus*, *Clajus*, quamvis nec in his
vbi

vbique est constans ratio, vt in parte posteriore ostendemus. Maiusculas inter litteras semper est OE sine connexionē scribendum, sicut nec typographi hodie connexionem eius formam maiorem habent: minoris autem scripturæ ac velocioris ratio est eadem, quæ dicta modo in æ siue AE fuit.

Sic plenas nunc scribendi rationes habemus, quas doctissimos viros secutus adhuc mihi exprimendas proposueram, quæ in hoc præcipue constitutæ sunt, vt maioribus litteris vbique Romanos veteres imitemur, vitando Æ connexionem diphthongum, & U & J, figuras nouas: minuscula autem in scriptura æ ac œ; & non nescientem v, u in principio ponamus; u u in media voce, eiusque fine. Non suademus, nec magnopere hanc scribendi legem commendamus: sed explicamus & defendimus vbique olim consuetudinem receptam, quam cum paucis ipsi, antiquitatis veneratione, nec argumentis probabilibus destitutam, æmulamur.

CONSONANTIVM MVTATIONES EXTRA COMPOSITIONEM CVM PRAEPOSITIONE.

Consonantes litteræ in scribendo etiam variant aut permutantur facile, præsertim

si cum prioribus posteriora tempora conferantur. Sic B in V, ac versa vice mutatum videmus, in inscriptionibus sæpe, & frequentius in legibus iuris Romani, v. g. DANVVIVS amnis, apud Grut. p. 448: ACERVVM *fatum*, id est acerbum, p. 519: BERVVM *etiam*, Spon. Misc. p. 36, id est *verum* etiam: *Probaberit*, id est *probaucrit*, lege XXXIII Dig. de condic. & demonstr. Sed hæc ad normam Augusti ævi reuocanda, non imitanda temere: in libris autem & lapidibus non improbanda, quia temporis excusationem habent. Videas etiam antiquis inscriptionibus p loco B positum esse. Grut. p. 436 ex Marii ævo, APSENS: & in fragmine agrariæ legis p. 503 OPTINEBIT: & in Cenotaphio Cæsariano APSTINERE, & OPSERVARI; & in altero Lucii, OPSEQUENTI. Causam tradit Quintilianus i cap. VII *Quum dico OPTINUIT, secundam B litteram ratio poscit: aures magis audiunt P.* Notanda hæc sunt, non imitanda. Quod enim B præpositionis *ob* in compositione durius pronuntiant; non numquam ita, vt pronuntiabant, etiam scripserunt.

C & T quoque varie permutantur. *Conditio* origo poscit: *condicio* veteres libri tenent atque lapides. In ITIVS exeuntia ele-

elegantiores per C scribunt, *Sulpicius, tribunicia potestas, edilicius, cementicius*, reliqua; & sic est in nummis ac lapidibus, quæ omnino vera ratio est.

D & T cognatæ litteræ, ideoque antiquis sæpe permutabiles. SET Grut. p. 654 aliquoties legitur: & APVT p. 378. etiam QVODANNIS & ADQVE in multis inscriptionibus, & in ipso Augusti æui cenotaphiis Caii & Lucii Cæsarum. Vide Ang. Politani lib. IV epist. IX, Henr. Noris in Cenotaph. p. 452 seq. Nobis autem antiquitatis non rariora, sed quæ frequentiore in usu erant, ad imitationem sunt trahenda.

F non digamma ipsum est, a Claudio adiectum, quamvis figura ferme conueniat, ad r Græcum lineam addens transuersam nouam; sed vetus littera, in Capitolinis fragmentis nominibus *Fabii, Flaminii, Farii*, & aliis expressa. Digamma vero V potius, quando vim consonantis habet, respexit.

Litteræ G figura non est antiquissima, sed communi utebatur cum C. Vnde est quod in vetusta Duilii columna legimus LECIONES, MACISTRATOS, PUCNANDO: & ideo etiam prænomen *Caius* scriptum per C; *Gaius* vero pronunciatum, ut Græci γάιος scripserunt, Romano ori se accommo-

dantes: *C* vero antiquitatis causa scribendo, tam in hoc, quam in *Cneii* prænominis re-
tentum fuit. Quintilianus lib. 1. cap. vii
Caius C littera notatur. Terentius Maurus,
p. 2402

*Scribimus prænomen unum, & C quidem
preponimus:*

*G tamen sonabit illic, quando Cneium enuntio,
Asperum quia vox sonorem leuiore inter-
polat:*

*Vel priores G Latini nondum ab apice fini-
xerant.*

Caius prænomen proinde C notatur, G sonat.

K in Græcis supra expositum. *M* a so-
ciis, quæ apponuntur, aliquid damni pati-
tur. Volunt enim grammatici, sequente
D, T & Q in *N* conuertendam esse. Sic di-
citur *tantundem* Grut. p. 206 ex vetusto
fragmento: *eandem*, Ancyrano monumen-
to. At vero molle est auribus *aliquamdiu*:
cur ergo non etiam *tantundem, eandem*? Cæ-
sellius, vetus grammaticus, apud Cassiodo-
rum Orthogr. cap. x, in simili exemplo, quod
postea producemus, *N sonare debet, tametsi
in scriptura M positum sit*. Sæpe enim aliter
scribitur, aliter pronuntiatur. *V*sus autem
tandem habet, non *tamdem*. Ante *T* eadem
difficultas. Cæsellius ibidem: *Tamius &
Quam-*

Quantus in medio M habere debent, ut Tam & Quam : sed prævalet consuetudo, quæ *N* substituit. An vero prohibitum *MT* coniungere? non puto. nam *DVMTAXAT* in inscriptionibus legitur, non diuise modo, ut Gruteri p. 506, 507; sed etiam coniunctim p. 574, 575, & Spon. Misc. p. 52, & eiusdem Recherch. p. 327, & Oxoniens. marm. LXIV p. 124. Nihilominus *P* videtur inter *M* & *T* ponendum, uti est in *sumptus, emptus, redemptor, comptus*, & similibus, quæ ita in vetustis quoque lapidibus leguntur. Leguntur, fateor, sic frequenter, ut sonantius pronuntientur; nec vero id semper, sed legitur etiam *EMTVM* antiquo fragmento agrariæ legis, Grut. p. 203. & eodem fragmento *REDEMTVM*; ac p. 471. *REDEMTA* itidem cum antiquitatis indicio. Et urbis inscriptionibus, quorum locum designat Dausquius, *SVMTV SVO*: item *INCENDIO CONSVMTVM RESTITVIT*.

Eadem ratio est litterarum *MS*, quarum iunctura etiam quibusdam suspecta videtur, aut dura pronuntiata; nisi *P* interponatur, ut *sumpsi, dempsi, prompsi*. Cur vero componimus *etiamsi*, neque dicimus *etiampi*? par ratio utrobique est. Et apud Spon. in Misc.

p. 36 inscriptio est VETVSTAS CONSVMSERAT.

Vides quam non vniuersalis regula Prisciani sit lib. x: *In MO desinentia, si vocalis longa antecedit O, in PSI conuersa proferunt præteritum, vt, sumo, sumpsi; promo, prompsi; demo, dempsi; como, compsi.* Hæc autem SI in TVM conuertentia faciunt supinum: vt sumo, sumpsi, sumptum; promo, prompsi, promptum; cetera. Sed quasi pœniteret rationis de longa vocali antecedente, ipse sibi mox obiicit verbum breui vocali *emo*, & ad laxiorem rationem confugit. EMI vero, inquit, EMPTVM facit, quod idcirco adsumpsit P, quia non potest M ante T sine P inueniri euphoniae causa. En aliam inconsistentiam! Priscianus ducit *mpt* ex præteriti *mpsi*: contra Papirianus p. 2292 *mpf* probat ex *mpt*. SVMPSI, inquit, queritur, an possit sine P sonare? Sed quia & in alia declinatione P respondit, quum dicimus *sumptus, sumpturus*; necessario per P scribi debet. Frequentior vltus in his est cum P, nec vero altera scriptura sine P, est mala aut damnanda. Egiã in aliis olim P nonnulli adiecerunt, vt *temptare*, pro *tentare*, quod vero parcius approbatum fuit perinde, vt quidam M ante digamma mutarunt, QVANVIS scribentes, Grut. p. 408, 658 n. 10. sine applausu eruditorum.

Q lit-

Q littera Latina est: an necessaria, nonnulli dubitarunt, quod per *K* vel *C* suppleri possit, ut quum *cocus* scribitur, & *coridie*; ac ipsum *quum* in *cum* mutatur. Vide Velium Longum, vetustum grammaticum, p. 2218. Nihilominus receptum Q antiquitus fuit, nec facile mouebitur loco, quem possedit. Habet autem cum antecedente & cum subsequente littera controuersias. A iunt mutare præcedens *n* & *d* in *c*, videlicet in *ecquid* & *quicquid*, & similibus. Prius si ex *en* est, ut grammatici volunt, mutatio facta est; nulla autem, si ex *ecce*: posterius magis dubitatur. Marius Victorinus p. 2460 *Quicquam, quicquid, & Quocquod, prima syllaba quoties habuerit D, id vos præcidite, & superponite C.* Quum vero *Quocquod* illud horridum sit cultis auribus, *Quodquod* suaue & iucundum; cadit, quod vulgo fuit positum, non posse *D* ante *Q* Latine pronuntiari. Immo Manutius ex Interamnate marmore illud QVIDQVID, de quo maxime dubitatum fuit; & ex Mediceo Virgilio approbavit: & in Gruteri inscriptionibus QVIDQVID p. 411 n. 3. & p. 691 n. 8 reperitur. Inuenio tamen etiam QVICQVID pag. 203 in lege agraria, si cum fide & curate illa transcripta est.

M etiam littera prohibetur a multis, ne pro-

proxime ante Q constituitur : qui iccirco scribunt *quicunque, ubicunque, utrunque, utrinque, & similia.* Beda Orthogr. p. 2344 QVANOQVAM prior syllaba N habere debet, non M. Ridicule Cledonius p. 1932 distinguit, & *quanguam* coniunctionem dicit : *quamquam* pronomen. Si enim pronomen non offendit Latina aures, cur horrent ex coniunctionem, quæ vox eadem, suamque notionem ex pronomine ducit? Placet auribus *namque, idemque; is utramque partem,* quod sic etiam veteri lapide, Grut. p. 207 legitur : non, *nanque, idemque, utrunque;* & in Caiano cenotaphio VNIVERSORVMQVE, EODEMQVE; in Ovidii versu *calumque videre iussit* : num dicemus vero *codemque, calumque?* sicut ingrate legitur ex sæculo Antoninorum inscriptione p. 408 QVENQVE. Nihil ergo obstat, quo minus *quicumque, plerumque, utrumque, utrimque, & tamquam, quamquam* recte ac ordine scribamus. In vetustis tabulis Grut. p. 203 & 512 QVERCOMQVE, ἀρχαίωνς : clare in Caiano cenotaphio, & Romano lapide apud Spon. Misc. p. 219, QVICVMQVE. Virgilius, ex antiquis codd. correctus, Aeneid. II, v. 61

----- in utrumque paratus:

& lib. VII vers. 566.

Urguet utrimque latus nemoris.

Quod

Quod vero Q veteres pronuntiabant ut K, scribebant etiam PEQVDES Grut. p. 202; PERSEQVTIO p. 206: PEQVNIA p. 507, 509, 628: MEQVM, p. 817. Deinde V, necessarium quasi, addiderunt inter Q & quamcumque vocalem insequentem, ut *quis, quando, quo*: quæ interueniens V littera vocalis sit an consona, grammaticorum quæstio est. Velio Longo consona est p. 2223. quia, si vocalis esset, *quis* non esset breue, quum duæ vocales in vna syllaba productionem inferant. Contra, si consonans, prima in *equus* longa foret positionis lege. Vides difficultatem, quam elabi forsitan licet, si nec consonam nec vocalem per se dicamus esse, sed litteræ Q facilioris pronuntiationis causâ adiectam. Agnoscit Velius, sufficere V vnum auribus in *equus*; rationem autem exigere duo, quia in obliquis casibus vocalis mutetur: quo nihil probat, uti ex *cocui, coquui* manifestum est.

Tandem X Latinum Romani olim cum S adiuncto scripserunt. Gruterus in vetustis tabulis & fragmentis p. 184 MAXSYMVS; p. 205 PROXSVMS: p. 204 DIXSERVNT: p. 804 VIXSIT: p. 640 VXSOR. Et cenotaph. L. Cæs. DEFIXSO. Postea S neglectum est, quum X per se CS valeat quod vero grammatici longius, quam decebat,

bat, ad verba etiam cum *EX* composita, quorum prima *S* est, pertraxerunt, illud *S*, tamquam superfluum, abiicientes, v. g. *expecto*, *existo*, *expiro*, *exequor*, *extruo*, *exulto*, *exilium*. Sed Quintilianus etiam, sæpe dicto loco, adnotavit, *expecto* scribendum esse, ut ab altero, quod a *pecto* est, distinguatur. Nec tantum discriminis causa servandum est, sed ex usu etiam meliorum temporum. Manutius enim ex veteri lapide probavit *exstare* seu *existit*: & ex aliis *exstruxit*, *exstructum*, *exsoluimus*: ex Carpenfi seu Mediceo Virgilio *exsaturata*, *exsudare*, *exsuperare*: & ad horum rationem, componit *exscribere*, *exsilire* *exsulare*, *exsurgere*. Cæsellius p. 2315 *EXSPECTO* *S* litteram necessario retinet. Item *EXSCREO* cum *S*, a *scrare* fuit; si sine *S*, a *creare*. *EXSILIVM* quoque cum *S* scribi debet: - - - similiter *EXSCVLPO* & *EXSISTO* per *S*: - - - *EXSEQVIAE* *S* habent. Terentius Scaurus p. 2258 quum questus esset, detractatione scribendi rationem corrumpi; subdit exempla, *exulet*, *expectatus*, quæ adiecta *S* littera debeant scribi; quoniam adiecta præpositione saluum esse illis [ab Sincipientibus] inisium debeat. Adde Priscian. lib. 11 p. 571

MVTA-

MVTATIO PRAEPOSITIONVM IN COMPOSITIONE.

Compositio verborum fit per praepositiones, quæ partim integræ manent, partim mutantur postrema littera, quæ se primæ verbi, quocum componantur, accomodat. *A, Ab, Abs*, eiusdem notionis, distinguuntur compositione. *A* hæret incipientibus, a *M*, vt *amolior, amoueo* : *AB* plerisque seruit tam consonantibus, quam vocalibus, vt *abco, abire, aborior, abutor* : *abdo, abduco, abiicio, abiuro, ablego, abnocto, abnormis, abnuo, abripio, abrogo, abrumpo, abstimilis, absoluo, absumo* : sed *Absum* in præterito variat *afuit*, quod tamquam in MSS. crebrum, doctioribus placet ; & *abfuit*, in aliis quoque codicibus repertum. Consule Nic. Heinsium ad Prudentii Eulaliæ v. 125, & Io. Andr. Bosium ad Corn. Nepotis Agesilaum cap. v. Ante *F* mutatur *B* in *V*, in *aufero* & *aufugio*. *ABS* incipientibus a *C* & *T* præponitur, vt *abscedo, abscondo, abstineo, abstraho, absterreo*.

AD mutationibus variis & sæpe dubiis subiicitur. Cedit ante *C* consensu omnium. Dicimus enim *accedo, accendo, accipio*. Est quidem *ADCENSVS* in Auximate inscriptione
apud

apud Gruter. p. 68 num. 3. sed non vetustissima, quod vox *communicipes*, quam habet, euincit: alibi vero *ACCENS* pag. 460 n. 13. & *ACCENSUS* pag. 586, num. 6.

Ante *D* manet, ut *addo*, *adduco*.

Ante *F* res dubia est præpositionis *AD*, Manutius in *Aggero*, censet etiam *Afficio*, *af-finis* scribendum esse ob pronuntiandi suauitatem. Priscianus lib. 11 p. 569 *F* sequente, rationabilius in *cam D* conuerit, ut *Affellus*. Contra Agræcius p. 2273 *AD* corrumpitur, quando *cam* muta sequitur: integra permanet, quando *seminuocalis*, ut est *adsic*, *adripit*. Et Cæsellius pag. 2318 *Sonat D* littera & *ad*scribitur, quum *F* consonanti adiuncta est, ut *adfluo*, *adfuturum*, *adfero*. Quod inscriptionum exempla confirmant, *adfinis*. Grut. 494, Spon. p. 52: *adfellus* Grut. 494 n. 4: *adfiellus* ibidem: *adfuerunt* p. 117. 118. 121: ex posteriore tuo sæpe *ADFECTIONE* p. 459, 4: p. 752, 2: p. 844, 7: in raris est *AFFLICTVS* p. 686, *AFFECTIO* p. 807, 12.

AD ante *G* grammatici censent mutari, *ag-gero*, *aggredior* scribentes. Agræcius p. 2273 *Attollit*, *aggerat* scribendum est. In compositione enim *AD* corrumpitur, quando *cam* muta sequitur. Cassiodorus p. 2319 ex Prisciano: *Aggero*, per *G* scribendum, & *aggregatus*; non per *D*. Sed nihil dissonum est, si etiam ad mutam

tem

tam maneat, & vix alia, quam euphoniæ ratio hic adferri potest. At Festus etiam *adgressus* scripsit, & in iuris Romani codice *adgressores*: in Virgilio ex MSS. correcto, *adgredior*, *adgreditur*: in eodem quidem est *Aeneid.* 1V, 197 *aggeras iras*; & lib. III, 63 *aggeritur*: id vero euphoniæ dandum est, quia horrent aures *adger*, quod ab *aggerendo* est, maluntque audire *agger*, id est terra aggesta. Inscriptio sub Elagabalo p. 163 8. AGGERIBVS MARINI OPERIS:

AD ante *L* ambiguae fortis est. Nunc enim integrum seruat, nunc patitur imutationem; & vtrumque meliore ævo. Inscriptio sub Augusti imperio facta (Grut. p. 107) legitur ALLEVARVNT: & ne errorem describentis putes, in ipso Caii cenotaphio Pisis scriptum cernitur ALLATVS NVNTIVS: & Traiani tempore, ALLECTVS inter pratorios: & Spon. Misc. p. 57 ALLECTI IN ORDIN. DECVRION. Contra sub Vespasiano Grut. p. 453 ADLEVAVIT annonam: sub Seucro p. 163, 8. ADLVENTIBVS maris fluctibus [sic Spon. p. 270 emendavit: Gruterus enim *maris adluentis fluctibus*] & Varro *adlectus* lib. V, quod & sæpe in Grut. inscriptionibus, & Sponii p. 184 ex Antoninorum ævo; & vetustiori ADLEGANTVR, p. 52. Pondus addit toties

C

in

in nummis laudata *adlocutio*, nec iis tantum
posterioribus, sed Caligulae etiam, Nero
Galbae, Domitiani, Neruae, quibus expressum
est ADLOCVT. COH. item ADLOCVT. A.
Vide Vaillantii Cæsares. *Adlicis* Pompeii F.
est. Virgilius emendatior agmen clauda
Aen. VII. vers. 117

Nec plura adlkdens.

Idem tamen Aencid. 1. vers. 169

- - - non alligat ancora morsu

Quod & Varronis est lib. IV. de LL. p.
Dandum scilicet aliquid est auribus, nec
aut regula ubique tenetur in eiusdem gene
vocibus, sed prout vsus admisit in singulis.
Priscianus lib. 11 pag. 569 *Qua sit differentia*
phonie, ut, quum eadem consonans sit sequens, in
lia transferatur D, in aliis non; scire non possi

AD ante M manet; ut *admoneo*, *admiror*
nec placet Bedæ *ammoneo*, principio Ortho
graphiae.

Ante N variat. Grut. p. 684. ADNITEN
Virgilius Aen. 1, 148 *Triton adnixus*.

lib. IV. 613 *terris adnare*. Eodem libro ve
128. *adnuit*: & lib. IX, 625 *adnue captis*. Ip

Priscianus, amantior euphonie & mu
tionis, disio iam loco: *frequenter tamen*
venimus, F, vel N, vel L, vel R, vel S sequentib

D scriptam: ut, *adsatur*, *adludo*, *adrideo*, a
nitor, *adsumo*. Et Agroeceus p. 2271 p. *adnu*

tiat.

siatur. In Romano iure frequens *adnotare*, *adnotatio*. Interim vulgus, *annus*, *annos*, *annitor*, *annuntio*. Quid vero de *agnosco* & *agnatus*? an sunt pro *adnosco*, *adnatus*? In Pandectis *adgnosco*, *adgnascei*, *adgnatus*. quod Taciti libri etiam referunt, *annal.* III cap. *XLI adgnosendum se praeuisse*: & *lib. IV cap. XXXIV adgnita*. Fauet Priscianus prædicto loco: *notus*, *gnotus antiquæ*, *unde ignotus*: *nosco*, *gnosco*, *noui*, *gnoui*. Citant Cæcilius pro *gnosco*. Quis vero præterea dici obseruauit *gnosco*, *gnoui*, *gnotus*, *gnasceor*? nouimus *gnatus* per prosthesis factum: cetera ignoramus. Et quod castigatissimi auctores, qui præpositiones diligentissime fœuerunt conseruare, Virgilius & Prudentius, a summis criticis ex vetustissimis membranis perpurgati, *agnosce* tenent; nolumus in hoc verbo aliquid mutare. Hæc ita disputari possunt: interim non nego Cæcili *gnosco* a Diomede prolatum: nec repugno Taciti ac iuris Romani libris.

AD ante *P* olim se accommodauit: postea, æuo medio, seruari cœpit. Gruterus ex vetusta lege pag. 628 *VIATOR APPAREAT*. Et veteri tabula p. 291, 294 *APPELLATVS*. quod sub Augusto p. 136, & sub Nerone p. 117 sic repetitum est. In Ancyrano monumento, itidem Augusti æui, *APPELLARI & APPELLAVERUNT*: &

in lapide Romano Grut. p. 755, 4 APPLICARI. Posteriores seruantur *ad*. Grut. p. 406, 1 sub Constantio & Iuliano ADPROBANTE *senatu*. Et p. 647, 6 ADPENSVS, cum signis nouitatis. Pandectæ habent *adprobare, adponere, adpendere*: & contra, *apparere, appellare*. Taciti est *adpugnare*.

AD ante Q seruat integrum in lapidibus. Grut. p. 583, & Reines. p. 362 hic ADQUIESCIT. Adde Reines. 692. Rerum Grut. p. 177 in arcu aquæ Marcæ: ADQUISITO *fonte*. Et sub Traiano, Manut. p. 28, ADQVIS. Et Aeneid iv. v. 175

- - viresque acquirit eundo;

vbi Pierius: *Antiqua pene omnia exemplaria seruant prepositiones in compositis*. Vulgo scribunt *acquiescere, acquirere*.

AD ante R etiam inconstans est. Priscianus lib. 11 post initium: *frequenter inuenimus adludo, adrideo*: ipsi vero *arrideo* placeat. Agræcius p. 2273 *Ad, prepositio, integra permanet, quando seminocalis sequitur, ut isti* *Adscit, adripit*. In iure ciuili scriptum est *adrogare, adrogatio*: id quod etiam in Taciti libris, præsertim a Freinshemio & Th. Ryckio ad membranas emendatis, seruat, *adroganti moderatione*, annal. l. cap. viii; *adroganti amoris*, lib. v. cap. iiii. Idem annal. l. cap. lxxiv, & lib. iii cap. l *adripit*. In

Hein.

Heinsii castigato Prudentio Psychom. v. 443 *adridere* est: e contrario in Vincentii hymno 468 *arripit*; adv. Symmach. 11 vers. 1121 *arripe*: si quis alius vero codex præpositio- num integritatem vindicat, is Prudentianus est. Et Virgilius ad membranas purgatus *arripit tellure*, lib. x, 298, & *arripit tempore* lib. xi, 459. Idem Aen. 1. vers. 152 *arrelis auribus*: & lib. 11, 205 *arrelis pectora*. Sci- licet aurium caussa in non nullis horum ali- quid cedendum est.

Ad ante *S* plerumque se conseruat. *Ad- sonare* tritum in antiquis monumentis est: Gruteri vetusta tabula p. 512 *ADSIGNA- TVS* sæpe; & eadem ætate fragmentis. pag. 203, 205 hoc verbum cum *D* scriptum est: item p. 206 *ADSIGNAVERUNT*, & Ancy- rano marmore, serie 3 *ADSIGNAVI*, ac nummo Traiani *REGNA ADSIGNATA*. Sic quoque *ADSERIT* & *ADSECTOR* est apud Grut. p. 341, & 603: & apud Rei- nes. p. 608 *ADSEDI*: pag. 692 *ADSE- QVETVR*: apud Spon. p. 98 *ADSISTEN- TIBVS*. Lis autem est sequente duplici consonante. Priscianus lib. 1 p. 560 *Sub- trahitur [D] quum sequens syllaba ab S & alia consonante incipit, ut aspiro, aspicio, ascendo, aslo*. Et Velius Longus p. 2225 *Est etiam ubi ne- cesse est D litteram interire, nulla alia substitu-*

ta, ut in eo, quod est *aspicio*, *ascendo*. Cuius vir summus facit Henr. Noris, lud *ASPICIENDI* in Lucii cenotapho tueatur: cui consensionem aliorum lapidum adfert, Grut. p. 653, 8 EN *ASPICE* p. 655. 1, QVEI *ASPICIS*. Nec verba Prisciani ratio est, quia in aliis et minus dubitatis & cum alio consonante iicitur: *adstare* Festi est: *adsciscere*, *adspirare*, *adstringere* Legum Romanarum *adstruere* Agræcii: e quibus *adsciscere*, *adstruere* ipse Manutius defendit, præpositio integritatis alias parum studiosus. Idem ro adfert p. 15 ex Tiburtino lapide *SCENSU*, quod contra *adscendere* est. Men & ipsum *adspicere*, *adspicere* in emeritissimis Taciti libris retinetur, annali cap. XXXII, & lib. XIV cap. LI, ac a Adi Daufquium in *Adscisco*, qui odiosus signatissimum vocat, si *D* ex talibus emittitur.

Tandem *AD* ante *T* quoque examinandum est. Manutius p. 89 *Attuli*, non *Atuli*; & *similia*, aurium sensu comprobante, nec sentiente Terentio Scauro, antiquo grammaticis veteribusque libris. Scauri hæc ratio est 2260, quia ex *seminocalibus* gement præpositiones primam sequentiæ verbi litteram, ut *effusa*; item in *mutis*, attulit per *T*, & attigit, at

attinuit. Contra Grut. p. 16 ex vetusto lapide Sertoriani belli ADTVLIT: & ex alio etiam satis vetere p. 328 ADTRIBVNDAM: & de Cæsare Strabone inscriptio apud Manutium p. 28 ADTR. IVD. Festi Pompeii sunt *adteſtata, adtegrare, adtritum, adtubernalis*: Varronis lib. IV & V de LL. sunt *adtributum, adtingat, adtentare*, quod in Legibus Romanis *adtemptare* scribitur. Nihilominus in vetusto fragmine apud Grut. p. 507 legitur ATTIGERET, id est *attigerit*: & p. 926 ex VIII ludis ſæcularibus ATTIGIT: quæ ratio poſteriori æuo magis magisque inualuit.

Haſtenus de præpoſitione AD in compoſitione: ſequitur CIRCVM, quam grammatici aiunt M amittere, ſi vocalis ſequatur: vt *circuitus*. Sed ſæpius ſeruatur, & recte dico *circumago, circumallus: circumeo, circumequito*. Papirianus grammaticus apud Caſſiodorum p. 2294 diſtinxit inter ſcripturam & pronuntiationem. *Circum*, inquit, *præpoſitio, ſequentibus vocalibus, M litteram. in enuntiatione amittit; in ſcriptura ſeruat*. Sed, vt vidimus, nec in enuntiatione ſemper, immo ne ſæpe quidem amittit. Pronuntiamus enim bene *circumago, circumegi*. Freinſhemius Curtiano Indice vbique *m* ſeruandam cenſet, etiam in *circumira & circumitus*, quod

in vetustis ita libris esset. Sane Varro
psit *circumitus* : & Suetonii Cætare cap.
in optimis codicibus est *circumitus*. No
vero *circuitus* abiicere, cuius forma, s
in metro, necessaria videtur. Prude
Symmach. l. vers. 319

- - - - - terram breviorē

Dicere circuitu.

Nihil vero agunt, qui ante plures co
nantes M in N convertunt, scribente
cundare, circumferre, circumspicere, circums
tandiu, namque; quia putida hæc & hor
grata vero & suavia *circumdo, circumferro*
cumspicio, tamdiu, namque.

- CON præpositio ante vocalem N am
vt *coquare, coco, coire, coortus*; quo et
adspiratio referenda, *cobareo*: ante co
nantes plures, etiam ex vocalibus ortas
vatur integra, vt *concido, conduco, con*
congero, coniicio, connello, conquiro, con
contero, conuoluo: ante alias mutatur
ante quasdam plerumque; secus ante ce
Sunt autem hæ B, L, M, P, R, quibu
detur N accedere. Nam *cognatus* di
cognosco, num a *gnascor, gnosco*, quæ sup
bitauimus? neque *agnatus*, i. e. filius, qu
congnatus scribendum esset, quod N a
manet, vt *congero, congreco, congruo*.
quum ergo est, vt sint ex *con* & *natus*;

cōn & *nosco*, *N* mutato in *G*: in aliis enim servatur, vt *conneſto*, *connitor*, *connumero*.

Ante *B* mutatur in *M*, vt *combibo*, *comburo*. Codices autem Prudentii *conbibit* Hamartig. 609, & alibi.

Ante *L* ſæpe manet in antiquis inſcriptionibus, quibus eſt *CONLAſVS VETVSTA*: TE, Grut. p. 7, 48, 51, 173, 187. & *CONLATA STIPE*, in ponte Taji ex Traiani æuo : *AERE CONLATO* p. 426, 447, 457. & apud Sponium ſæpe. Sic *conlibertus*, *conliberta* in lapidibus: item *conlocare*. Grut. p. 40, n. 11 *STATVAM CONLOC*. Adde 460 n. 4 & Spon. p. 294. Et *CONLVIDENTIBVS digitis*, Grut. 647. 6. Sed hæc non ſunt perpetua, verum etiam ex Traiani ſæculo habemus *STIPE COLLATA* apud Reineſ. claſſ. II inſcr. XCIII & Grut. p. 645 & 964, 984, 987 *COLLIBERTVS*, & pag. 58 n. 4 ſub Diocletiano, *COLLAſVM*; etiam p. 100 n. 6: item *COLLOCARE* p. 164 n. 6. in quibus euphonix & auribus ſeruitum eſt. Et *colligium* fere ſemper ſcriptum. Vide poſt Gru-teri inſcriptiones, totam ſect. II Sponii Miſcell. vbi innumera exempla exſtant.

Ante *M* tranſit *con* in ſimilem, vt, *commercium*, *commiſſo*, *commoueo*, *communio*. Qui ſecus pronuntiauerit, aures offendet.

Ante P itidem in M plerumque vertitur
comparo, competens, compono, compuso. Au-
 sti tuo in Lucii Cæsaris cenotaphio
 ptum **COMPONANTVR**: Grut. p. 47.
CONIVGI INCOMPARABILI. Tamen
 iam, sed posteriori tuo, ut videtur, *conp*
re scripserunt p. 814, 2 & 827, 2. &
probare p. 647, 6. & Aensid. 111, 4
compellare in scriptis & cum cura editis.

Ante R in similem mutat *con* suam ex
 mam, ut *corrado, corripio, corrigo, corrumpo*
 Grut. p. 128, 5 *adiculam vetustate CORRUPTAM.* Et provinciarum seu Italiae p
 tium **CORRECTORES** passim laudantur
 æui mediocriter posterioris inscriptionib
 nusquam *correctores.* Lucretii autem lib
 omnia secus se habent, *conradens, conrept*
luce diei, conrepunt, conrident, conripuit, co
rruit, corruptus. Vide Gifanii, Creechii &
 liorum Indices. Sed pauci imitati sunt:
 Prudentii editor, Nic. Heinsius, presse M
 secutus, & cetera integritati præpositionu
 fauens. maxime, *corripit, corruptit, cernit, co*
rigens legit. Par ratio est Plautini *conruspa*
 apud Festum; quod in obsoletis relinquit
 tur: *conregnare* autem cadentis est Latinic
 tis. Utique auribus aliquid, auctore Cic
 rone, dandum est, nec, ultra exempla præ
 batoria, promiscue omnia imitanda: quu

„uo

nec illis quidem, quæ videntur probatiora, ubique insistendum sit.

Præpositione **E** & **EX** partiuntur compositiones. Dicimus *ebibo, edico, educo, egero, elicio, emungo, emunio, erado, eripio*: cetera **ex** poscunt, *excipio, excusio, excrucior, expono, explico, exquiro, exsequor, exstruo, extrico, extrudo*: ante **F** in consimilem conuertitur, *efficio, effugio, efflo, effodio, effundo*. Archaismus enim est, quod in Rostrata Duilii columna legitur **EXFOCIONT**, hoc est effugiunt. An **S** vero seruari post **X** atque sic etiam post **ex** possit, supra disputauimus pag. 29, 30. Seruandum omnino est, atque sic **EXSEQVI** legimus in Lucii Cæsaris cenotaphio extremo: **EXSTRVERE** Grut. p. 61. n. 3, & p. 110, 7: **EXSPECTAT. ET VOTIS** p. 109, 3: & proprium nomen *Exspectatus*, p. 74, 1: & **EXSVLTANS** Spon. p. 99 Misc. Non igitur curamus, quod etiam *extrui* & *extrusus* aliquando legitur Grut. p. 163, 164, 429. 669.

IN præpositio & negatio fatigat orthographiæ studiosos. Ante litteras **CDEFGHQRST** salua res est: e. g. *incido, induco, infigo, ingero, inbareo, inquiri, infisso, intingo*: dubia ante ceteras. In lapidibus enim **INLATIS** coronis Grut. 124: *arca* 424, 12. Varro IV de LL. *inlicia*: Festus *inlicium, inliciator, inlime-*

literata. Inscriptiones passim *inlustrare* & *illustrare*: Grut. p. 234, Vespasiano dicata inscriptione, INMVNITAS: & p. 694 IMATVR., ac vet. tab. Grut. p. 106, 10506 IMPERIVM: etiam *impensa* p. 243 idem ex Vespasiani ætate; & p. 63, 343, *impensa*: & *impensia* p. 62 n. 8: *imperfectus* 749: in vetusto marmore Neapolitano 207 bis INPONITO: & pag. 823 INRTA VOTA: vt antiquos codices manuscriptos taceam. Vnum addo Augusti ætate sculptum exemplum in Caiano cenotapho IMPROVISAE calamitatis; ad quod o. p. 10. v. Henr. Noris p. 487 ita commentatur: *est: Apud antiquos quoties prepositio IN alteri vocis, a P incipienti, iungebatur, neutiquam N litteram in M mutabat. Idem character in Virgilii codice Mediceo seruatur. Lib. 1. Aeneid. 2599 IMPROVISVS ait: & lib. II. v. 182 IMPROVISI aderunt. Addit ex supra citata tabula (Grut. p. 207) quod IMPROBARINT IMPROBVM esto.*

Præclara hæc omnia & speciosa: quo minustamen in vniuersum adiciantur, alia monumenta, partim æque antiqua, mihi obstant. Vbique in nummis & lapidibus est IMPERATOR, non *imperator*: in Ancyranomarmore *imperium*, *impense*: & eadem vox *impensa* sæpe apud Grut. p. 105, 466

487, & *impendium* p. 55, 483. & ex Traiani imperio Spon. Misc. p. 181 DANTE IMPENSAS: & in arcu aquæ Marcæ p. 177 GRUT. IMPEDITAM.

De *In* ante *I*. tanto res est difficilior, quanto pauciora sunt, quæ opponantur antiquitatis argumenta. Aldus Manutius ad iudicium aurium prouocat. *Illustris*, inquit, *malo, quam Intusstris*; *ut Illeclis, quam Inleclis*; *Illudo, quam Inludo*. Cur enim non consulatur auribus? quarum iudicium superbissimum dixit Cicero in Oratore [cap. XLIV.] *Ut omittam, Scaurum, veterem grammaticum, idem sensisse*. Scanni p. 2260 de *mutatione nouissima litteræ præpositionum* hæc regula est: *Quoties a liquida littera sequens caperit; vertitur in eum, cui liquida præposita fuerit*.

INTER ubique manet saluum in compositione: in solo verbo *intelligo* cedit sequenti liquidæ. Papirianus p. 2294 *INTER præpositio in vna voce, sequente L littera, R in eamdem mutat, ut Intelligo; ceteris sequentibus integra manet*. Quod etiam in iis libris obseruatur, quorum editoribus quam maxime mutatio præpositionum inuisa est. Lucretius lib. v. l. vers. 16 *intellexit*: Prudentius ad Symmach. 11. vers. 1035 *non summa intelligit aure*. In ceteris, quamlibet ab *L* inci-

incipientibus, manet præpositio integra, vt *interlabi, interluceo, interlitus.*

OB præpositio facile, ac quasi necessario, ante certas litteras mutatur. Ante *C*, vt *occido, a cado & cado; occubo, occumbo, occuro;* ante *F*, vt *offendo, offero, officio, offundo.* Sed tamen fuetum *obfusco, & obfirmo.* Ante *G* ambigue, *obgannio & oggannio; oggero.* Ante *P* cedit simili, vt *oppono, opprimo, opprobrium, oppugno.* In ceteris manet, vt *obdo, obiicior, oblecto: obligo, obluſtor, obmutesco, obnitor, obnubo, obrepro, obruo, obseruo, obſideo, obſineo, obuerto.* De mutatione *B* in *P* contrarationem facta, solius euphoniæ cauſſa, vt *opſequens, optinebit,* dictum ſupra eſt. Papi-rianus dicto loco : *OB præpositio interdum ponitur plena, vt eſt obire, oberrare: interdum in eandem litteram tranſit, a qua ſequens ſermo incipit: vt offuſit, ommutuit, oppoſuit.* Cetera ſe bene habent : *ommutuit autem ingratum & inauditum eſt.*

PER, vt plurimum manet : ante ſolum *L* capit detrimentum. Priscianus lib. x poſt initium: *In compositis quibusdam inuenio R in L conuerſi, vt Intelligo, pelliceo, pellego, pelluceo.* Verum eſt in *pellicio*, quod vbique ita ſcribitur. Feſtus : *Pellexit, in fraudem induxit.* Luc-cretius lib. vi verſ. 999

--- qua ferri pelliciat vim

non

non æque *pelluceo*, licet tritum sit *pellucidus*. Ovidius lib. IV *Metamorph.* 411 *perlucen-
tibus alis*, etiam Heinsii editione. Seneca de
Const. Sap. cap. XVIII *Hæc ipse perlucidus,
crepidatus, armillatus*. Mira sane hæc res est.
Omnes dicimus *perluit*, non *pelluit*: cur er-
go non *perlucet*? Et alibi *per* ante *L* remanet;
ut *perlabitur*, *perlatus* est. quis ferret *pellatum*?
Grut. p. 36 extr. *PERLATVM libens posuit*.
Minus gratum *pellego*. Terentius Scaurus
quidem pag. 2260 *Pellego, omnes antiqui di-
xerunt, non perlegere. Unde & apud Virgilium
legendum [Æneid. VI, 34] Pellegerent oculis*.
At Servius, & optimus quisque liber *perle-
gerent*.

POST quoque aliquando mutatur. Ci-
cero in Oratore cap. XLVII *Pomeridianas
quadrigas, quam postmeridianas, libentius dixe-
rim*. Dum dicit *libentius*, fatetur quosdam
dixisse *postmeridianas*. Quintilianus lib. III
cap. 1, *postmeridianis scholis*. Sic MS Bodh
& Aldus, & vir exactissimus Vricus Ob-
recht, qui castigatissimum ex MSS. Quin-
tilianum in lucem edidit. An etiam in *pol-
luco* mutatum? secus Varroni videtur lib.
V de LL. & Vossio in Etymol. qui aliunde
deriuant. Eadem ratio in *polluo*. Vide i-
dem Etymologicum. In ceteris manet, ut
*postferre, postliminium, postponere, At porrigere
non*

non a *post*, sed a *porro* est secundum Festum in fragmento Farnesiano.

Tandem *SVB* succedit, quæ etiam subiecta mutationi est ante *C, F, G, M, R*. Dicimus *succedo, succido, succumbo, succurro, succurio*, quæ fatis certa sunt; aliter autem *suscipio*, quod non a *sub* est, sed a *sua* siue *suum*: nec dubitatur de *F*, ut *sufficio, suffigo, sufflo, suffundo*. Exempla ante *G* sunt *suggero, suggredior*: nisi quod veteri inscriptione apud Grut. est seuo lallante *G* *SVB*GVLARI. De *M* lis maior est. Cicero prædicto loco: adiuncti verbi primam litteram præpositio commutavit, ut *subegit, SVMMVTAUIT, sustulit. Festus, summissior*. Gruterus iam dicto loco, consuetudine *SVMOTA*. Et Horatii II oda XVI *summouet lictor*. At lubentius dicit, quisque *submersus*, quam *summerfus*: cur non pariter etiam *submouet, submutat, submittit*? Sunt hæc in aliis libris. Virgil. ecl. I *submittite tauros*. Aeneid. I vers. 69 *submersas obtrunc puppes*: lib. VI I, 226 *submouet Oceanus*. Ante *P* vertitur in illam, ut *suppetit, supplex, suppono, supporto*. Ante *R* dicunt *surrigo, surripio, surrogo*. Quod vero non dicunt *surruo*, sed *subruo*; non *surrepo*, sed *subrepo*; non *surrideo*, sed *subrideo*; cur non pari modo *subripio, subrogo*? Grut. p. 589 *SVBREPTA est oculis*. Prudentius Apotheos. 485 *sub-*

subrepsit : & *Psychom.* 166 *subridens vultu*. Tacitus *Annal.* 1. cap. LI *depratore subrogando*. In ipso *surrigo* præteritum *B* repetit, forte ut distinguatur a *surrexi*, quod a *surgo* est. Snetonius *Vitell.* c. XVII *mucrone gladii subrepto*. Ante *T* non in *S* conuertitur, & *sustineo*, *sustento*, *sustulit* ab *sus* sunt; sed manet, ut *subtero*, *subticco*, *subtraho*. Ante alias litteras etiam manet *B*, ut *subdo*, *subeo*, *sublego*, *subnior*, *subsequor*, *subsisto*.

Denique *TRANS* & *TRA*, præpositio, in compositis etiam variat. Velius Longius p. 2227 *TRANS*, præpositio, non nullam habet observationem. nam interdum plena est, ut transtulit: interdum minuitur, ut traicit; traduxit: nec non ab aliis plene ponitur; ab aliis lenitatem intuentibus, minuitur, ut in eo; quod est transmisit & tramisit: alii transposuit; alii traposuit. Cæsar ut plurimum seruauit integram: nec modo cum aliis dixit *transferre*, *transfugere*, *transgredi*, *transmittere*, *transportare*, *transuersus*, *transuehere*; verum etiam *transdo* sæpissime, ut tamen etiam *trado* aliquando dicat; & *transduco*, *transicio*. Donatus in principium *Phormionis*: *Tradere* veteres sonantius, quod nos lenius dicimus *Tradere*; ut *Tralatum*; non *translatum* e contrario. Est etiam veteri inscriptione apud *Mantium* *CORPORIBVS TRALATIS*. D fici-

ficilior res in verbis ab *s* incipientibus, sitne in ea compositione *trans* an *tran* scribendum, v. g. ante *scando*, *scribo*, *scindo*; an plura sint, nescio. Delicatus auditur *transcendo*, *transcribo*: nec vero video, quid obstat, quo minus plene dicamus *transcendo*, *transcribo*. Ante vocales non mutatur, vt *transco*, *transadigo*.

ADSPIRATIO H.

Adspiratio siue *aspiratio*, vt malunt alii scribere, de qua discrepantia supra dictum; est figura siue signum *H*, de quo quærun-
grammatici, sitne littera nec ne. Priscianus sub initium libri I, *H aspirationis magis est nota, quam sit littera*. Et interiectis nonnullis p. 543 *H aspirationis est nota, & nihil aliud habet littera, nisi figuram, & quod in versu scribitur inter alias litteras*. Et antiquior Prisciano grammaticus Diomedes lib. II p. 419 *H consonans mutæ, proprie continens aspirationem, subiunctiva R liquide consonantis, recepta vulgo in numerum mutarum; omnibus vocalibus præponitur, nulli subiungitur nisi consonantibus*. Quod vero dixit, nulli vocali postponi, nec in *H* desinere vocalem; videtur interiectionum exemplis *ab*, *vab* confutari. Sed prævidit hoc Priscianus p. 548, atque ita diluit: *Quæritur: cur in Vab, Ab post vocales ponatur*

natur aspiratio; & dicimus, quod apocopa facta est extrema vocalis, cui preponebatur aspiratio. nam perfecta Vaba, Abasunt.

Quid ergo tandem *H*? Io. Iouianus Pontanus lib. 1 de Adspiratione probauit, *H* nomen quidem & figuram litteræ habere: carere autem potestate, quia nihil sit adspiratio nisi *spiritus flatusve densitas, aut crassior quidam spiritus*; non aliter quam suspirium & anhelitus. Sonum enim distinctum, qui ad vocem articulatam conferat, non facit: & nihilominus inter litteras adhuc tolerata est tam nomine quam figura.

Originem a Græcorum habet *spiritu*, quem *asperum* appellant grammatici. Priscianus lib. 1 p. 560 *H litteram non esse ostendimus, sed notam aspirationis, quam Græcorum antiquissimi similiter, ut Latini, in versu scribebant, nunc autem diuiserunt, & dexteram eius partem supra litteram ponentes, psilen notam habent, quam Remnius Palamon exilem vocat; Grillius vero ad Virgilium de accentibus scribens, lenem nominat: sinistram autem, contrariam illi, aspirationis dactylam, quam Grillius flatilem vocat.* Marmora, quam maxime etiam vetusta sunt, ut Arundellina, & cetera maiusculis litteris signata, nulla signa spirituum habent: posteriores Græci, quum minor scriptura in vsum venisset, addiderunt illa cum accentibus;

bus; non autem semicircellorum modo, sed cum angulis iis, quos n, sectum in transversa lineola, utrimque facit: quas figuras primi, qui Græcos libros typis expressere, ut maior Aldus Manutius & æquales, aliquamdiu retinuerunt.

Sed satis de quæstione, quæ nostri non propria est instituti: de usu adspirationis potius disputandum est. Vocalibus præponi tam initio, quam media voce, supra, Diomedæ & Prisciano auctoribus, dictum fuit. Res manifesta, ut, *babeo, hareo, herba, honor, hospes*, similia: & altero loco, *shenum, mibi, nihil, traho, tebo*, reliqua. Ex primo ordine sunt quædam ambigua, *harena & arena; balucinator & alucinator; hare & are; hariolus & ariolus; harnspex & aruspex; bolus & olus; bordeum & ordeum*: de quibus parte altera dicturi sumus. Iam satis sit quædam propria examinare.

HADRIANVS cum adspiratione in nummis est, & plurimis inscriptionibus: raro ADRIANVS, Grut. p. 158. n. 5. & Reines. p. 294, 304, 308, 311; si bona fide transcriptum est.

Hammon, Iouis cognomen, & *Ammon* scribitur. Qui ab ἀμμός, *arena* ducunt, quod templum eius in Libyæ Marmaricæ arenis situm fuit, adspirationem negligunt. At veteri

teri inscriptione Grut. p. 21 n. 7 IOVI HAM-
MONI. Græci antiquis monumentis, quæ
carent spiritu, nihil iuuant, ut nummo Segui-
ni est ΘΕΟC ΑΜΜΩΝ: nisi quod libris Græ-
cis Diodori, Paulaniæ, Suidæ est Ἄμμων, *Am-
mon*, aut ita ab interpretibus lectum est. nam
& illorum quidam sine spirationis signo in
prima maiore littera scripti sunt.

Hannibal & *Annibal* in libris est; & Liuius
semper *Annibal*. Manutius autem, *Hannibal*
cum adspiratione ex libris antiquissimis Latinis:
Græci enim adspirationem reiecerunt. Addit
lapidis Florentini testimonium de Fabio Ma-
ximo HANNIBALEM COERCUIT. Si Puni-
cum hoc nomen, ut putatur, ex כעל & חנן
est, quasi *gratiosus dominus*; omnino adspira-
tio necessaria videtur.

Hebraus scribimus & *Ebraus*: plures tamen
Hebraus, quia Græcis libris est Ἑβραῖος cum
aspero: nec vero certissimum, an in antiquis-
simis Græcorum codicibus spiritus fuerit ex-
presse appositus. Origo עברי, quia ab ע in-
cipit, littera incertæ pronuntiationis, nihil
adfert, quoniam hanc litteram non vno mo-
do a LXX & Hieronymo in propriis expref-
sam nouimus, nunc sine spiritu per א uel E,
ut *Amma*, *Almon*, *Asen*, *Achron* sive *Ekron*: nunc
per G, ut *Gomorrah*, *Gai* (quod Vulgatus *Hai*
reddit) *Gaza*, *Gebal*: ad quem modum æque

Georeus; quam *Hebraus* scribi possit. Vfus sic potius, quam origini credendum est.

Etrusci, & *Hetrusci*; *Etruria*, & *Hetruria* scriptum est: sed præstat modus prior, qui sine adspiratione est, quem Manutius ex vetustis libris ac lapidibus Capitolinis approbavit. Et lapide in Volsiensi apud Gruterum p. 385 PRAET. ETRVR. XV POPVLOR. Et in Triumphorum tabula p. 296 DE ETRVSCIS.

Ostia & *Hostia* colonia ad Tiberis ostium. Vtrumque probatum, sed prius magis. Numerus Neronis, AVGVSTI PORT. OST. S. C. & alius Traiani PORT. OST. & Grut. p. 249, 7 COLONIA OSTIA. At p. 454, 10 IN COLONIA HOSTIENSI: & p. 752, 2 VIA HOSTIENSI. Notandus igitur Cluuerius Ital. Antiq. III cap. III pag. 874, vbi *nugas grammaticorum* adspirationem huius vocabuli dixit, & a *cunctis lapidibus* eam abesse adseuerat.

Adspirationis mediæ exemplum *Abala* Romanum nomen: cui Christianum *Iohannes* addimus; quod malimus sine adspiratione *Ioannes* scribi. Non enim ab Ebræis, sed a Græcis vocabulum accepimus, qui vocalium adspirationem in media voce ignorant: quod cum alia, tum maxime casus & exitus se euincit, qui ex Græco *Ἰωάννης* est. Quod
si ab

si ab Ebræis Latini haberent, non *Iohannes*, sed *Ioh.man* ex יוהן מן scribendum esset. Præterea Christiani non ex Veteri testamento id nomen, vbi rarum erat, sed ex Nouo, quo celebratissimum est, in suum vsum adsumserunt: hic autem Græca scriptura præualet, quæ sine adspiratione est: Græcam, vt dignum est, imitatur Latina.

Est deinde vsus adspirationis in iis, quæ sunt ex Græcia, per χ scripta in sua patria, vt *Cbremes*, *Chrysostomus*, *Acheron*, *Bacchus*: de quibus supra in litteris Græcis prædictum fuit. Interdum abiciunt *b*, quamuis χ Græco respondeat: sicut in nummis Sempronix gentis (Vrsin. p. 251, 253) aliquoties GRACCVS legitur, quod alias *Gracchus* est, Plutarcho & aliis Græcis $\gamma\rho\acute{\alpha}\kappa\chi\omicron\varsigma$.

Præterea, quia Græci litteram ϵ initialem spiritu signant, Latini etiam in Græcis vocibus *b* adiciunt ad *R* in principio positum, vt *Rhodus*, *rhëtor*: in media voce vero, quia Græci adspirationem duplicato tantum ϵ apponunt, non simplici; etiam Latini in vocabulis, ex Græcia petitis, gemellis *rr* adspirationem *b* subiiciunt, vt *Pyrrhus*, *Tyrrhenum mare*. Dixi, in Græcis vocabulis, nam, nisi manifesta origo Græca est, non locum habet adspiratio, vt *Arretium*, Etruriæ oppidum, *Arrius*, familiæ Romanæ nomen. Nec

Rhoma licet scribere, quia quorundam opinio, ab *ῥώμη*, *robur* nomen derivantium, minime manifesta aut probata est. Recte vero Bruttiorum vrbs ad Siculum fretum, quia a Græcis condita, & in Magna Græcia, Italiæ parte, sita, scribitur *Rbegium*: at oppidum Cispadanæ cum *Lepidi* cognomine, *Regium*.

Itaque in quæstionem venit, an recte *Rhenus*, *Rhemi*, *Rhatia* scribatur, quod Celtica potius & Germanica hæc vocabula sunt, quam Græca. Primum nomen, quod amnis est, constanter scribitur cum adspiratione *Rhenus*. In fragmine arcus Druso positi legit Melissus apud Grut. p. 236 AD DIVORTIA RHENI. Nummis Neronis & Domitiani apud Tristianum, RHENVS: quod nescio cur ita factum sit, nisi imitatione Græcorum, qui ejus fluminis mentionem habuerunt.

Alterum nomen *Remorum* est, Galliæ Belgicæ populi, quod Cæsar libris quidem *Rhemi* scribitur: Hadrianus autem Valesius abiecit *H*, quod iure fecisse nobis videtur, quia nullum huic genti cum Græcis fuit commercium. Incertum enim, an Cæsar adspirationem addiderit, quæ potest etiam a grammaticis & describentibus esse. Sed, inquis, & alia Galliæ, præter *Rhenum*, vt *Rhodanus*, adspi-

adspirari Latine. Longe autem dispar huius est ratio. Rhodanus enim Prouinciam Romanam perlabitur, in qua erat Massilia, antiqua Græcorum ex Asia colonia, quæ æque sermonis patrii, vt morum studiorumque Græcorum, fuit obseruantissima: a qua Græca nomina sunt, Nicæa & alia: atque ita etiam vicini annis scriptura: *Remi* autem abhinc longissime remoti erant.

Tertium est *Rhatia* siue *Rætia*; & *Rætorum* populi, siue *Rætorum*. Gruter. p. 376, 6 PROVINCIAI RAITIAI ET VINDELIC. & p. 439, 8 de L. Munatio Planco, TRIVMP. EX RAETIS: & p. 524, 3 RAITORVM. Et Tiberii nummo apud Golz. COL. AVGVSTA RAETORVM, Omnia hæc sine adspiratione, & cum diphthongo, in quibus adquiescerem, & H quod Rætorum vocabulo adhæsit, exterminarem, nisi vir summus Ezechiel Spanhemius de Vsu & præst. Numism. p. 843 manum iniiceret, Hadriani nummum laudans, in quo RIETICVS EXERCITVS expressum sit. Idem, an alius nummus sit, ignoro, qui in Occonis & Mediobarbi thesauro p. 178 sic descriptus est: EXERCITVS RAETICVS SC. Quapropter vereor, quia cetera cuncta diphthongum habent, non est simplex; ne fieri potuerit, vt a descriptore, quodam vel typographo *A* in *H* mutaretur.

D 5

Tuti-

Tutius ergo scribimus *Reti*, *Retia* diphthongo, sine *H*, ut plurima antiquitatis monumenta habent.

Tandem etiam de adspiratione compositorum dispiciendum est, si Græca vox, ab adspirata incipiens, ante se aliud nomen vel præpositionem accipiat: num v. gr. *exodus*, an *ex-bodus*; *Panormus*, an *Panhormius* scribendum sit. Manutius Orthogr. p. 305, *EXHODVS cum adspiratione, quia componitur a Græco ὀδός. nec aliter libri veteres.* Scio in quibusdam libris ita esse: an vero ratio id vrgeat, quæ data fuit, subdubito. Si enim Græci in media voce adspirationem pronuntiarent, præter illam quæ post duplex *g* est; sine dubio etiam illam scriberent cum *ô*, ἰξὸδός: quod dum non fit, neque fieri debet apud Latinos. Alia enim ratio simplicis est, alia compositi.

Sic quoque se *Panormus* habet, Græce πάνορμος, nomen urbis in Sicilia; quamquam Græcis etiam appellativum est. Scripserunt multi per *H*. In nummo familiæ Domitiæ apud Vrsin. p. 101 *PANHORMITANORVM*. Gruterus p. 174, n. 5 *REIPUBLICAE PANHORMI*. Et Sponius Misc. E. A. p. 176 *RESP. PANHORMIT*. Atque sic etiam in Plinii libris scriptum est. Nihilominus & sine adspiratione in aliis monumentis inuenimus. Harduinus nummum, a Paruta expo-

situm, refert cum epigraphe PANORMITANORVM: & Reinesius class. v. inscr. 64 PANORMVS, quamquam non certum est, sitne vrbis nomen ibi, an viri. Verba hæc sunt: *M. Coilius M. L. Panormus agitator*: nisi *Panormitanus* forte legendum sit; eiusdem tamen originis est, & orthographiam vocabuli demonstrat. Prioribus accederem, si πάνομος Græci scriberent, quemadmodum illorum ἥ adiecta *b* post *rr* Græcorum imitatur; quum vero id recusetur a Græcis; non video, quæ ratio nos vrgeat ad adspirandum in hoc vocabulo.

NVMERI ROMANI.

Quæ Romanis numerorum figuræ fuerint, orthographiæ est explicare. Paullus Manutius figuras omnes deducit ex *1*, *vnitate*: quæ si geminetur ita, vt inferiores partes coniungantur, fieri dicit signum *v*, *quinque*: hoc si inuersum infra rectum statuatur, fieri *x* *decem*: si simplex *i* semel directe, iterum transuersim componatur, fieri *L* *quinquaginta*: cui si in summa parte aliam notam adieceris, vt fere in hoc [], fieri notam, quæ *centum* significet, quod posterior ætas mutauerit in *c*, angulatam figuram in semirobundam. *Quingenta* fecerunt addita ad tres notas quarta sic []; vnde primum *100*, post *D* effectum est. Sed priore figura [] duplicata *fcce*.

fecerunt *mille* [[]], unde librariorum arbitrio variae notae, quae mille significarent, factae sunt, ∞, CIO, aliae: ex CIO tandem M deriuatum, quo pro *mille* vulgus vititur, quum olim nota fuerit, non littera: quemadmodum pro IO scribunt D, quod non nusquam etiam in antiquis inscriptionibus videmus, & ipsis Capitolinis lapidibus, ut Gruterus edidit, sed nescio qua fide & cura transcriptis.

Nunc singulos numeros, in quibus memorabilis est veterum orthographia, & a nostro temporum consuetudine recedens, perlustrabimus. *Quaternarius* in iis primus est, a cuius figura discessum est hodie. nunc enim sic IV formamus: antiqui fere semper, etiam restitutores litterarum, a ducentis ac retro annis, usque ad patrum memoriam aut aorum, simplicem figuram ita IIII quadruplicabant. Nummus familiae Antoniae apud Vrsin. p. 29. LEG. IIII; Grut. p. 30. n. 4. IIII KAL. APRIL. & sic constanter alibi: etiam in compositis, XIIII Grut. p. 41. n. 7, & 688, 2; XXI IIII p. 688. II. Raro admodum invenitur XIV, p. 689, 13; & XXIV. p. 833, 1.

Senarius numerus est VI, ut VI. VIR, *sevir*, siue *sexvir*, Gruter. p. 481. 7. Saepius scribitur. IIIII. VIR, Grut. p. 45, 8, p. 426, 4, p. 428, 429. *Octo* potius VIII quam IIX signantur

gnantur in vetustis monumentis. Vide fragmenta Kalendarii apud Grut. p. 134. *Novem* plerumque sic scribuntur *VIIII*. Gruter. p. 317. 6 ANN. *VIIII*. & 613, 12 *VIXIT* ANNIS *IIII* M. *VIIII*. *DIEBUS* *IIII*, id est *mensibus novem*.

Decem octo variant in figurarum compositione. Grut. p. 317, 6, D. *XVIII* id est, *diebus duodeviginti*: quæ forma etiam p. 190, 7, & 712, 11; & in Kalendaris antiquis est: in alio fragmento Kalendarii, quod supra nominavimus, est *XIIIX*: & in nummis Vrsini p. 31 de Familiis, *LEG. XIIIX*, & Grut. p. 677 n. 5 ANNIS *XIIIX*.

Vndeviginti in nummo Vrsini iam laudato sunt *XIX*; alibi *XVIII*, sicut & *XXVIII*, hoc est *undetriginta*, Grut. p. 677 n. 5; & pag. 712, n. 11, *XXXVIII*; *undequadragenta*.

Ipse *quadragenta* antiqui Romani *XXXX* potius quam *XL*, signabant. Grut. p. 679, ANN. *XXXX*; & p. 344, 3, & 426, 3 ANNOS *XXXXV*.

Maiores numeri raro in lapidibus occurrunt: nisi in Fastis magistratuum & triumphalibus tabulis. Ibi enim *LXXX* & *XC* cernuntur: & supra centenarium etiam *CD* *quadringenta*, quæ aliis *CCCC* notantur. Duius triumphus actus anno *CDXCIII*: Aemj.

lii Paulli de Perse, anno DXXCVI, vt Gruterus p. 296 edidit. Maiores millenario numeros plerumque Latini suis vocabulis describunt: si per notas, multiplicant millenarium, v. g. c l o c l o c l o *tria millia*: μυριάδος nota c c l o o, *decem millia*, eiusque dimidiata figura l o o *quinque millia*: at c c c l o o *centum millia*. Quidam millenario præponunt cardinalem, vt i i i M. *tria millia*, quod in millibus passuum, (quorum notæ sunt M. P.) frequens est in Plinii libris geographicis.

ACCENTVS ET APICES LATINORVM.

Accentus non pronuntiationis, sed scriptos apices, quos vulgo etiam *accentus* appellant, intelligimus. Videmus enim ita pueros assue fieri, vt ablatiuos casus & aduerbia & alias voculas, coniunctiones præsertim, apicibus obliquis, aut in acutum angulum con crescentibus, quasi summa Latinitas in iis consistat, imponant. Et quum multi in defendendis iis ad antiquitatem prouocent, de antiquorum apicibus prius disquirendum est; deinde de consuetudine nostrorum temporum.

Puerile olim adminiculum ad enuntian-
dum erat, longis syllabis apponere apicem,
nec

nec vero omnibus, sed dubiis nonnullis, vt cum mora pronuntiarentur. Quintilianus lib. 1 cap VII *Orthographia ars totam subtilitatem in dubiis habet: vt longa syllabis omnibus apponere apicem ineptissimum est, quia plurima natura ipsa verbi, quod scribitur, patet: sed interim necessarium, quum eadem littera alium, atque alium intellectum, prout correpta vel producta est, facit, vt MALVS, vtum arborem significet, an hominem non bonum, apice distinguitur. PALVS aliud priore syllaba longa, aliud sequenti, significat. Et quum eadem littera nominatiuo casu brevis, ablatiuo longa est, vtum sequamur, plerumque hac nota monendi sumus. Vides, quam diuersa veteribus Romanis fuerit ratio virgularum vel apicum ab ea, quæ solet hodie in vulgari scriptura esse. pronuntiationi seruibant, vt longa syllaba, si dubia pueris esset, hac nota distingueretur, ac vbique pronuntiatio iustum tempus & quantitatem syllabarum obseruaret. Sed hæc pueris adhibebantur, quia de puerorum institutione primo libro Quintilianus tractat: vltra quam ætatem consuetudo hæc non proferebatur, adeo, vt Muretus in Lipsii Dialogo de Pronuntiatione cap. XIX aperte sic illum adloquatur: *vagare mihi per hanc urbem [Romam] & quare. multa monumenta in vtraque lingua, multi lapides: lapis ego, si ac-**

si accentuuncularum istarum unquam apex. Sed hoc nimis adseueranter. raræ enim admodum visuntur nonnusquam in lapidibus; quod Lipsius etiam illi approbavit.

Exemplis res agenda est. In vasto infinitarum inscriptionum opere, quas Gruterus collegit, vix duodecim, aut si plures, non tamen multas inuenies; quæ eiusmodi notulas aliquas habeant. Dico *aliquas*. nec enim in singulis verbis sunt, sed in rarioribus; una forte aut altera earum excepta, sed inepta satis, ubi frequentiores apparent. Ut vero; quæ pueri addidicimus; tenacius inhaerent, quam ut facile dediscamus; & nobis vel nolentibus etiam subrepunt: ita quoque de his factum est apicibus, ut nonnullis, puto opificibus magis, quam eruditis, hæc consuetudo adhæresceret, ut interdum eiusmodi signa atque notas præter necessitatem supra litteras collocarent. Lipsius exempla, quæ ipse viderat; ostendit PATRÓNÓ, CLÉMENS; CVRIONE, cetera. Gruterus p. 304 n. 9 lapidem sic transcripsit ΚΑΛΑΤÓΡΙ *sacerdotii Titialium* FLÁVIÁLIVM STVDÍÓΣÓ. Tres hic accentus vox *Kalatori* habet: duo ceteræ. Et pag. 453 *eorum opsidés accépit*: & mox; *triumphálibus ornámentis bonórauit*. Nec semper longis syllabis adiecti hi apices sunt, sed aliquando etiam breuib. Pag. 410, 8 FLÁ-
VIVS

VIVS - - SIBI ET SVS : & p. 411, 1, TECTORVM OPERVM. In longa inscriptione Pisani cenotaphii, quod Caio Cæsari dicatum fuit, vix quinque aut sex voces habent apices, LVCTV, CASV, MANIBVS, a *manes* : COLONIA' ablatius, IVSSV' in ultima; MAGISTRA'TVS acculatiuus.

Sed esto discretionis causa apponi *manibus* : quid vero discernunt in *casu*, *luctu*, *iussu*, ibi priori, hic posteriori syllaba ? nec opus erat in ceteris, ut casus a primo diuersos signarent, quia præpositiones adiectæ hoc præstiterant, in *colonia*, per *magistratus*. Tantum itaque abest, ut Vossii opinio Pisanis monumentis elidatur, quod vir magnus censuit; ut nec ibi rationes omnium reddi posse videamus. Sic autem doctissimus Vossius lib. 11 Artis Grammat. cap. viii, *De Latinis accentibus satis aperta ex lapidibus antiquis. Quo enim vetustiores, eo magis accentuunculis carent. Lapidibus aliquot obiectant, ubi reperiuntur : sed imperite adeo sculptos, ut satis liqueat; nullam eorum rationem haberi oportere.*

Exemplum suppono, quod confirmet Vossium non inepte iudicasse, ex Gruteri p. 609, idque minoribus litteris, quia non sufficiunt maiores, transcribemus.

D. M.

M. Aurelius Augg. lib. Secundu's

E

fe

se viuus fecit sibi' et' Caeliae M
coniugii sanctissimaé, et' Secun
dulcissimó q. v. a. viiii' m. ii.
libertis

libertabusque posterisque eoru
in' fr. p. xv' is in agro ped. x
ante fronte

lat. ped. x'

Quid opus accentibus in cun
vltimis, breuibus atque ac longis?
excogitari potest? an tonus temp
syllabam reiciendus? inapte. Sic t
ptire lapicidis & opificibus libuit.
olim ratio pueris commendabat a
Quintiliano doctore discimus, p
attollendam syllabam longam &
exprimendam notarent: deinde
nerent diuersas eisdem voces lit
hoc altero etiam Donatus, cap. c
p. 1741 *In Latinis nunquam acuta
in ultima syllaba poni potest, nisi discre
sa, ut in aduerbio PONE; ideo, ne
setur imperatui modi: neque circum
in ea particula, quæ est ERGO.*

Quantum vero hæc absint a m
temporum consuetudine, quibus
extollendo adhibentur, nec nom
verbis superscribuntur, sed misera
aduerbia, & quæ similia aduerbiis

accentu non acuto, sed *gravi* onerantur; ablatiui singulares *circumflexo*, vt vocant, qui vero similior duplicato tecto est: credo, ne perpluant. Aiunt patroni, differentie causa fieri, vt aduerbia a vocatiuis; ablatiui a datiuis distinguantur. Sed heus boni viri! si sit differentie causa, cur additis etiam, vbi nullum discrimen faciendum est, neque id vllum locum habet, vtpote in *benè, sæpè, fermè, ritè, antè, atquè, tam, tùm, tamen, largitè*? & cur aduerbia ab vocatiuis tanta religione discriminatis, qui casus sæpe in magnis libris ne semel quidem occurrit? quis puer tam stupidus est, vt, si intelligit; quid vocatiui, quid sint aduerbia, non possit statim ex sensu & usu discernere? Et si discretionis necessitatem vrgetis, cur non discernitis alia discernenda? ablatiuum per *à* & *ô* vultis a datiuo distinguere: cur non idem facitis in plurali, vbi etiam hi casus pares sunt, & ambo in *is* vel *ibus* exeunt? Si potest, & debet ex lege vestra pluralis ablatiuus distinguui sine apposita notula, cur non idem casus in singulari liberandus ab onere est? Dicite mihi, si potestis, disparitatem. Innumera sunt, quæ iisdem litteris scripta diversissima significant, vbi nullam iubetis accentuunculam, quæ dirimat, apponi. Per classes quædam enarrabo:

I. Nomen & Verbum iisdem litteris.

Aequa, aquas, cades, cadis, cadi; alis, alam; arari, annuo, arce, arces; aue, canis, canes; capite, capitis; certo, certas, certa; consule, consulis; cura, custodi, custodis; dicam, dicis; disci, discis; domui, duci, duces; eas (verb. & pronom.) facis, facies; ferri, fides, formido, gesto, gestas; honesta, honestas, honestatis; indicem, indices; iudicem, iudices; labores, laudes, lege, leges, legis; illustrem, illustres; laudem, laudes; malo, malis; militare, militare; miseris; nitor, nobilitas; noui, nube, nubis; nuntia, nuntio; parcam, pateris; pellis, praesides, probas, proba; rapis, rege, regis; salis, salutare, scribam, scribas; sedes, sede; serua, seruo; seueris (mutato accentu,) sitis, specula; superas, trabis, velis, veniant, vidua, vigiles, vis, vita, vites, vulgare, & permulta alia.

II. Nomen & Nomen iisdem litteris.

Axis, fœdus, fides, fretum, generi, libertas, malus, ius, mari, maribus; mensis, ovis, rei, solum, specula (diminutium a spes, & editior locus) tribus, veris, villis.

III. Verbum & Verbum.

Creuit, excreuit, dico, edo, egerit, fundamus, luxit,

luxit, eluxit, manet, promeretur, regere, cetera.
 Et quia verbis participia & gerundia cohæ-
 rent, huc illorum quædam exempla addi-
 mus tam a verbis quam nominibus distin-
 guenda: *demens, emenda, emendo, moratus,*
passus, serui. Sic & *impletis, completis* partici-
 pium & verbum sunt.

IV. Accentu pronuntiationis distin- guenda.

Cupido, iacere, imperito, liberet, nitere;
enitere, indico, oblitus, olere, parere, patere,
pendere, predico, videris, reliqua.

Hæc omnia sine apicibus discernuntur,
 sensu & constructione: cur sola aduerbia &
 ablatiuos, aut *quam* pronomen & aduerbium,
cum præpositionem & coniunctionem, non
 possimus sine istis? Desinant ergo schola-
 rum magistri pueros vexare, verberare, si
 hos apices, maioris propudia ætatis, & om-
 nino dediscendos, neglexerint: ad alia po-
 tius & meliora suos adsuefaciant, quorum
 numquam eos pœniteat. Non vetus is mos
 in aduerbiis est. Olim alia ratio rariorum
 fuit apicum, vt tradidimus: nec in manu ex-
 aratis libris sic aduerbia prægrauantur:
 neque primi litterarum restitutores agno-
 verunt, quod in libris, quos ediderunt, per-
 spicimus. Aldus Manutius auus sensim a-

pices admisit : eiecit rursus nepos eiusdem nominis, Pauli filius : & doctissimus quisque sibi semper ab iis quam maxime temperavit. Hoc autem velim omnes de me sentiant, nequaquam mihi constitutum esse, vllum hominem fugillare aut contemnere. Scio enim esse viros graues summeque eruditos, qui consuetudinem, a praeceptoribus in pueritia haustam, adhuc sequantur, quorum pace & salua existimatione, quod res esse videatur, liceat mihi libere ac ingenue tradidisse.

SIGNA DISTINCTIONIS.

Prisci Romani maioribus litteris scribentes, verba ita continua ponebant, vt discerni vix possent, nisi punctis singula distinguerentur. Ex qua ratione in plerisque inscriptionibus voces singulae punctis singulis separatae visuntur, praeter finales versusque, vbi veteres nullam distinctionis notam adiderunt. Cessante autem illa contiguae scriptionis ratione, non opus est tanta multitudine punctorum : cuiusmodi inscriptiones, punctis destituta, apud Gruterum sunt p. 809 num. 2 & II. & plures apud Sponium in Miscell. Abruptae autem voces siue breuiatae omnino punctum requirunt, defectionis indicem.

Nec

Nec *puncta* tantum verbis interposuerunt, sed alia quoque signa, ornatus causa, ac pro lubitu artificum, qui lapides inscripserunt. Sunt enim inscriptiones, quæ distinguuntur semicircellorum figuris, ut Gruter. pag. 339, 3 Q, RAPIDIO, Q, F, - - - LVDI, CIRCEN, cetera. Aliquando figura et interiecta. Pag. 493, 5 PROV AFRICAE ET VRSI IUDICANTI, reliqua. Etiam glandium forma et interstrata, ut ibidem num. 3 - - M O PROVINCIA et PRAEF ALAE et reliqua. Et p. 591 n. 7 instar et loco punctorum est:

D et M et
P et ALLIO et VITALI
AVG et LIB et TABVL cetera.

Sed hæc rariora; ut plurimum punctis simplicibus intercisum propter vocum continuitatem: qua cessante, ut apud nos fit, illa quoque negliguntur.

Diacritica puncta grammaticis dicta, quæ dissolutioni syllabæ aut diphthongi imponuntur, ut *soluit* trisyllabum, pro *soluit*: *sūst*, & similia; quam diæresin ac dialysin etiam appellant. Qui minore scriptonis forma diphthongos æ, œ, distincte scribunt, quoribus litteræ illæ separatim legendæ sunt, punctis diacriticis significant, ut,

E 4

æirū,

αἶρῖς, αἶρῖς: nam *aeris* his est χαλκοῦ. Qui tantum ex maiori scriptura *Æ* ciiciunt, quoties in principio periodi aut versus id ponendum est, simpliciter scribunt *Aere*, χαλκῶ: si vero αἶρῖς significandum, *Aère*, vel *Aerī*. Duo puncta etiam litteræ imponuntur, quando consona resolvitur in vocalem & vox creicit syllaba, ut *Caius* trisyllabum.

Grammatici postea, quam desit Latinitas vulgaris esse, quæ olim simplicia erant, aut aliter disposita, in eum ordinem redegerunt & formam, quæ adhuc hodie visitata sunt. Veterum distinctiones Eriycius Puteanus in *Facula* cap. xi seq. exposuit: rem ipsam Seneca tangit epist. xxx. In *Græcis*, inquit, *hanc licentiam tuleris: nos etiam quum scribimus, interpungere consuevimus.* quæ Cicero lib. i i i de *Oratore* cap. xlv i *interpuncta verborum* vocat. Lipsius de notis post singula verba positis interpretatur. Maiores vero minoresque in versu & periodo distinctiones, saltem in puerorum usum, ex loco & situ punctorum discriminabant. Diomedes lib. i i cap. de *Discretionē* p. 432 *Distinctio est, appposito puncto, nota finiti sensus, vel pendentis moræ, quod loci ponitur tribus: SUMMO, quum sensum terminat, & vocatur Finalis a nobis, a Græcis τελέια: MEDIO, quum respirandi spatium legenti dat, & dicitur Media:*

Media: IMO, quum lectionis tenorem, adhuc aliud inlatura, suspendit, & vocatur a Grecis ὑποσημηνη, a nostris Subdistingtio. •

Hæc antiquiora posteriores grammatici, ut diximus, immutarunt, adhibitis signis aliis, & loco alio, plurimum vero imo positis: quorum rationem interpungendi quum accurate Aldus Manutius p. f. exposuerit, eius verba hic legisse, credo, non pœnitebit. *Minima, inquit, est distingtio auersus semicirculus, qui hoc modo, designatur, quam alii Virgulam, alii Comma, nonnulli Semipunctum [addo incisum, ex Cic. Oratore c. l. xii] appellant.*

Eadem nota si cum unico puncto coniungatur, ut sit hæc; aliter usurpatur. modo enim distinguit contraria nomina hoc modo, publica, privata; sacra, profana; tua, aliena; interdum etiam locum habet in iis locis, ubi sententia ita variatur verbis, ut si semicirculum apponas, parum sit, si gemina puncta, nimium. [vnde etiam Semicolon vocari consuevit.] Inter omnes notas hanc, de qua nunc agimus, esse omnium difficillimam intelligo. [Inepte semicolo hodie vtuntur typographi, quum que conjunctionem breuiaturi q; q; componunt: qui rectius, & ad antiquum morem, simplex punctum ad q. adicerent. Grut. p. 591 POSTERISQ. EORVM. Reinesius p. 675 FINISQ. AB ORIGINE.]

E 5

Sequi.

Sequitur geminatio puncti : cuius ea vis est, ut quasi medium locum obtineat inter punctum semicirculo iunctum, & unicum punctum. Omnino autem usurpatur, quum sententia vel duas, vel plures habet partes, quæ suis singulis verbis reguntur, per se consistunt, absqueque sunt: ut, quemadmodum ex integris membris sit integrum corpus, item ex integris partibus sententia consistat uniuersa. [Duo puncta hæc vocamus Colon, quia κόλῳ, integri membri in periodo, signum sunt.]

Restat unicum punctum, quo sententia concluditur ac terminatur. nec difficilem cognitionem habet. quamquam, ubi concisa sententia est, & concisa item altera subsequitur, gemino puncto ego quidem vtor libentius, quam unico. ut in hoc exemplo: Hospitium mihi para: cras enim adero.

INTERROGANDI nota quem sibi locum possulet, verbum ipsum significat. In dolore autem, & in admiratione, si quis unico puncto, non interrogandi nota, utetur, meo iudicio recte faciet. ut in hoc exemplo: Quantas utilitates humano generi philosophia peperit. Interdum, licet manifesta interrogatio sit, interrogandi tamen nota non vtimur, ut quum sententia eo usque producit, ut illa interrogandi vis, quæ primis verbis agnoscebatur, longiore paulatim spatium deminuta, evanescat.

[Signum exclamandi ! post exclamationes

nes

nes ponitur, ut *O tempora, o mores ! &, Hen, me miserum !*]

PARENTHESI *includi oportet ea, quæ nec sententia partes sunt, nec ab ullo aut antecedente aut subsequente verbo reguntur : nec, si absint, detrimenti quidquam patitur sententia.* Hæcenus Manutius.

Distinctio etiam notetur inter () *parentheses*, & [] *incos* siue *vincinos*. Illarum usus iam Manutius exposuit: hi sunt in textu notæ criticæ, quæ suspectum verbum aut sententiam significant, quasi a mala manu in auctoris textum, imperite sæpe inepteque, intrusam. Etiam [] *utimur*, quum nostra verba alterius orationi interserimus, aut aliud quidpiam separamus.

MAIORES LITTERAE IN MINORE SCRIPTURA.

Quod plerumque hodie *utimur* minore scriptura, nec illa ita sola, aut pura, ut non maiores etiam litteras admisceamus; queri potest, quando, quo loco, & quoties liceat maiusculas admiscere. Peccant enim aut inepte agunt, qui indifferenter, aut nimis crebro, initio vocum maiores adhibent. In maiori scriptura olim non opus hac questione erat, quia uniformes erant litteræ, qui-

quibus propria, communia; prima, media, honorata, inhonora scribebantur. Postquam vero minuscule illa & quasi semibarbara scribendi ratio adsumpta fuit; non tamen plane maioribus litteris abstinuerunt, ab principio maioris cuiusdam sensus, seu tractationis, ita applicuere, ut prima littera primæ vocis ex iis maiuscula esset: deinde nomina propria virorum seminarumque, & locorum, ab iis inchoabant: tandem eas principio singulorum in carmine versuum quidam, post plures, ac fere omnes posuerunt. Sic fere in manu scriptis libris: sic in olim excusis est: nostra autem ætate, aut paullo ante, adiecta *honoris*, ut aiunt, vocabula, imperator, rex, princeps, consul, prætor, rector, tribunus, dux, magister, & his similia: & ipsum vocabulum *dominus*, etiam quum possessoriorem sonat, religioni sibi ducunt aliter, ac *Dominus*, maiore initiali, scribere, v. g. *agri Dominus*, *adium Dominus*, quod ineptum est. Nolo cuiquam honorem detractum suum, quamlibet exiguum, qui ab una littera est; recte tamen litteras adhiberi velim. In historico contextu scribo veteri more, *rex Darius*, *Scipio consul*, cetera; si vero scribendum de iis est aut ad eos, quibuscum versamur, quos reueremur; potest aliquid multorum opinioni, aut superstitioni tri-

tribui, præfertim, si certi non sumus, edo-
ctos illos in antiqua scribendi ratione esse.
Malim autem, si honor in eo præstandus est,
vocabula integra REX, PRINCEPS, cete-
ra, maioribus litteris effingere, quam maio-
res minoribus commiscere. Quod etiam
de pronominiibus notandum est, quæ in ad-
locutionibus hodie, ut cum primis in epi-
stolis sit, *Tuum, Tibi, Te* scribuntur: id quod
promiscue non est adfectandum. Si sum-
mis viris ac principibus scribimus, detur ali-
quid consuetudini, utcumque recentiori: si
mediocribus, malim veterem scribendi mo-
dum imitari. Vbi etiam honoris causa ma-
iores litteras pronominiibus adhibere placet,
præstat integras iis voces exscribere, quam
diuersa genera permiscere: hoc est, *TE,*
TIBI, TVA scribere, quam *Te, Tibi, Tua.*

An vero semper, finita periodo, & pun-
cto intercissione facta, maiore littera perio-
dus noua incipienda sit, laudati Manutii sen-
tentia definimus. *Post unicum punctum,* in-
quit, *si sequatur sententia superiori non dissimi-*
lis, primum verbum littera minuscula incipio;
si vero dissimilis, maiuscula. Quod si non solum
dissimilis sententia, sed omnino dissimile sequatur
argumentum, tunc ea, quæ sequuntur, non solum
unico puncto sed littera maiuscula, sed etiam aliquo
intervallo seiungenda sunt.

DIVI.

DIVISIO IN FINE VERSVS.

Sæpe accidit, vt vocem vltimam versus, quem vulgo lineam vocant, non capiat, vt propterea diuidenda sit, & pars reiicienda in versum insequentem. Nostri hodie signum diuisionis - apponunt, transuersam lineolam, quæ indicet sequentia adnectenda in legendo esse: & quum scribunt, multi Teutonicæ scripturæ signum \approx etiam Latinis adhibent; in antiquis monumentis nulla huius generis signa in diuidendo apparent, quia veteres nec post integram vocem, in fine incidcbant. Sæpe etiam inscite diuisum in lapidibus est. v. g. Grut. p. 40. n. 2 diphthongus AE dirimitur, PRA scripto in fine prioris versus; EF principio insequentis, vt *præfatus* significatur: & pag. 46 n. 11 duplex eadem littera in principio versus posterioris, partem diuisi verbi tenentis, sic posita

R E I P. A R V

CCITANAE

id quod opificum inscitiae, non vniuersali consuetudini, tribuendum est. Doctiores enim in his quoque industrii & curiosi erant. Quintilianus lib. 1 cap. vii *Est etiam*

in diuidendis verbis obſervatio, mediam litteram conſonantem priori, an ſequenti ſyllabe adiungas. APVSPEX enim, quia pars eius poſterior a ſpectando eſt, S litteram tertia dabit; ABSTEMIVS quia ex abſtinentia temeti compoſitus vox eſt, prima relinquetur. Ad originem ergo & deriuationem diuidentes ablegat, nec præuerbia compoſitorum licet dirimere, ſed diuidendum, ſi opus eſt, ab-igo, ad-eo, ad-oro, os-tendo, diſ-cutio, ſuſ-cipio, ſuſ-tineo, pan-inſula, et-iam, neg-otium, proſ-odia, pot-eſt, vel-ut, prod-it a prodeo; prod-it a prodo, nam epentheſis D in compoſitis ad priorem partem pertinet, cui euphoniæ cauſſa adiicitur, vt prod-eo, red-eo, red-amo. Dubia ſunt cognoſco, ignoſco, agnoſco: Si enim a gnoſco Cæcilii ſunt, g ab n non pot-eſt diuelli: ſin a noſco, g ad mutatam præpoſitionem pertinet. Cicero ſane in Oratore c. XLVII ignotus ab in & notus; & ignauus ab in & nauus deduxit. Ceterum ſi duæ conſonantes in medio concurrunt, diuiduntur tantum æ, quæ ab initio verbi nequeunt pronuntiarī; non autem, a quibus verba tam Græca quam Latina incipiunt. v. g. diuiduntur in car-po, or-bis, ar-tis, cam-pus, mille, an-nus, an-te, ul-timus: coniunctæ manent in a-ſtus, ca-pius, a-mnis, o-mnis, la-pſus, le-ſtus, pro-pter, ſchi-ſma, ni-gri-ſter

ster, cetera. ab his enim incipiunt vocabula *Cicisphon*, *Ptolemaus*, *Mnemon*, *psallo*, *Smyrna*, *stare*. Si tres consonantes in medio concurrunt, ratio est eadem, ideoque Cæsellius apud Cassiodorum p. 2316 *plo-strum*, *lustrant*, *campe-stre*, per syllabas disiungi ceter. At vero tam in Claudii oratione apud Grut. p. 502, quam Lucii Cæsaris cenotaphio diuiditur *MAGIS-TRATVS*: unde grammaticorum de tribus consonantibus regulam non attigisse ætatem illam, sæpe laudatus censet Norisius.

NOTAE, SEV BREVIATA SCRIPTVRA.

De notis hic agere non est nostri instituti, nec illæ, tam ad orthographiam pertinent, quam ad lectionem, aliam grammaticæ artis partem. Tantum de paucis, nostro ævo maxime tritis, aliquid adferemus. Vulgare, non autem antiquum, neque Latinum est, virorum propriis nominibus vocabulum *Dominus* honoris causâ præmittere, quod hac nota *D.N.* seu *Dn.* plurimi solent scribere. At medio ævo *D.N.* puncto interposito, valebat *dominus noster*, aut si plures, *D.D.N.N.* *domini nostri*, & augustorum nominibus tantummodo præmittebatur,
viti

vi ex innumeris inscriptionibus constat. Rectius plene scripseris, si scribendum est; aut *D.* simpliciter ponas, ut aliæ gentes faciunt. Si times, ne cum *Dolloris* nota confundatur, veterum consuetudini magis *DOM.* quam *DN.* accedet.

Deinde abrumpendi formula *& cetera*, contrahitur sic *&c.* siue *&c.* Trita hodie forma, antiquis prorsus ignota: qui rem varie eloquuntur & circumseribunt: nec non ipsum *cetera* aliquot membris recensitis subdunt Lucretius lib. vi vers. 85, & Cicero Top. cap. vii. Vtrobique recentiores *& cetera* ediderunt, quod improbant Ob. Gifanius, Dan. Pareus, & Aug. Buchnerus: elegantius censentes *cetera* sine coniunctione, quam *& cetera*. Hinc iudicari de nota hac augendo honori duplicata, &c. &c. ac triplicata &c. &c. &c. potest, quæ hodie singularis reuerentiæ signum habetur. Plene excribe, plene pronuntia, & intelliges quam parum apto sensu hæc fiat multiplicatio. Idem quod *cetera* in abrumpendi usu sunt *reliqua*. Capitolinus in Gordian. cap. v. partem refert epistolæ imperatoris Alexandri ad senatum; qua recitata, abscissis ceteris, quæ sequebantur, subiunxit, *& reliqua*.

PARS POSTERIOR,
QVAE EST
VOCVM SINGVLARIVM
ORTHOGRAPHIA.

A præpositio sine accentu, more antiquo: neque etiam accentu ab vilo alio discernitur.

ADFATIM & *affatim* scribitur: sed qui præuerbium *ad* in ceteris ante *F* seruant, iis prius placet: cum quibus & nos sentimus. Festus, *adfatum*: etiam Lipsius de Pronuntiat. cap. XXI. Agræcius ab *adfaru* ducit; sed repugnat brevis quantitas, a Naniano poeta defensa apud Gell. VII cap. VII; quamquam is veram eius rationem ignoravit. nam *fatim* est, veteri voce, quæ sonuit abundanter; vnde *fatisco*, abundantur aprior: inde *adfatum* siue *affatim*. Sic Seruius docet ad illud Virgilii Aen. I, 123

----- *rimique fatiscunt.*

ADOLESCENS per *O* auctoritate Festi in *Suboles*, quia ab *olesco*, id est cresco. Lapidibus quidam & libri *adulescens*. Spon. Misc. p. 129 e medio æuo inscriptione *ADULESCENTIAE*. Sed Manutius etiam ad lapides prouocat, qui *O* habeant.

AD.

ADSIDVVS & *Affiduum* pari stant auctoritate & vtraque magna. Cicero Top. cap. 11. *Locuples est affiduus, ut ait Aelius, appellatus ab are dando. ære, id est alle. Gellius xvi cap. x. Affiduus in duodecim tabulis pro locupletis & facile facienti, dictus aut ab assibus, id est are dando, quum id tempora reipublice postularent: aut a muneris pro familiari copia faciendis assiduitate.* Vtrumque explicat Sospater lib. 1 p. 58 *Assiduus quidam per D scribunt, quasi sed a sedendo figuratum, sed errant. Nam quum a Servio Tullio populus in quinque classes esset divisus, ut tributum, prout quisque possideret, inferret; ditiores, qui asses dabant, assidui dicti sunt, [quasi qui asses dunt:] & quoniam soli in negotiis publicis frequentes aderant, eo: qui frequentes assunt, assiduos ab assibus dixerunt.* Inscriptio sub Antoninis Grut. p. 163, 3 *ASSIDVVS FLVCTIVVS.* Contra Festus: *Assiduus dicitur, quia in care, quam frequenter agit, quasi consedisse videatur.* hic ergo ab *adsidendo* ducit, ut a residendo *residuos*. Varro lib. vi cap. v *qui adest, adsiduos.* Ergo ab *adsum*. Atque his displicuit opinio de *assibus*: quæ aliquid fabulæ de Servio habere videtur. Nec Cicero ex mente sua, sed Aelii locutus est: Gellius dubitanter *ait, aut.* Accedit; quod Romæ marmorea tabella legitur [Grut. 950] *ADSIDVE DEFLET.* De pronuntiatio:

F 2 ho

ne per *ff* minus dubitatur: scriptura fui ambigua.

ADSVM dico, quia *S* ante se *ad* præpositionem ferre posse, supra probauimus. N. Plautinus iocus *Pœnulo* a. 1 sc. 11. 67, qui dicenti *assum apud te eccum*, alius respondit *ego elixus sis volo*, nos mouet: nam plebei pronuntiatio, non doctorum scriptura, eo probatur.

AEGAEVM mare, vtrimque diphthongon prima: quia Græce est τὸ Αἰγαῖον πέραν

AEMILIUS Latino *I*, non Græco in secunda, nummi & lapides. Vide Vrf. p. 11, & Grut. p. 33, 36.

AERIVS, *Aëreus*. Tritum posterius: & castigatiores libri *aërius*. Lucretius lib. vers. 12 *Aëria volucres*. Et Virgilius Georg. vers. 474

- - - *aerias Alpes & Noricasque
Castella in tumulis*, cetera.

AETHERIVS, non *sthereus*, Manutius ex Virgilii vetustissimo codice, quem a suo possessore sæpe Carpensem vocat.

AFRICA, *Africanus*, *Afer*, per *f*, non *ph*; nummi & lapides: ut ut Græcis posterioribus (nam veteribus Αἰβύα) est Ἀφρικῆ. Vide Pæanium, Eutropii metaphrastam, lib. 11 in bello Punico 11.

AGNATVS, *AGNOSCO*. De his s

P

pra p. 35 disputauimus: & de simili verbo *cognosco* p. 40. Nondum dubitare desinō de *gnascor*, *gnasco*, vnde ducunt illa, littera *d* praeuerbii extrusa. Nam *agnomen* est *adnotuen*, quod ita coniunctim scriptum Salmasius Capitolino vindicauit in Vero cap. 111: quemadmodum idem auctor eodemque principe cap. vii in praestantissimo Palatino eod. *adnosceret* scripsit. Glossæ nomicæ: ἀδνάτος, ἀνέψιος, συγγενής.

AHENOBARBUS, non diphthongo *Aenobarbus*, nummi gentis Domitiæ, & lapides Capitolini. vide *Manut.* In Ancyrano, serie, cum binocali *AHAENEIS PILIS*.

ALAMANNIA, & *Alemannia*: sed prius in libris frequentius: æt plures nummi *ALEMANNIA*, quod ideo præfert illustris Spanhemius p. 750. Cum *A* in vno nummo aureo, quem Nic. Heinsius exponit ad Claudiani iv conf. Honor. v. 446. Inscriptio Grut. p. 160 titulos Valentiniani, Valentis & Gratiani refert: in singulorum cognomentis *ALAMANN*. Et pag. 159, 7 de Gratiano: *GERMAN. MAX. ALAMANVS MAX* per *A* & simplex *N*.

ALLIA fluuius Romana clade nobilitatus. Seruius ad illud Aen. vii, 717 *infansum interluit Allia nomen*; dicit nomen *Allia* esse, a poeta metri causa duplicatam litteram.

ram. Iuvat Plutarchus in Camillo p. 1
 παρὰ τὸν Ἀλιαν ποταμόν. Hos duces
 quuntur Manutius, Sigonius, Daufquius.
 duplex *l* in aliis omnium libris Varroni
 Ciceronis, Liuii, Taciti, Suetonii, Macro
 neque credibile est, hos omnes potuisse
 corrumpi. Accedit incorruptum testim
 nium Caiani, quod Pisis est, cenotaphii, qu
 PRO ALLIENS'I diem VIII K. MA
 TIAS, quo obierat Caius Cæsar, habenda
 esse decernitur.

ALEXANDREA, Alexandria, Græce
 Ἀλεξάνδρεια. Urbium autem nomina propa
 oxytona, in *ea* exeuntia, dubium acce
 tum apud Latinos habent, prout in *ea* v
 ia cadunt. Quædam constantius *e* longu
 habent, vt *Laodicea*, *Heraclea*, *Apamea*, *Cassa*
drea: quædam plerumque per *ia* scribunt
 vt *Seleucia*, *Nicomedia*, *Philadelpia*, *Sebasti*
 quædam ambigua, *Alexandria* & *Alexandre*
Antiochia & *Antiochea*; *Cæsaria* & *Cæsarea*.
 cetera: quia *ea* nunc *I* nunc *E* pronunti
 tur. Horatius lib. iiii od. xiiii *Alexa*
drea scripsit, arreeta pænultima: in numm
 Latinis autem ALEXANDRIA; vt etiam
 Plinius, & plerumque alii. *Antiochéa* in an
 quis codd. Epistolarum Ciceronis, quod
 Fulvius Ursinus ad lib. ii ep. x sal. ix
 uetur, etiam ex nummi epigraphæ GENI

ANTIOCHEÆ. Plurimis nummis est COL. CAESAREA, tam vtriusque in Palæstina, quam eius, quæ erat in Mauretania. Sic etiam de *Amasea*, *Antigonia*, *Pharacha*, *Raphes* iudicandum est.

ALUCINARI, sine *H*, & *L* simplici, Festus, & Cloatius Verus apud Gellium, lib. XVI cap. XII scribunt, quasi *a luce aberrare*, ut Manutius cum Pantagatho interpretatur. Recentiores quidam malunt *alucinari*, siue *adlucinari*, quasi offendere ad lucem, eiusque claritate præstringi. Sed malim cum Festo facere & Cloatio. Veteres aliquando adspirationem præfixerunt, ut idem Gellius lib. II. cap. III refert: sed addiderunt etiam (quæ ibi exempla coniungit) ad *bonera*, *bonisflum*, quæ nemo imitatur.

AMOENVS per æ in lapidibus, quibus proprium *Amanus* & *Amana* sunt. Grut. p. 788 L. AMOENVS, & p. 854. AELIA L. F. A MOENA. Addit Manutius vetustos codices Virgilii.

ANCORA sine adspiratione, quia est ἀγκυρα Græce. Servius quidem ad Aen. I. vers. 169 mirabundus: Hoc nomen quum in Græco, unde originem ducit, adspirationem non habeat, in Latino adspiratur: quod est contrarium. nam magis Græcorum est adspiratio. At

F 4

Mari-

Marius Victorinus p. 2466 componit, ut paria in hoc genere, *corona, ancora, sepulcrum*.

ANNVLVS, *anulus*. Qui alius videntur sapere, scribunt *anulus*, vno *N*, Manutius, Lipsius, Scaliger ad Varronem: quia sit ab *anuis*, quod circulum & pollicem, perinde ut *δακτύλιος* Græcis, significet: quæ parum decora originatio est. Varro LL. lib. v post initium; *Tempus a bruma ad brumam, dum sol redit, vocatur annus; quod, ut paruuli circuli annuli, sic magni dicebantur anni*. Ut autem *annus* *N* duplici scribitur, ita etiam *annulus* *ὑποκοριστικόν*. Mollius sonat, fateor, *anulus*: inde forsitan illa, quam Manutius vrget, *antiqua consuetudo*, quæ in libris obseruatur.

APVD. Quidam per *T* scribunt ad antiquitatem prouocantes, Est sane in veteri lapide [Grut. 443] **APVT NOS**: & ex Hadriani sæculo p. 378, **APVT MAXIMUM PRINC.** tamen Augusti ætate cenotaphio Lucii Cæsaris scriptum **APVD EAM ARAM**. Velius Longus p. 2231 *Non dubitatur, quin APVD per D scribi debeat, quoniam nulla præpositio T littera finitur*. Hæc ergo consuetudo obtinuit.

APPVLEIVS, *Apulcius*, viri nomen, frequentius duplicata littera, quam simplice,

ce, in inscriptionibus apparet: quæ *Apulia* quidem, unde est, *P* simplici; poetæ vero etiam geminato scriptum tenent.

ARCESSO, non *accerſo*. Grammatici quidem inter utrumque distinguunt, Sospater lib. 111 & Diomedes lib. 1, quod illud sit accusare; hoc euocare. Sed nihil valet hæc distinctio. Est enim ab antiquo *ar-cio*, pro quo, ut Priscianus lib. 1 p. 559 notat, *accio*, ab *ad* & *cio*, (*d* in *r* olim mutato) postea dixerunt: quod approbat Lipsius in Orthographia.

ARENA sine *H*. Seruius ad illud Aen. 1, 172

- - - *potiuntur Troes arena;*

Quærit, inquit, *habeat*, nec ne, nomen hoc adspirationem. Et Varro sic diffinit: Si ab ariditate dicitur, non habet; si ab *harendo*, ut in fabricis videmus, habet. melior tamen est superior etymologia. Eadem Carisius lib. 1. p. 80, sed epicrissi, *gratius tamen cum adspiratione*, dissentit a Seruio Mauro. Manutius etiam *harena*, persuasus præterea vetusta inscriptione CALCE HARENATO.

ARRIVS familiæ Romanæ nomen, *R* gemitino, in nummis & lapidibus: *Arius*, *r* simplici, nomen hæresiarchæ, cuius media producta est, quia Græce scribitur Ἄρειος, ut *Darius* ex Δάρειος. Unde & *Arcus*, Quintilianus III, cap. 1 scripsit.

F 5

ARTVS,

ARTVS, angustus, non *artus* placet erudit. Sic Priscianus scripsit & *artus* & *artare* verbum lib. vi; & Valer. Probus p. 1474 *artus* angustus, & *artus* membra sola flexione & casu, non scriptura, discernit. Dicis, ab *arceo* esse vel *arceo*. Esto: vt vero ex *farctus* fit *fartus*; sic etiam *artus* ab *arctus*.

ASPORTO, quasi *absporto*, excluso *B*, secundum Priscianum lib. ii p. 571. In aliis manet, vt *abscedo* *absterrco*.

ATQVE coniunctio. In lapidibus sæpe legitur *Adque*. Vide inscriptiones Grut. & Sponii, etiam vetustos Virgilio codices. Mollius visum *adque*, nec alienum ab originis significatione. Nihilominus præualuit *atque*, & Augusti ævo vtrumque in vfu erat. Cenographio enim Caii Cæsaris est *ATQVE*; Lucii *ANDQE*. Lapidēs plerique sunt posterioris ævi: Gruterus tamen etiam vetustum indicat. p. 96, 7. in quo est *PRO HOC ADQVE ALIIS*. Tandem id exoleuit, & *atque* vbiuis stabilitum.

ATTIVS pocta: & *Attius* familiæ nomen diuersæ ab *Accius*: vt *Attius* augur apud Liuium. Sic Manutius ex libris & lapidibus.

AUTOR, *auctoritas*, per *CT*. Sospater Carisius lib. i p. 30 *Auctor* propterea dicitur, quod *augeret* & *generaret*. Sic meliori ætate scri-

scriptum. Cenotaphio Caii Cæsaris : PV-
BLICA AVCTORITATE ; & mox, AV-
CTORIBVSQVE IIS. Et oratione Claudii
imperatoris apud Grut. p. 502 HOC IN-
TER AVCTORES DISCREPAT. Et num-
mus Commodi ex VIII imperii anno, non
AVTOR, vt Vaillant in Aeneis p. 92. refert,
sed vt Occo & Mediobardus p. 254, AV-
CTOR PIET. quod in alio eiusdem anni
nummo argenteo ipse Vaillant p. 88 AVCT.
PIET. transcripsit. & Mediceo Virgilii co-
dice lib. VI, 656

--- & Troia Dardanus auctor.

Putida ergo *author*, *authoritas*, quia nullus hic
locus est litteræ S, *sb*: tolerabiliora *autor*,
autoritas, quia in Notis Valerii Probi, me-
dio ævo grammatici, AVT, vel AVTR. vel
AVC. explicatur *autoritas*.

BACCA, *Baca*. Petrus Victorius auctor
est, in Ciceronis vetustissimis libris *baca* vno
scriptum esse : quam scripturam Nic. Hein-
sius in Prudentii præfation. Psychom. v. 33
vocat *veram orthographiam*, etiam in Pruden-
tii vetustioribus libris observatam. Nihilo-
minus plerique *bacca* scribunt eduntque.

BALINEVM, contracte *Balneum* : v-
trumque iustum & Latinum. Sospater p. 76
Balneum veteres dixerunt siue balineum : vtrum-
que etiam in lapidibus reperitur, vt Manu-
sius

tius probauit, & ex Gruteri indice Aedificiorum clarum est.

BALLISTA verius scribitur quam *Balista*, quia a βάλλειν. Glossa vetus: καταπίλτης, *ballistra*, *ballista*. nam illo æuo etiam *ballistra* dixerunt. Inuenitur tamen etiam l. vno scriptum. Spon. Misc. p. 66 COLLEG. BALISTARIOR.

BELLVA, non *belua*, quia *bellum* Festus a *belluis* ducit; aut potius *bellua* a *bello* nomen trahit, hoc ex *duello*, vt Quintilianus tradit lib. i cap. v.

BENEVOLVS, *benevolentia*. Lipsius contendit *beniuolus* scribendum esse, & id suadent etiam quidam grammatici veteres. Eutyches p. 2152 *A Volo, vis, beniuolus, maliuolus, & malificus*. Sane & lapis, Grut. p. 443, habet *BENIVOLENTIAE*, & alius p. 651 *BENIVOLENTIDVS*. At quia in compositis aliis *bene* cum *e* retinemus, *beneficium*, *benedico*; videtur omnino consuetudo adhuc recepta contra paucorum dissensum retinenda esse.

BRACHIVM, vno *c*, quia ex Græco βραχίον. At Marutius auctoritate Carpenlis Virgilii *braccia*: vt videatur *c* producendæ syllabæ adiecta esse, quia primæ Græcæ vocis correpta est. Sed paucos imitatores habet:

habet: fere omnes *brachia* scribunt, producta quamvis prima sit.

BRUNDISIUM, non *Brundisium*, Italiae oppidum & portus. Libri & lapides testes.

BUCINA, *Bucina*. Prius vulgatum est, etiam Pompeii Festi. Manutius autem tueretur posterius ex Virgilio Carpenſi, & Isidori Orig. xviii cap. 1111, qui *Bucina*, inquit, *dicitur a voce, quasi Vocina*. Non omnibus grata hæc etymologia: alii que a *βουκίνη* deriuant. Varro lib. v cap. vii extr. a vocis similitudine, (id est, a sono *βοῦ* bu) & *cano* deducit, quasi *lu-cina*, *bu-cinator*, licet in libris, quos habemus, etiam Scalligeri, editum sit *buccinator*.

CAECINA per æ & simplex n, non *Cecinna*; familiæ Romanæ nomen. Libri docent & lapides. Grut. p. 116, 5 C. CAECINA LARGVS.

CAECVS item per æ, non œ, oculis captus. Veteri tabula apud Grut. p. 291 CENS. AP. CLAVDIVS C. F. AP. N. CAECVS. is de quo Liuius ix cap. xxix. Festus *cacum vallum*, occultam munitionem, etiam diphthongo prima scripsit.

CAELEBS. Festus, *Celibem dictum existimant, quod dignam calo vitam agat*. quæ licet non certa sit deriuatio; tamen veterem scri-

scribendi modum ostendit. Ex veteri tabella Manutius in *dumtaxat*, & Gruterus p. 574, 6 SI QVI CAELIBES ESSENT. In simili tamen tabellæ fragmento p. 575, 1 legitur COELIBES, diphthongo alia: ut nec hæc scriptura damnanda sit. Manutius autem facit cum priore.

CAELO, *calare*, sculperere, cum æ, libri veteres & lapides. Romano lapide, quem Manutius vidit, CÆLATOR & CÆLATVRA.

CAELVM per æ malunt etuditi, quam *celum*. Aelius Gallus apud Varronem lib. IIII *celum* dictam ita tradit, *quod est calasum*. Sic etiam Isidorus lib. XVIII cap. IIII Gruterus p. 50, 6 CAELOQVE: & p. 41 DIANAE CAELESTI. Et sic p. 54 *caelesti Mercurio*: p. 59 *Veneri caelesti*: & de Scuero p. 266 *caelestis eius indulgentia*. Spon. p. 93 *Bonae deae caelesti*. Festus *caelestia auguria* scripsit: addit Manutius Virgilium Carpenssem. Nec vero vulgaris scriptura per æ destituta est rationibus, quia a καλλος, *causus* deducit, quod probabile Varroni dicto loco videtur. Grut. p. 115 omnibus COELESTIBVS consentientibus: p. 180, 3 AQUARVM COELÆSTIVM.

CAENVM pro limo Manutius per æ; quod sic libri veteres & Virgilius Carpens-

sis:

sis. Vulgo *canum*, quasi a κοινὸν *commune*, & pollutum, nisi ex sacris nostris significatio altera petita est.

CAERIMONIA per æ & i Manutius ex lapide, Domitiano a Titi sodalibus dicato, quo ille vocatur *conferuator* **CAERIMONIA-
RVM** *publicarum*. Diphthongus cërta, quia à Cære, Etruriæ oppido, nomen, quo, vrbe à Gallis capta, Romanorum sacra peruecta fuerant. *Inde*, ait Val. Maximus lib. i cap. i, *insitutum est, sacra carimonias vocari*. Gruterus, qui eundem lapidem transcripsit p. 270, *caeremonia*, vocali secunda refert: sed maior fides αὐτόπτοῦ Manutii. Et Gisbertus Cuperus, vlr summus, ineditam inscriptionem hanc pro singulari beneuolentia communicauit nobiscum: Q. FLAVIVS Q. P. SV'C. HERCVLANVS AVGVSTI MAGISTER CAERIMONIAR. SACR. FAC.

CAERVLEVS & *catulus* diphthongo prima. Grut. p. 176 *ex fontibus qui vocabantur* **CAERVLLVS** *et Curtius*: & mox, *aquas Curtiam et CAERVLEAM perdúctas a diuo Claudio*. Et Lucii Cæsaris cenotaphio **IN-
FVLIS CAERVLLIS**.

CAESAREA, *Cæsaris*: vide supra *Alexandrea*. Addo pauca: *Cæsarea* est ex καίσαρος, quod in libris est, & in nummis vari-
is

is apud Harduinum de Nummis antiq. Pop. & Vrb. p. 110 seq. Græcis, Latinis legi ΚΑΙΣΑΡΕΙΑ & CAESAREA. Tamen *Cæsaria* ex aliis nummis defendi quoque potest, apud eundem de Num. Herodiadum p. 7, inscriptis ΚΑΙΣΑΡΙΑ ΣΕΒΑΣΤΗ, & ΜΗΤΡΟΠ. ΚΑΙΣΑΡΙΑΣ.

* A nomine Cæsar etiam *Cæsareus* in libris scribitur, ut *Cæsarea domus*, Ouid. 1 Trist. 1. v. 70. *Cæsareum templum*, Prudent. 1 Symmach. v. 250: at fragmento apud Grut. p. 41 CAESARIVS: & *Cæsarianus* apud ipsum Cæsarem de Bello ciuili sæpe.

CAESPES, *Cesper*. Festus a *cedo*: quasi terra in modum lateris *casa*. Itaque potior diphthongus est.

CAMENA. Plures cum E simplici scribunt, Varro, Festus, & Virgilius emendatioribus libris. Macrobius lib. 1 Somn. cap. 111 *Camenas quasi Canenas a canendo dixerunt*. Servius in Eclog. 111 v. 59, *Camene, Muse, quibus a cantu nomen est inditum*. Nec vero spernenda aliorum diphthongus æ, quæ visitur in veteri inscriptione (Spon. Recherch. p. 269) IMMORTALES CAMOENAS.

CARTHAGINIENSIS verius est, quam *Carthaginensis*, quod ex Ennii versu liquet, quem Cicero pro Balbo cap. xx 11 citat,

Hostem qui feriet, mihi eris Carthaginensis.

Et

Et in columnæ Rostratæ basi COPIAS CARTACINIENSIS: & Grut. p. 586. PROC. TRACTVS CARTHAGINIENSIS.

CARVS, dilectus, sine H. de quo supra, p. 6. Innumera in cippis exempla superlativi CARISSIMVS. Vid. Grut. 418, 421, 426, cetera: & in nummo Balbini CARITAS MUTVA AVGG.

CAVSSA, *Causa*, utroque modo. Illud, geminato sibilo, ex usu veterum. Capitolinis lapidibus sæpe, REI GERVNDÆ CAVSSA: vid. Grut. p. 290. seq. Et in aliis vetustis tabulis p. 506, 509 PRAEVARIATIONIS CAVSSA. Licet Tiberii ætate p. 525 EX CAVSSA. Plura Manutius adfert, & etymologiam, quod quasi *cauissa* sit, a *caueo*, in duas contracta voce syllabas, cuius sententiæ etiam Scaurus meminit p. 2257, quamquam ipse *s* vno malit scribere. Neque enim defunt probata exempla cum *s* simplici antiquis monumentis; oratione Claudii p. 502. inscriptione ex Samnitico bello p. 298: marmore Ancyrano, atque alibi.

CETERI, *cetera*, sine diphthongo lapides vetusti. In tabula ænea perantiqua, (Grut. p. 628, seq.) CETEREI VIATORES: & Lege agraria apud eundem p. 202 CETERORVM: nec id mutatum Augusti æ-

G 12.

tate, ut vel solum Lucii Cæsaris cenotaphium documento est, quo eadem vox ter reperitur sine diphthongo scripta; atque ita sub Cæsaribus seruatum fuit: nec aliter Virgilius Mediceus. Grammatici diphthongum inculcant, quia sit ex καὶ & ἕτερος: sed nugas agunt. sic enim haberet copulandi vim, neque adhiberi posset, ubi locus non est copulae: neque copula eidem præfigi, ne duplex illa concurreret. v.g. Tiburtino lapide, ET CETERIS DIS; sensus esset & ceteris, quod absolum. Non autem prorsus reicio *cetera* cum diphthongo, sed compositionem καὶ ἕτερα. Scio enim raro veteres, immo rarissime diphthongo usus esse, ut Grut. p. 801 n. II CAETERISQ. SVIS.

CHALCEDON libri: *Calchedon*, Καλχηδών, omnes nummi. Vide quæ de hoc nomine in Notitia Asiæ Antiquæ notauimus.

COELIVS, *Culia*, familie Romanæ nomina, cum æ in plerisque monumentis. Vrsinus nummos familie Cœliæ p. 79 sic scriptos exhibet: C. COIL. item L. COIL. ἀρχαῖκως: & alios C. COEL. CALDV. Grut. p. 52 M. COELIO: & p. 240 in basi marmorea Vespasiani æuo M. COELIVS: & sic alibi sæpe. Raro per æ, ut p. 300 in Capitolinis P. CAELIVS.

COE-

COENA per diphthongum æ, quia α
κοινόν. Plutarchus Sympos. lib. vi i i probl. vi
τὸ δεῖπνόν φασι κοινὰ διὰ τὴν κοινωνίαν καλεῖ-
σθαι. καθ' ἑαυτὰς γὰρ ἡρίζων ἐπιεικῶς οἱ
πάλαυ Ῥωμαῖοι, συνδειπνῶντες τοῖς φίλοις,
*Amici vesperinas epulas Canam vocari quasi com-
munionem. seorsum enim prandebant prisca Roma-
ni; cenabant cum amicis.* Et Isidorus lib. xx
Orig. cap. 11 *Canam vocatur a communionem ve-
scentium.* κοινόν quippe Græci commune dicunt.
Dausquius a lapide testimonium petit, ad
Clitumnum reperto, IN PVBLICO COE-
NARENT. Plures autem lapides, quos Al-
dus vidit, CENAM DED. habent: Festus,
Canam, diphthongo alia, ad quem modum
Sponius p. 292 in Neapolitano lapide
CAENACVLVM legit. Adeo discrepant
in hac voce lapides.

COEPI, *capisse, captus* per æ. Oratio-
ne Claudii p. 502 Grut. COEPERVNT: &
p. 443 COEPISSE: & p. 669 COEPTO
fore. In Ancyrano autem marmore *opera*
CAEPTA. *Incepi* autem ab *incipio* est: in-
de *captum* & *inceptum* distinguenda. Beda
Orthogr. p. 2332 *Cepit, per simplicem e,*
a capiendo: Cœpit, *per diphthongum æ, de*
incipiendo: Cœpta, *per diphthongum æ:* In-
cepta *per simplicem e.*

COMISSARI, *comissatio*, per simplex

m&i. Festus *Comissatio a vicis; quos Græci κῶμας dicunt.* Bene vocabulum scripsit: minus bene a *vicis* denominavit. Varro lib. vi. LL. cap. v *COMITER, bilare ac lubenter: cuius origo Græce κῶμας: inde Latin.* *COMISSATIO dicta.* Sic quoque Donatus *comissator* scripsit in *Adelph. act. v sc. 11.*

CONCIO per *C*, quia ut Festus interpretatur, *Concio est conuentus, quasi conuocatio, a concire.* Non ergo movemur, quod in antiquis monumentis legitur *CONTIO.* Vide Grut. p. 506, 507.

CONDITIO, & CONDICIO: prius sequitur originem, quia a supino verbi *condo* est; ut *perditio* a *perditum*: posterius est plerorumque lapidum & veterum librorum, & in his quoque Virgilii Carpenfis. Aldus ex hoc & saxis verba profert, quem audias. In Sponii autem *Recherch.* pag. 316 ex Romana inscriptione refertur *SVB HAC CONDITIONE.*

CONSIDERO per *I*, non *r*, quia Latinum est, non Græcum. Sic etiam *Desidero.*

CONSVMMO, consummare. Lipsius mavult *consumare*, vno *m*, & ad lapides prouocat. Sane Ancyrano monumento legimus *basilicam consummatam*: at Manutius ex la

lapidibus bis *consummanis*, & semel *confirmator*, & *consummatus* enotavit, quod origo etiam poscit, quia a *summus* vel *summa* est.

CONVICIUM, non *conuiuium*, quia a voce est, quasi *conuocium*. Festus: *Conuicium a vicis, in quibus prius habitatum est: vel immutata littera, quasi conuocium*. Et Ulpianus lege xv de Iniuriis: *Quum in unum plures voces conferuntur, conuicium appellatur, quasi conuocium*. Quod etiam ex syllaba producta apparet. Ovidius XIII Metam. 306

Neve in me stolidæ conuicia fundere lingua.

COQUVS. Eutyches grammaticus lib. II post initium *cocus* scripsit. *Verbo, inquit, coquo nomen adheret cocus*. Velius autem Longus sub finem Orthographiæ hoc nimium exile censet. nam sicut, inquit, non est prima syllaba [in coquus] oneranda; sic sequens videtur explenda. Oneratur autem prima per *Qu* pro *C*. Beda Orthogr. p. 2332 *Coquus, coqui, prima syllaba per C; secunda per Q scribenda est*.

CVNCTARI, *contari*; *Percunclari*, *percontari*: prius est Festi in *Percunclatio*, quem Manucius sequitur, etiam Carpenfis Virgilii auctoritate inductus: posterius Verrii apud eundem Festum; quocum Freinsheimius facit Indice Curtiano in *cunclanser*. Rationem vterque dat; Festus, *quod is qui curiose*

G 3

riose

riose interrogat, per cuncta visit. Verrius, quod dictum ex nautico usu, qui conto pertentant cognoscuntque aque altitudinem.

DALMATIA. In lapidibus & nummis sæpius *Delmatia* per *E*: nec vero scriptura altera prænitenda. Vide nostram Notit. Orb. Antiqui p. 614.

DELECTUS, *Dilectus* militum. Cicero lib. xii epist. v ad Cassium: *magnas Pansa copias ex dilectu Italie comparat.* Gebhardus ibi: *Dilectus semper scribendum est, quod ita præeunt MSS. & vetusti libri.* Et Lambinus ibidem: *Iam dilectu legendum esse, non delectu, nemo est qui nesciat, indocilibus exceptis.* Adde lib. xi ep. iii sect. 4. Pompejus quoque Festus: *Dilectus militum, & is, qui significatur amatus, a legendo dicti sunt.* Aldus tamen noster; *Delectus, contra libros aliquor veteres, multo scripserim libentius, quam Dilectus.*

DELICIUM, *Delicia*, per *C*, a *delicatus*. Grut. p. 646 **DELICIUM**: Manutius ex lapide Rom. **DELICIAE**.

DESIDERO, *Desiderium*, per *I* Latinum. Vide supra *Confidero*. Vetus lapis Romanus, Manutio teste, **DESIDERIO NATAE**.

DISPICERE, *S vno*, quamuis a *dis* & *specio*. Sic & *Dispergo*, a *spargo*. *Dis enim* &

& *di* in compositione variant. Manet præpositio *di* integra ante *C, P, Q, S & T* vt in verbis *discedo, discerno, dispono, disputo, disquiro, dissecō, dissentio, dissermino, disirabo*. Amittit *S* ante *D, G, L, M, N, R*. vt *diduco, diditus, digero, dilabor, dilacero, dimitto, dimouco, dinumero, diripio, dirumpo*. Ante *F* mutatur, vt *differo, difficilis, dissugio*. Hæc clara sunt. Difficilior res ante *S* cum alia consonante, id est ante *sp, st*, vbi *S* propter concursum consonantium suauius abiicitur, vt *dispergo, dispicio, distinguo, (astinguo, quo Cicero in Arato, & Lucretius vsi sunt) distringo*. *Disertus* singulare est, si a *dissero*: etiam *dirimo*, si ab *emo* cum *R* epenthético potius, quam transmutato; vt *d* in *redamo*: quia *di* non facile ante vocalem inueneris. *I* consona est, si *di* præcedit, vt *diuicio, diiungo*. Legitur tamen etiam in optimis membranis Cicero lib. i epist. vii & ix sub init. *diumeli*, quod criticis non displicet.

DOMITIUS gentis Romanæ nomen per *T*, in lapidibus Capitolinis, secus ac in iisdem *Sulpicius*. Inde *Domitianus* in nummis quoque cum *T* scriptum; & vxor *Domitia*, itidem in nummis.

DVM TAXAT per *M* in lapidibus. Ravennæ in Drusi Germanici cenotaphio, c-

pulchritudine DVM TAXAT in ante v id. *Iul. Et*
Grut. p. 574, 6 DVM TAXAT SINGVLL
 Ibidem num. 2 est etiam diuisum DVM. TA-
 XAT. SINGVLL. SINGVLAS. Sed de his
 dictum est supra p. 25. Vna vero inscrip-
 tione Domitiani p. 575 n. 1, inueni DVN-
 TAXAT.

Eclisfit. Peccant hodie, qui *eclipsis* du-
 plicata ce scribunt, quo suam Græcitatē
 ignorantiam produnt. est enim ἐκλειψις, ab
 εὐλείπω, deficio.

ELOGIUM. Lambinus & Lipsius *Eclogi-*
um scribendum censent, quia *elogium* ne-
 que Latinum nec Græcum sit. At libri *e-*
logium, Ciceronis sæpe, & Sueton. Calig.
 c. XXIV. Est origine ἐκλόγιον, atque sic
eclogium perinde, vt *ecloga*, scribendum es-
 set: vsus vero creber C extrusit & quasi ci-
 uitate Latinorum donauit: qui non Ex, quod
 Græco ἐκ respondet, ante L, sed E in com-
 positione ponunt, vt *elicio*, *eligo*, *elinguia*, *e-*
longo.

EMTVS, *emptus*: & sic alia, *tedemptus*,
comtus, *sumtus*, cetera, de quibus p. 25 di-
 ctum est. Grammaticorum addo testimonia.
 Ter. Scaurus p. 2256 *Interdum P. littera*
superuacuo adiicitur, vt quum scribimus Sumpus
Demptus, Comptus; quum alioqui ceteris decli-
nationibus verborum non adsit. Sumo enim,

6

Et Demo. Et Emo. detracta P vi supernacua; quare participationibus adiciatur, ratio non est. Et Marius Victorinus p. 2466 nec consumptum nec emptum, nec redemptum --- Et similia ista per P T scribetis vitiose, sed ut ego scripsi iuxta M T ponetis, Et lucrifacietis litteram, qua detracta nihil de significatu vocis diminuit, Et scribitur expeditius. Exempla vetusta sine P prædicta p. 25 proposuimus: nec vero negamus plura esse cum P. Ancyr. monumento & Grut. p. 489. 12 solo EMPTO: in veteri SC. p. 328 REDEMPTORIBVS. Et INTEREMPTVS Spon. p. 181. Et SVMP TIBVS Gr. p. 417. CONSVMP TIS p. 921, 6.

EPISTOLA per O breue, origo postulat, ἐπιστολή. Multis tamen inscriptionibus, nescitur qua ratione, est EPISTVLA. Grut. p. 61, 4 AB EPISTVLIS. Aldus decem lapides eodem scripturæ genere notauit.

ETRVRIA, ETRVSCVS, sine adspiratione in lapidibus, ut supra p. 54 exposuimus.

EXSEQVIAE cum S, quia ab exsequor hoc a sequor, quod S suum post X non amittit, ut supra demonstratum fuit p. 30.

EXSILIVM, exsul, cum S. Eadem, quæ superioris vocis, ratio est, etiam prædicta pag. 30 a nobis exposita; quia ab ex & solum deriuantur. Nonius Marcellus p. 12

Exsules dicuntur extra solum. Isidorus lib. v Orig. cap. vlt. *Exsilium dictum, quasi extra solum. nam exsul dicitur qui extra solum est.*

- * Sic etiam de aliis compositis ex præverbio *Ex* & verbis ab *S* incipientibus, censendum est, ut *exsatio, exsilio, exsolvo, exspecto, exsto, exstruo, exsudo, exsupero, exsurgo*; de quibus dictum p. 30 & 43. Adi etiam Manutium.

EXVO & EXVVIÆ, sine *S*. Vetus quidem grammaticus Cæsellius p. 2315 *Exsui* habet *S*; sui enim est & insui, quasi alicui rei immitti: unde *exsui*, quasi iam emitti & nudari. Inde *exsuuie*, unde *exsuti*, id est spoliati: Vossius autem in Etymologico: *Exuo scribendum, non, ut Aldo* (Cæsellio verius) *visum, exsuo, quod sit ab ex & suo.* Nam est ab ἐκδύω, ut *induo* ab ἐνδύω. Hinc & ἀποδύω idem ac ἐκδύω. Vnde ἀποδυτήριον, locus in balineis, ubi vestes exuuntur. Vtiur apodyterii voce Cicero lib. 111 ep. 1. ad Q. fratrem, & Plinius lib. v epist. vi. Ab exuo dictæ *exuvie*. Gloss. veti. *Exuviæ* λάφυρα, ἐκδύματα. Eadem ab ἐκδύω siue *exduo* vel *ecduo*, *ecduæ*. Festus: *Exdutæ, exuviæ*.

Hæc Vossius. Dacerius ad Festum: *Exduta* ab *exduo*, *Græce* ἐκδύω; &, eliso *d*, *exuo*,
exu-

exunia. Hinc facile rationes Cæsellii refelluntur.

FACILLIMVS duplici LL, Manutius poetarum exemplis, qui producant, motus, scribit: & sane sic in melioribus libris est.

FAEX cum æ, non *sex*; libri veteres. Nec plura de hoc Aldus.

FECVNDVS sine diphthongo. Gellius xvi cap. xii Varronis verbis probat, ipsum & *senus*, & *setus*, & *secunditas* E simpliciter scripsisse. In nummis Augustarum, Lucillæ, Iuliæ Seueri, & Faustinae, aliarumque (secus quam in plerisque Vaillant edidit) *FECVNDITAS*: nummo Albini *SAECVLO FECVND*.

FELIX sine diphthongo lapides & nummi. Cenotaphio Caii Pisano *FELICITER*. De nummis vide Spanhemianum illustre opus p. 726. Et sane nihil frequentius in Augustorum nummis, quam *FELICITAS publica, sæculi, temporum*. Male ergo in libris quibusdam *felix* scriptum est.

FEMINA quoque in libris & lapidibus sine diphthongo legitur. Ex libris instar omnium sit Virgilius, quem Carpenssem Manutius cognominat. Lapidēs plures & ipse profert, & inscriptionum opere Gruterus. Hic p. 459 *Postumiae Paullae FEMINAE rarissimae*: & p. 480 *Valer. Quintae castissimae FEMI-*

FEMINAE: & aut l. pe. Sic & *semen* & *semen* auctore Festo.

FENVS etiam & *Feneror* sine diphthong o Varro apud Gellium XVI cap. XII *Fenerator a fenore est nominatus. Fenus autem distum a fetu, & quasi a fetura quadam pecunia parientis atque increscentis. Pompeius Festus: Fenus appellatur naturalis terre fetus; ob quam causam & nummorum fetus, fenus est vocatum, & de ea re Leges fenebres. Qui etiam fenum pratorum ab eadem causa dicit appellatum. Gruterus p. 368 n. II. reliqua VI milia FENERARENTVR. Est vero & Anagninæ lapis, quem Aldus vidit, & Gruterus descripsit p. 264, dicatus Seuerus, in quo ANAGNINI FOEN. . . id est *feneratores*.*

FETIALIS per T, Græca consuetudine & lapidum auctoritate. Dionysius Halicarn. lib. VI p. 410, & lib. X p. 649 Φητιάλης; etiam lib. II p. 131 Φητιάλης: pro quo Sylburgius ex Suida legendum censet Φητιάλης, *fetiales*. Addit lapidem Manutius sub Tiberio inscriptum, *Legato Ti. Caesaris Aug. leg. leg. VIII Hispan. pontifici FETIALI*. Et Festus *fetialis*. Gruterus autem p. 1107 ex alio: LEG. PRO. PR. FECIALIS.

FETVS sine diphthongo, Varronis verbis, modo in *secundus* & *senus* prolatis: & Virgilio Carpenſi, Aldo teste.

FOE-

FOEDARE, inquinare, per æ libri veteres, Virgilii præsertim vetustissimus codex, toties laudatus: & lapis Romanus, quem Manutius vidit, *Nymphæum sordium squalore FOEDATVM*.

FOEDVS, *σπονδή*, per æ. Manutius item ad Virgilii sæpe laudatum codicem provocat, & ad lapidem Camerinensem [Grut. p. 266] quo est **IVRE FOEDERIS**. Adde Grut. p. 242 ex ænea sub Vespasiano facta tabula: **FOEDVSVE CVM quibus volet, facere liceat**.

FRENUM sine diphthongo. Manutius libros & suum Virgilium: Lipsius libros & lapides vocat testes; verba ex lapidibus non profert.

GAIVS prænomen Latinum, ita per G scribitur in Pandectis, & olim etiam ita pronuntiatum fuit, licet, quum per notam scriberent, ut plerumque solebant prænomena, C. scriberetur, non G, antiqua consuetudine, qua C etiam G (huius notæ nondum inuenta) significaret: qua de re dictum supra p. 23, 24. Postea etiam extra notas plene quoque *Caius* scriptum, nec vero alterum *Gaius*, ut pronuntiabant, sepositum aut abiectum; ut Augusti ætate utrumque usus ferret. In Caiano enim cenotaphio vers. 7 est **CAIVM, CAESAREM**: ibidem

dem verl. 37 GAI ET LVCI CAEARVM. In Taciti libris per *C*, *Caius Luciusque Cæsares* scriptum exstat lib. VI cap. vlt. & alibi : & *Caiana expeditiones* lib. IIII Hist. cap. xv, id est Caligulæ. Eadem ratio est nominis *Cnei*, siue *Cnei*, aut *Cneii*, quod etiam ut *G* pronuntiatum & Græce quoque scriptum fuit, ut ex Terentio Mauro p. 24 dictum est. Eius nota est *c n. Cn*, non *Gn*. Manucius probat *Cneus* cum diphthongo : a quo alii dissentiant.

GENITRIX, *Genetrix*. Aldo placet prius, quia est a *genitor*, hoc a *genitum* supino : & epitaphium Aeliæ Sabinæ adlegat, in quo sit *GENITRIX*. Contra in nummis & lapidibus Veneris cognomen semper *Genetrix* scriptum est. Gruteri p. 225, & nummis Hadriani ac Faustinae *VENERI GENETRICI*. Et Vaticanus Virgilius, ut Pierius ad Aen. I vers. 590 testatur, etiam *genetrix* habet ; cui itidem Veneris cognomen est. Sic ergo in diuæ cognominibus per *e* singulari quadam consuetudine : de aliis scribemus, ut origo poscit, *genitrix*, quemadmodum vno & altero epitaphio Gruterus approbavit.

GLAEBÆ diphthongo ut scribatur, auctor est Manutius, ipse vetustis libris, Virgilii præsertim antiquissimo, persuasus.

GOTHI, *populus*, cum adspiratione &
vno

vno T. Inscrip̃tio Romana sub Iustiniāno-
posita, *post victoriam GOTHICAM*. Et Lily-
bātana apud Reinesium p. 278 *finis inter Van-*
dalos & GOTHOS. Græci, Procopius &
Zonaras, adgrauant littera adiecta, *ρότης*.

HADRIANVS, non *Adrianus*, nummi
& lapides : & illi forte omnes ; hi plurimi,
exceptis paucis, de quibus p. 52 dixi.

HAEDVS, *hædi*, diphthongo principe
Virgīlii codices vetusti. Etiam Varro LL.
lib. 1v cap. XIX *Hircus*, quod *Sabini Fircus* : &
quod ille *Fedus*, in Latino rursus *Hedus* : quod
in *vrbe*, vt in multis, *A* addito *HAEDVS*.

HAEMVS mons Thraciæ, non *Aemus*,
quia Græci asperant. Theocritus idyll. VII,
76 *μακρόν ὕψ' Αἴμον*, *lato sub Hamo*. Nisi e-
nim asper esset spiritus, ὕψ' dixisset. Atque
sic in melioribus libris Latinis. Virgilius *Ge-*
org. lib. II, vers. 488

- - - *gelidis in vallibus Hami.*

HANNIBAL cum adspiratione, secus ac
hodie in multis libris videmus. Dictum su-
pra p. 52 Sic etiam *Hanno*, eiusdem originis
Carthaginienſe nomen.

HARIOLVVS. Donatus in Phorm. Te-
rentii act. 1v sc. 1v quasi *Fariolus a fatis &*
fando dictum censet, *F* in *H*, vt sæpe factum,
commutato. Confirmatur libris præstan-
tioribus.

HARY-

HARUSPEX non ab *ara*, sed ab *haruga*. Donatus iam dicto loco: *Haruspex ab haruga nominatur. Nam haruga dicitur hostia, ab hara, in qua pecora includuntur.* Approbant lapides a Manutio exscripti, quibus est *HARUSPEX*.

- * De *Harena* dictum p. 88 in *Arena*. Sic etiam *Harundo* se habet, pro qua *arundo* scribimus, quia aiunt ab *ariditate* dictam. Ineptit Agræcius inter *harundinem* & *arundinem* distinguens. *Arundo*, inquit, *canna est, ab ariditate dicta: Harundo, telum e canna.*

HAVD, *haut*. Nimis subtilis est Marius Victorinus ita hanc voculam vna littera distinguens p. 2462, vt *baud* ante vocales; *haut* ante consonantes ponendum censcat: in quo Iustum Lipsium sectatorem habet lib. III Variar. Lect. cap. XXIX: quamvis ipse de Victorino dubitabundus scribat, *subtilius fortasse monuisse, quam verius.* Solipater p. 87 ab *eudæ* ducit, ideoque cum *D*. Addit, *sed & per T scribi sonus vocis admittit.* Beda autem p. 2336 *Haud*, quando aduerbium negandi est, *D* littera terminari tradit & adspirari in capite; & ab *Aut* coniunctione hoc modo discernit: de *haut* nullam mentionem facit. In optimis libris etiam *Haud* cum *D* constanter

igitur: atque *hanc* videtur tale esse, quatuor, *adque* & alia, ubi *D* & *T* aliquando mutata inveniuntur.

AVE, libri & lapides cum adspiratione epicediis extremis sæpe, *HAVE VALE*. exempla apud Aldem.

ELIO GABALVS male scribitur a pridio, quasi ab ἥλιος sit. Originis enim ex est, & in nummis deus, cuius sacerdos erat, & a quo cognomen habuit, scribitur *ELAGABALVS*: quod & verum primum huius cognomen est.

ERCVLIVS, *Herculeus*: illud in nummis, quos vir maximus Ezech. Spahnemi 1747 adlegat: hoc in lapidibus apud er. p. 199 n. 4, & p. 280.

ERES, non *Hares*; & *Hereditas*, in libris & lapidibus. Fragmento legis Agrar. p. 205 *HEREDESVE EIVS*: & pag. pro salute uxoris *HEREDVMQ. suorum*: 149, 6 *HEREDITATIVM*: & sic conuenit alibi. Festus quoque *Heres* & *Here-*

IBRIDVS, Latino *I*, non *T*. Vossius analog. deducit ab *Iber*, *Imber*, id est *Umbr*. accessit *H*, ut in *harena*, & aliis.

C, *Heic*, aduerbium. Sunt qui aduerbium *heic* scribi malunt, ut a pronomine *hic* mutatur. Sane multa exempla in verustis

H

epi-

epitaphiis visuntur ita scripta : OSSA HEIC
SITA SVNT: vide Grut. p. 640, 862, 965:
& HEIC SITVS EST, p. 651 : HEIC
EST SEPVLTVS p. 984 : attamen non
pauciora sunt, quibus eadem formulæ, aut
similes, per *hic* scribuntur. Spon. p. 24. *ossa*
hic sita sunt : & p. 171 *Iulia Adepta hic*
adquiescit. Et Grut. p. 650 *hic siti sumi* : &
p. 652 *hic iacet* : & p. 892 *L. Valerius*
Maximianus hic sepultus. Videtur ergo *heic*
in his formulis aliquid antiquum sapere, tam-
quam ex illo tempore reliquum, quo *I* per
EI vt plurimum exprimebatur.

HIEMS, non *Hyems*. Dictum supra ali-
quid pag. 3. nec enim certum est ab *hiv*
originem trahere, aliique ab *hiando* deriuant.
Virgilius Mediceus Georg. 11, 322

Nondum h'emen contingit equis.

Interdum *P* interposuerunt, atque sic Var-
ronis libro 1v *hiemps* legitur: etiam Grut.
p. 136 in veteris Kalendarii fragmine
HIEMPS. Verum improbat hoc Scaurus
p. 2256, *Hiems*, inquit, *carere P littera de-*
bet, quia in casibus numquam P, nec B, propin-
qua eius, respondet: sine quarum altera nusquam
in Latinis ea nomina declinantur, vt Princeps,
Cælebs. Nec deriuata habent *T*. Vetus tabu-
la, quam Manutius vidit, Gruterus p. 501
transcripsit, habet *HIEMANDI CAVSSA:*
&

NOX MEILITES HIEMENT: item, IN
BERNACULA *meilites deducantur.*

ISTRIA regio extrema Italix ad Illy-
um, libri & lapides. Grut. p. 285 CONS.
NET. ET HISTR. Qui *Istria* scribunt,
fabuloso amne, ex Istro in has oras, si
placet, deriuato, deducunt. Semel in-
cum y, p. 433 *correctori Venetiarum* &
STRIAE: in quo nobis sufficit adspira-
vocalem Græcam repudiamus.

ORDEVM. Rei rusticæ scriptores
ro & Columella *ordeum* sine adspiratio-
Sed Velius Longus Orthographia ex-
na, & Terentius Scaurus p. 2258 tra-
t, antique dictum esse *fordeum*; F post-
dum, vt in aliis multis, conuersum in *H*.
e paullo ante in *Hadus*, quod ex *sedus*
norum erat.

BERVS, Hispaniæ fluuius, plerumque
adspiratione, Græca consuetudine.
boni lib. III, & Ptolemæo est *ὁ Ἰβηρ*.
riptione autem veteri (Grut. p. 690)
FLVMEN HIBERVS: & in Prudentii
stis libris, hymno Calagurritanorum ex-
no, quos *Hiberus* adluit: & sub initium,
Hibera, id est Hispania.

CIRCO lubentius eruditi scribunt,
in *idcirco*, quia dicimus *accedo*, *accipio*, &
mutato. Contra Grut. p. 403 Ter-

H 2

gesti-

gestina inscriptione IDCIRCO : sed multa secus, ac veteres plerique consueverant, in eadem sunt consignata.

IDEMTIDEM, Idemidem. Posterius vſitatus est, quia grammaticorum opinio invaluit, *m* ante *t* nec scribi, nec pronuntia-ri posse. Beda Orthogr. p. 2337 *Idemidem per N in priore loco scribendum est, licet sit abidem & idem.* Verum quia multis exemplis supra demonstratum, inanem metum esse, ne *m* & *t* collisionem pariant; æque *idem-tidem* scribi potest, ut *dumtaxat, emtus, & red-entus* scribimus.

IMMO, correctionis vocula *m* geminato. Virgilius Carpensis sic, Aldo teste; & libri Varronis, Prudentii, & castigatissimus quisque.

INCHOARE non quidem a *chaos* certi deducimus, ut grammatici faciunt; cum adſpiratione tamen scribimus, quia sic in marmoribus vetustis legitur. v. g. *INCHOATVM* Gruter. p. 30, 190, Reines. p. 277, & *AB INCHOATO* Grut. p. 169, Reines. 275.

INCLYTUS, inclutus, inclitus. Beda Orthogr. p. 2338 *Inclytus Græcum nomen. nam κλυτὸν Græci gloriosum dicunt.* Sic puto legendum, quia ad Græcum prouocat: quamvis Putschii editione *inclitus* scriptum est. Gru-

Gruterus pag. 667, 10 INCLYTA ROMA. Atque ita plurimi scribi volunt propter eandem rationem, quamvis non certissimam. In enim Latinam originem suadet, quam alii in *cluo* vel *clueo* quærun, licet & hoc tandem ad *κλύω* referatur. Sed siue a *κλύω*, siue a *cluo* est; tamen quia y quoque in u transire solet, scribunt alii *inclusus*. Festus: *Inclusus*, *nobilis*, *clavus*. Gruter. p. 152, 8 INCLVTVS REX THEODORICVS. Quod vero ciuitate verbum antique donatum fuit, Latine alii *inclitus* scripserunt. Grut. p. 273, 5 PIO ATQVE INCLITO D. N. TRAIANO, Traianum intellige Decium, Philippi successorem. Quam scribendi formam supra p. 3 Obertus Gifanius præferendam ceteris censuit.

INCREBESCO, quamvis a *creber* sit; non *increbresco*: quia & *rubesco* a *ruber*. Vt vero hoc a *rubeo* est proxime; ita verosimile, veteribus fuisse etiam verbum *crebeo*, a quo *crebesco*.

IN DIES rectius diuisis vocibus, quam *indies* scribimus: ut utriusque accentus seruetur suus: qui in coniunctione a plerisque, retrahitur in præpositionem, non secus ac si enclitica vox *dies* esset.

INDVTIAE per Tex Gellii ratione, qui lib. 1 cap. xxv putat compositum vocabulum

lum ex *inde* *en* iam lege integra verba eius) aut, Aurelii Opilii etymologia, quasi *initia*. Manutio sunt tamquam *indulle*: Vossio ab *indu* veteri, (hoc est *in*) & *otium*. Omnes hæ rationes *T* poscunt, non *C*.

INFITIOR Festus & Manutius per *T*, quia sit a *fatcor*. Quum enim Festus ait, *infitari, creditum fraudare*; non obscure significat, esse quasi *infiteri*, vel non fateri depositum. Quod probabilius est, quam a *facio* derivare, quod sit, negare se aliquid *fecisse*. In quam opinionem qui secedunt, per *C* scribunt & *inficiari* & *inficias*.

INLUSTRIS, *illustris*. De his & similibus supra in compositis cum præpositione pag. 44 dictum est, in lapidibus plerumque esse *inlustris* & *inlustrare*. vid. Grut. p. 417, 447, 481, cetera; Spon. p. 36, 103, reliqua. Manutius autem hanc vocem in iis præ ceteris censet, in quibus iudicium aurium, quod molle est, sequendum sit: quem & consuetudo iuvat.

IN PRIMIS, diuise, ut *cum primis*; non *inprimis*, nec bene *inprimis*. Est enim, in præcipuis, seu, inter primos & principes: id quod si obseruatur, minus confunduntur, inter se, quæ idem significare quidem videntur, non autem plane significant, *in primis*, præsertim, præcipue, maxime.

IVCVN.

IVCVNDVS, per *V*, quia Ciceroni ab *inuando* est 11 de Fin. cap. 1111. Non ergo audiendi sunt, qui *iocundus* dicunt ab *iocus* vel *iocando*; quibus etiam profodia re- clamat: etsi non desunt inscriptiones vete- res, quæ cum *O* id referant, Neapolitana, quam Aldus præbet; & alia Grut. p. 844, 6, quibus *iocundus*, *iocunda* propria nomina sunt: plures enim *Iucundus* expressum ha- bent, quas itidem Aldus recitauit.

IVPPITER, *P* duplici, nummi & lapi- des. quod de illis illustris Spanhemius p. 84 idseuerat, ut non opus sit exemplis illustrare, quale illud in Domitiani moneta est *IVPPITER CONSERVATOR*. Fuluius Vr- sinus, & ipse peritissimus nummorum, Aldo Manutio idem adfirmauerat. Lapidum te- stimonia sint, Grut. p. 23, 12 in aræ dedi- catione: *IVPPITER OPTIME MAXIME*. Sponius p. 99 in Auieni Festi epitaphio: *IVPPITER æthram pandit, Feste, tibi*. Ma- nutius etiam ad libros veteres prouocat. Nihilominus, si fides nummorum excri- ptoribus Occoni & Vaillantio habenda, in Vitelliano est *IVPITER VICTOR*, vna & simplici littera.

Æ littera quam rari vsus sit, supra p. 4 diximus. Marius Victorinus p. 1945 ante *A* adhibitam a veteribus fuisse testatur, ut

Katana, Kalenda, Karthago : sed neque hoc perpetuum. Beda Orthogr. p. 2338 *Karthago & Kalenda per K scribenda sunt: licet per C melius*. Kalendæ quidem in lapidibus per K; non autem sæpe *Karthago*. Nummi quidam Seueri & Caracallæ & Galerii, quos laudatissimus Spanhemius p. 727 descripsit, FELIX KART. præferunt; lapides autem C habent, & plerique sine adspiratione. Columna Rostrata CARTACINIENSIS. Grut. p. 512 ex vetusta tabula CARTAGO CAPTA: p. 385, CARTAGINE: p. 174 & 349 CARTAGINENSIS. Cum adspiratione autem p. 349 CARTHAG. & p. 586 9. CARTHAGINIENSIS: & Optatini Porphyrii tab. X, CARTHAGO.

LABOR, *labi*, præterito & participio lapsus an labis formet, disceptatur. Origo B exigit, atque ita in Sponii Miscell. p. 84 & 92 & Grut. p. 48, *vetustate* CONLABSVN: & Virgillii codices Aen. v vers. 326 & 445 *elapsus*: tamen plures inscriptiones cum P referunt, CONLAPSVN Grut. p. 7, & 51, & 173; ac COLLAPSVN p. 58 & 100, & 16; Fortius enim B ante S pronuntiabant, quam ut illius sonus sufficeret: quam ideo in P plerumque veteres mutabant.

LACRIMAE, *Lacryma*, sine adspiratione, ut supra dictum, quia a δάκρυον deducitur: quam-

quamuis in quibusdam lapidibus cum H reperiatur *lachryma*, Grut. p. 572, 7, Spon. p. 180. Cum *Y* autem haud facile repereris; at cum æquivalente *V* *lachryma* Grut. p. 799. Pluribus autem locis *LACHRYMAE*, Grut. p. 694, 700, 715, & Spon. 203, 219, alibi. Adde cum primis quæ pag. 3 ex Gifanio de hac etiam voce tradidimus.

LAEVA, sinistra, diphthongo principe, Festus; & lapis, a Manutio transcriptus, PARTE LAEVA.

LAPICIDINA, non *lapidicina*. Varro LL. lib. VII cap. XXXIII *Qui lapides cadunt, lapidas; qui ligna, lignicidas non dici: neque ut aurificem, sic argentificem.* Grut. p. 593, 8 A *LAPICIDINIS CARISTIIS*. Sic emendandum cum Manutio *αὐτόπτη*, quod perperam *lapidicinis* editum est.

LETVM, mors, sine adspiratione. Extra viam Latinam vagantur, qui mortem ab obliuione, hoc est *letum* a *λήθη*, (vnde *lethum* scribunt) deduci putant. Priscianus propior, qui a supino antiqui verbi *leo*, vnde *deleo* superest, deriuat. *Plenus*, inquit lib. V p. 665, *quasi a pleo, verbo: letum quasi a leo.* Confirmat vetus lapis Grut. p. 655 *LETO TACENT* [*iacent* Manut.] & mox, *POST LETI DIEM*, Quamuis vero Varro lib. VI cap. III, & Festus *leti* etymon etiam

H 5

a λή-

a λ&ςη petant; tamen vterque scripsit sine adspiratione.

LITTERA duplici τ libri veteres, Lipsio teste, & lapides. Sic Florentini Pandectæ, vt Aldus vidit; sic & lapis Prænestinus apud eundem pag. 8

Cuius ne taceat memorandum LITTERA nomen.

Et Spon. Misc. p. 36 VTRISQUE LITTERIS ERVITO, ex basi Romanæ statuæ. De origine non sumus solliciti, siue sit *legitera*, siue *leuitera*, siue ab *iter*, siue a *litura*, (quod indignatur Iul. Cæs. Scaliger de causis LL. lib. 1 cap. iv, quia non sint ideo inuentæ nec factæ) siue ab *iterando*. Vide Diomed. p. 415, Mar. Victorin. p. 2452. Apage ineptias. Credibilis, esse, vt Vossius censet, a *litum*, supino verbi *lino*; quia atramento chartæ seu membranæ inclinatur: atque ita ab *oblitum* erit *obliterare*, quod vero etiam τ duplicat, vt syllaba producat. nam etiam Catullus in Epithalam. v. 232

- - - nec ulla oblitteret atas.

LITVS, *litoris*, vno τ antiqui libri, etiam Carpenfis Virgilius; & lapides. Lipsius a *litando* ducit, id est sacrificando, quod ibi nauigantium vota & concepta & perluta. Prænestino lapide iam indicato *LITORA*, (non *litora*, vt Grut. p. 72 edidit) &

Romano, LITORE *Phocacio pelagi-
mata*: & Ardeati lapide apud Spon.

LITVS *vicinum viae Severianae.*

QVOR, locutus, loquutus. Ante
I retinetur Q. loquor, loqueris, loqui-
tia loceris, lociitur inconueniens: al-
terique mutarunt in C, vt locutus. An-
s vero Rufus, quod Velius p. 2237
, locutionem quoque per Q dixit esse scri-
m; item Periculum & Ferculum: quod
Velius improbavit. Vt enim Q nemo
facile in posterioribus exemplis; ita
dubium in priori est. Toties in num-
isfarum exstans vox ADLOCVTIO,
quam, quod sciam, adloquutio; (vide
p. 34) videtur controuersiam dirime-
re. Adde infra Sequor, secutus.

CCCEIUS Romanum nomen, libri ve-
, & inscriptiones. Grut. p. 646
CCCEIUS FELIX.

VTATIVS, nobile bello Punico I no-
male scribitur *Luſtatiuſ*. Nummus
VTAT. & alius Vrsin. p. 161 Q LV-
a. Lapide Capitolino (p. 292) Q LV-
IUS C. F. Correpta etiam prima litte-
c excludit. Silius XIII, 731

quoreis viſtor cum claſſe Luſtatiuſ armis.

AECENAS. Sic ſcribendum, quia
eſt Μακίνας. Nec lapides aliter.
Grut.

Grut. p. 240 P. MAECENAS: & p. 638, C. MAECENATIS.

* *MAEREO*, *maror*, *maſſus*, & *mareo*, *maror*, *maſſus*, ambigua diphthongo. Sed præfert Manutius diphthongum primam, quia Varro lib. v. cap. vi a *marcere* ducat, quod *marore* corpus *marceſcere* videatur: deinde, plures inſcriptiones cum *ae* habeant. Romæ in ara marinorea MAERENDO eſt & MAEROR. Gruterus p. 494 MAERORE *grauiter adſiſtus*: & p. 717 MAESTI. Vir conſummatiffimus Hen. Noris in Cenotaph. Piſ. p. 480 de his vocabulis: *Proſeſſo in Mediceo numquam ſatis laudato Virgilii codice ſemper diphthongus AE ſcripta eſt*. Eſt tamen & OE in lapidibus. Gr. p. 556 PAR---MOER--- id eſt *parentes marentes*: & *moeſtus*, *moeſtiſſimus* p. 658, 669, 673.

MARCIVS, *Marcianus*, *Marciana*, Romanorum nomina, per C in lapidibus. In nummis gentis Marciae C. MARCI. & Q. MARC. Et Grut. p. 240 Q. MARCIVS: & p. 46, MARCIANAE SORORIS AVG.

MAVRETANIA, per E in nummis & lapidibus. Hadriani & Commodi nummis *Exercitus MAVRETANIAE*: & alio *RESTITVTORI MAVRETANIAE*: Commodi, MAVRETANIA. Gruter. p. 361 MAV-

RE-

RETANIAM SITIFENS. & p. 482 MAVRET. CAESARIENS.

MAVRICIUS per C, qui Græci, a quibus nomen est, *Μαυρίκιος* scripserunt. Etiam Grut. p. 12. n. 10. MAVRICIVS EVPORVS.

MESSALLA gemina LL, cognomen Valeriorum, lapides Capitolini & alii.

MILLE, *milia*, *millia*. De posteriori lis est, vna an duplici LL scribatur. Cledonius p. 1901 *Dicimus, mille homines docuit, & mille hominum magister: in plurali vero declinatur milia, milium, milibus, vno L sublato.* Et Cassiodorus ex Papiriano p. 2295 *Mille numerus a quibusdam per vnum L scribitur, quod Milia dicimus, non Millia: alii melius per duo LL existimant scribendum, puta Mille.* Sane sæpe legimus *milia*. Grut. p. 835, X MILIA NVMVVM; & p. 868 XC MILIA NVMOVVM. Inde etiam *miliarium* scribunt vno L. Spon. Recherch. p. 192 VIAS ET MILARIA: etiam *ala miliaria* in militia Romana, tam Gruteri p. 482, quam Plinii lib. VII epist. XXXI. Nec vero *millia* reiiciendum. In Ancyrano enim monumento aliquoties legimus *viginti MILLIA*. Et Spon. Misc. p. 179 MILLIA PASSVVM.

MINVCIVS per C. Dixi ad Minucium Felicem pag. I. Addo nummos gentis Minuciæ, Vrsin. p. 179, L. MINVCI. & TL.

MINV-

MINVCI. C. F. Et Grut. p. 675 Q. MINVCIVS MACER.

MISTVS & MIXTVS. Prius analogiæ propius est; posterius vsui. In *misco* enim, vnde ducuntur, nullum X, nisi transponas ES: Pierius autem ad verba Aeneid. 1, 488

Se quoque principibus permixtum agnouit Achivis;

Inualuit, inquit, *iampriDEM* vsus, ut MISTVS per ST scribatur: quum tamen in codicibus omnibus antiquis vno consensu per XT scriptum inueniatur PERMIXTVM. Et lapide Romano apud Manutium: OSSA MEA MIXTA CVM FILIAE.

MOESIA, regia iuxta Istrum Latine per æ scribitur vt in Manutio exscriptis lapidibus, PR. PR. PROVINCIAE MOESIAE, licet Græcis sit Μοισία.

MONUMENTVM, *monimentum*. Priori formæ analogia fauet in *documentum*, *nocumentum*, *emolumentum*; & lapides plurimi sepulcrales: etiam alii, Grut. p. 162 MONUMENTVM RERVM excitauit. Nec vero multo pauciores sunt, quibus MONIMENTVM incisum est. Grut. p. 558, 592, 594, 656, 5, & alibi: etiam Varro lib. v cap. vi *monimenta*.

MVCIVS, non Mutius, lapides Capitolini, consuetudo Græca, & nummus, cuius est Q. MVCIVS Q. F. SCAEVOLA.

MVLTÀ

MVLTA, & *nulla*. Prius amant eruditi, quia lapidum est & librorum veterum. Vetus lapis Firmanus AIRE MOLTATI. Tamen Emeritenſi inſcriptione ſub Domitiano exſtat [p. 155 Grut.] *gente male MVLCTATA*.

MVNATIVS, familiæ Rom. nomen per T, libri & lapides, Grut. p. 52, 54. cet.

MYSEVM ſine diphthongo, quia eſt *μουσῶν* Græce. Vid. Plin. l. epist. 1x.


MYTILENE, nobilis vrbs Leſbi, y in prima, (non *Mitylene*, vt in libris eſt) conſenſu nummorum ſcribitur. Vide noſtram Notitiam Antiquæ Aſiæ p. 16.

NEDVM, *nec dum*, *non dum* diſiunctim ſcribit Manutius, quia ſimilia *non nihil*, *non nulli* ſeparatim ſcribamus. Accedit, quod in Caii cenotaphii verſu 14 NON. DVM. ſeparata, & puncto, ſingulas voces diſtinguente, diuiſa conſpiciuntur. In Mgdiceo autem Virgilii codice NONDVM coniuncte ſcriptum eſt Georg. 11, 322.

NEFAS male in quibusdam libris cum pb expreſſum eſt. F enim habent lapides: Lanuvinus, NEFAS EST; Sic & *nefanius* Grut. p. 161, 1.

NEGOTIVM per T, vt *otium*, libri & lapidum plurimi. Frequens enim in his eſt nomen *NEGOTIATOR*, Grut. p. 466
624,

624, 641, 645 sæpe, & 650; & Spon. Misc. p. 226: ac *negotiantur*, Grut. p. 496 Non numquam vero etiam cum *C* reperitur, Grut. p. 14 n. 12, p. 411, 3, p. 640, 2.

NENIA, sine diphthongo Vossius Etymologico: quia a *νηνιάτ* , quod idem: & *νηνιάτ* Helychius est *νηνείν*.

NUMMVS & *NUMVS*, duplici *M*, & simplici. Prius probat Manutius, tamquam frequentius in libris & lapidibus. Ipse vero vnum exemplum adfert ex Romano lapide, *NUMMV LARIO*: addit tria eiusdem vocis *M* vno scriptæ. Monumento autem Ancyrano *quadrigenos NUMMOS*, & post paullo *millia NUMMVM*, id est nummorum. Veteres enim nulla nota pluralis generitui contractionem indicant. Et Spon. Miscell. p. 63 *HS* ∞ ∞ *NUMMVM*. Et in Varronis libris *nummi*. Contra Grut. p. 833, & 868 *MILIA NUMVM*, & *MILIA NUMORVM*.

NUMQVAM, quo eruditiores vtuntur, tuetur Manutius ex analogia, quia *M* ante *Q* in aliis consistat, *utrumque*, *quemquam*, *namque*, *quacumque*, & similibus. In Ancyrano autem, & alio Romano lapide [Manut. p. 309] est *NUMQVAM*.

NUMTIVS per *T*. Manutius per *C* præfert:

fert: nos cum *T.* Cenotaphio Caji Cæsaris sub initium: *cum allatus esset* NVNTIVS: & post versus aliquot, *decessus* NVNTIATVS. Et in veteri SC. apud Grut. p. 499 *deixis* vobis NONTIATA ESSE. Nec ipse Manutius diffitetur, in Carpenſi, nunc Mediceo Virgilio, etiam per *T* scriptum esse. v. gr. Aen. 11, 547 *nuntius ibi*: & lib. XI, 740 *nuntiet*. Tamen & Grut. p. 254, 4 DENVNCIATORES.

OBSCENVS, quia a *scena*, σκηνή, per *E* simplex. Varro LL. VI cap. V *Obscenum dictum a scena*. nam *scena* antiquis contra originem per *AE* scripta. Interpretatur, Aldus, *quasi contrariam scena, quod in scena, multis presentibus, pronuntiare non liceat*. Scaliger de causis LI. lib. I cap. XXXIV per *oe*, ἀπὸ κοινῶ, scribi vult. Nonius autem per *AE*, quamvis *immundum* explicet: quæ notio videtur Scaligero accommodata. Sed commune immundum esse, sacræ dictioni in divinis litteris, quam genio Latinitatis, est propius.

OLVS, *oleris*, quod multi *holus* scribunt, ut Festus, Nonius; & in veteris calendarii fragmento *forum holitorium*. Vossius bene ab *oleo*, id est *cresco*, trahit; qua stante ratione, excidit *adspiratio*.

OPPERIOR duplici pp libri veteres, &
I Vir-

Virgilius Carpenſis, vt Manutius memorat.

OPPIDVM, quidam *opidum* ſcribunt, quia Varro lib. *iv. L.L. c. xxxii*, Cicerone de Gloria apud Feſtum, & ipſe Feſtus ab *ope* dictum putent, quam hominibus præbeat: aut quod ibi homines *opes* ſuas conferant. Sed luditur ſæpe in etymologia, & ipſe Varro ac Feſtus geminata littera ſcripſerunt: atque ita etiam in lapidibus, vt Aletrino, *IN OPPIDO*: in ponte Alcantarenſi, *OPPIDANI*:

OPPORTVNVS, gemino *pp* libri veteres, & ſæpe laudatus Virgilii vetuſtiſſimus codex.

OTIVM per *T*, non per *C*. Pierius ad Virgilii eclogam 1 tradit, Romano, & Mediceo, aliſque antiquis libris *otia* per *T* ſcriptum: & Manutius, Q. Papirium *otium* in iis ſcripſiſſe, in quibus *T* vt *Z* legatur. Adde *negotium*, de quo ſupra. Eſt enim ex *nec & otium*, etiam Scauro iudice p. 2262.

PAENE, id eſt *fere*, cum *AE* libri veteres, Manutio teſte, & lapides. Grut. p. 655 *ERODITA PAENE MVSARVM MANV. Erodita*, antique.

PAPIRIVS, Romanæ familiæ nomen, *I* Latino, non *T* Græco. Eius gentis tres nummos Vrfinus profert, qui confirmant,
vnum

vnum Latine signatum, PAPIR, CARB-
duos Græce, ΠΑΠΙΡΙΟΥ ΚΑΡΒΩΝΟΣ. Gru-
tero p. 447 in Brixienti lapide plures Papi-
rii sunt, P. *Papirius Augur*; Cn. *Papirius Fu-*
scus; Cn. *Papirius Cursor*, & Cn. *Papirius Cur-*
for filius: omnes sine y Græcalittera.

PARRICIDA. Librorum auctoritate,
veterum Manutius nicitur.

PATRICIUS, cum C libri, Græca con-
suetudo, & lapides. Fulginii repertus: ad-
lesto inter PATRICIOS.

PAVLLVM & *paullulum*, LL geminata.
Terentius Scaurus p. 2256 *Sine dubio pec-*
cant, qui paulum & paululum per unum L scri-
bunt. Obiicit Velius p. 2238, iuxta diph-
thongum geminari consonantem non pos-
se, quia non possit pronuntiari. Sed refu-
tatur exemplis. Inscriptione Romana
Grut. p. 769 QVOD DEICO PAVLLVM
EST, Sic ubique inuenimus *Paullus*, *Paul-*
linus, propria nomina, iam demonstranda:
sic & vox *caussa* supra fuit probata.

PAVLLVS, cognomen Aemiliæ gentis,
plures lapides habent, pauciores *Paulus*; v. g.
PAVLLVS legitur Grut. p. 293 in Capito-
linis, & p. 50, 729, 851. & *Paulla* p. 321,
459: Sponius Miscell. *Paullus* p. 43, 275,
alibi. Et nummi gentis Aemiliæ tres apud
Vrsin. p. 7 PAVLLVS. At *Paulus* Grut.
p. 21, 9. p. 824, 8. Sic & *Paullinus* p. 429,
I 2 3. *Paul-*

3. *Paulina* p. 756, 806. sed *Paulinus* p. 45 & 100.

PELOPONNESI'S, gemino NN, consuetudine magis quam ratione. Strabo lib. XI I I p. 425 de Hecatonnesis: καλοῦνται ἑκατόννησοι συνθέτως, ὡς Πελοπόννησος, κατὰ ἔθος τι τοῦ Ν γράμματος πλεονάζοντες, Vocantur Hecatonnesii per compositionem, ut Peloponnesus, ex consuetudine quadam N abundante. At χερσόνησος, Chersonesus, N simplici.

PERCVNCTARI vide in *cunctari*, ubi expositum.

PERENNIS, libri, & lapis Rom. oñ. *PERENNEM* --- quod contra eos notavit Manutius, qui *perennis* putarunt dici, sicut *solemnis*.

PERSES, nomen regis Macedoniæ, Latinis gravior forma, quam quæ secundum Græcos est *Perseus* ex Περσεύς. Grut. p. 296, I EX MACEDON. ET REGE PERSE PER TRIDVVM triumphavit. Sic & plerique Latini libri: Liuius autem *Perseus*.

PIGNVS, ut Priscianus lib. VI pag. 721 tradit, *pigneris* & *pignoris* casum format: ut *fentis*, *fenoris* & *fenoris*. Nugatur Agræcius, notione vocales distinguens, ut *fignera* rerum sint; *pignora* filiorum. Quin potius *pigneris* priores dixerunt; posteriores *pignora*. Ita Manutius censet: ita Priscianus lib.

VI de duplici casu a *senus*. Quum dixisset *senus* facere *senoris*, addit: *tamen antiqui senoris dixerunt: unde & seneror verbum, & senerator. Et pignus pignoris & pigneris; unde pignero, pignerat.*

P I R V S, *pirum*, quia Latina sunt, per *I* Lativum. Adlusio enim est, non derivatio, quæ a *πῦρ* ducit propter formæ vel coloris similitudinem Vid. Isidor. xvii Orig. c. viii

POENA per *oe*, quia a *ποινή*: atque ita, etiam lapides, quos, Manutius exscripsit. A *pana* est *panitct*, licet Varro ordinem inuertat, *panam* ducens a *panitendo*; idem tamen, sub finem lib. iiii de L. lingua, nexum vtriusque confirmat, & cum eo paritatem scripturæ. Vt vero Romani interdum permutablebant diphthongos, v. g. *prelium* & *prælium* scribentes; ita factum, ut Oratione Claudii [Grut. p. 502] aliquoties *PAENITET* legatur, quod non tam rationi, quam consuetudini dandum est. atque ita etiam in Mediceo Virgilio esse dicitur.

POMERIUM etiam consuetudine magis, quam certa ratione sine diphthongo scriptum est in libris & lapidibus: quamvis non ignorarent veteres esse a *pone mæros*, id est post muros. Varro lib. iv cap. xxxii quod erat post murum, *pomerium* dictum. Inscriptio Claudii, *POMERIUM AMPLIA-*

AIT; & alia apud Manut. FIN. POMER-
TERMIN. Et Spon. p. 265 *finibus POMER-*
RIVM ampliauit.

PORCIVS, gentis Romanæ nomen, per
C, non T, libri, lapides, quorum quatuor,
Gruterus p. 458 exhibet. Nummus Vrsi-
ni L. PORCI. Græce Πόρκιος.

POSTVMVS, postremus; & **POSTV-**
MIVS, familiæ nomen, sine adspiratione.
Vetus lapis Manutio referente; L. *Autronius*
L. *fil.* POSTVMVS, ubi nomen propri-
um est: quemadmodum & ille, qui, Gallie-
no imperium negligente, in Gallia purpu-
ram sumsit, in nummis non *Postumius*, ut in
libris est, sed POSTVMVS constanter vo-
citur. Vrsinus in nummis Postumiæ
gentis, insignem præfert, inscriptum A. PO-
STVMIVS COS. & alium, C. POSTVMI.
In vetusta tabula consulum Grut. p. 293
Aulus, Lucius, & Spurius Postumii memoran-
tur: adde p. 306, 986, & sic plurimis lo-
cis. Diffiteri autem non possum, p. 151
(vidit & Spon. p. 150) CL. POSTHVMS
legi: & p. 38 n. 14 Q POSTHVMI. sed
posterioris ævi sunt. Eutyches p. 2311
quædam excludunt penitus spiritum, ut postumius,
posthumatum patrem natus.

PRAESTRINGERE, tolli vult Manu-
tius; *præstringere* substitui, idque auctoritate
vete-

veterum librorum. Velim pluribus exposuisset, illustrassetque exemplis: sed nihil adiecit. Lambinum in eam opinionem quidam Lucretii codex induxit, quo legitur lib. 111 vers. 1057 de Epicuro: (nes

*Qui genus humanum ingenio superavit, & om-
Prastinxit.*

At Gifanius in MSS. *prastinxit* inuenit, in aliis *restrinxit*: Salmastius *restrinxit*. Qui notas Nonio subiecit siue Mercerus siue alius, idem sensit p. 100: & Franc. Fabricius ad Asconii Diuinat. Verrin. cap. xiv. Sed neque Asconius, neque Nonius aliud quam *prastringere* habent: & ipse Cicero in Verr. Diuin. c. xiv *prastringat aciem ingenii*: & de Diuinat. lib. 1. cap. xxix *prastringere aciem mentis*: nec aliter MSS. Proinde claudio hanc disceptationem Gifanii ad Lucret. verbis: *Prastringere valet quasi obnubere: prastringere oculorum aciem, ἀμαρύνειν*. Hoc qui in *prastringere* mutant, non recte, meo quidem iudicio, faciunt, quum omnes omnium scriptorum lib. vet. repugnent, & ipsi grammatici.

PREHENDO reiiicit Manutius: quia in libris sit *prendo* & *prensus*. Et Velius Longus p. 2229 *Prendo* dicimus, non *prehendo*. Sed esto, simplex sine contractione aut rarum aut inusitatum esse [Varro autem,

lib. v cap. vii *manu prehendumus*] & Virgilium scripsisse *prendere, prensi, prensant*: integram tamen negari non potest, quod in compositis redit, *apprehendo, comprehendo, reprehendo*: quæ a quibusdam diphthongo scribuntur, sed sine ratione, quia nulla est ex *pre* compositio: etiam lapides per *pre* habent, Romanus *COMPREHENSIS*, ut Manutius, qui vidit, refert; non, ut Gruterus p. 682, Smetii fide, *comprachensis* transcripsit: & Neapolitanus, *DEPREHENDERIM*.

PRELIVM sine diphthongo, quia a *premo*, contractum ex *premulum*. Contractio autem producit primam. Isidorus lib. xx cap. xiiii *Prelum a premendo vocatum, quasi pressorium*. Qui per *ae* scribunt, a *praluendo* ducunt, quod longius petiit, quamvis etiam *laeus* sit ad *prelum* in torculari.

- *PRETIVM* per *T*, libri & lapides. Carmen Prænestini lapidis, quem Manutius vidit, *Digerit in PRETIVM*. Gruter. p. 893, 8 *PRETIVM INTVLIT*.

PRO admirationis, sine adspiratione, quæ in fine nulla est: vide supra p. 50. Festus in *PRO*: *alias pro admiratione, ut, pro Iuppiter*. Sic etiam Virgilius Carpenfis, auctore Manutio.

PROCONSVL. Quidam malunt *pro consule*,

ful, vti omnino interdum scripserunt Latini: & in nummis Vrsini PRO. COS. p. 15. 16. 148, diuise cum puncto interueniente: tamen etiam coalescit, & vt vna vox scripta visitur dandi casu PROCONSULI in multis lapidibus, ab Aldo exscriptis. Accedit, quod *proconsulatus*, *proconsularis* Latine dicatur, quæ a diremtis esse nequeunt.

PROELIUM per OE lapides Capitolini & vetustissimus Virgillii codex. Grut. p. 298. 4 in Capitolinis, PROELIO CONFLISSISSET: & p. 291 IN PROELIO OCCISVS EST. & alio lapide, Manutio teste, PROELIATVS. Attamen Ancyrano monumento, si recte expressum est, NAVALIS PRAELII: & Reines. p. 516 PRAELIO *nauali facto*.

PROMONTORIUM, *promuntorium*. Posterius defendunt Turnebus Adv. XIII cap. XVIII, & Isaac. Vossius ad Melæ lib. I cap. XIII, quia a *promineo* sit, non a *mons*; quasi prominentia litoris, quod possit etiam sine monte esse, & mons ad mare sine prominentia: immo eminens mediis in Alpibus iugum Liuius *promuntorium* dixit lib. XXI cap. XXXV, vbi Gronouius etiam *promuntorium* edidit.

PTOLEMAEVS, non *Ptolomæus*, vt hodie multi scribunt. Nomen enim est a
 I 5 πτό-

πτόλεμος. Hinc a Ptolemæis conditæ vrbes *Ptolemaides* dictæ. Nummus Augusti ΠΤΟΛΕΜΑΙΔΟΣ ΙΕΡΑ ΣΥΝΚΛΗΤΟΣ: Claudii & Caracallæ, ΠΤΟΛΕΜΑΙΣ.

PVLCHER, *pulcher*. Posterior antique valuit: post aurium caussa *H* adiectum. Cicero in Oratore cap. XLVIII Ego ipse quum scirem: ita maiores locutos esse, ut nusquam, nisi in vocali, adspiratione vterentur, loquebar sic, ut pulcros, Cetegos, triumphos, Kartaginem dicerem: aliquando, idque sero, conuicio aurium quum extorta mihi veritas esset, usum loquendi populo concessi, scientiam mihi reseruavi. Terentius Scaurus p. 2256 *Pulchrum*, quamuis in consuetudinem adspiretur; nihilominus tamen ratio exiliter Cenuntiandum & scribendum esse persuadet, ne una omnino dilio, aduersus Latini sermonis naturam, in medio adspiretur. Varro etiam apud Carisium p. 56 adspirari negat, ne duabus consonantibus media intercedat adspiratio, quod minime relictum antiquis videbatur. Id in obliquis magis, *pulchri*, *pulchrum*, quam in recto locum habet. Sic de voce hac & scribenda & enuntianda non vno modo iudicatum fuit, ut tamen Ciceronis ratio prævaleret. Accessit persuasio a Græcis esse, quasi πολύχρουν vel πολύχρη: sed neutrum probabile. In nummis gentis Claudiae *PVLCHER*: etiam

am in lap. Capitolinis: & alio Grut. p. 820
 VLCHER PVLCHRI F. At Reines. p. 275
 SVLA PVLGRA. Asula autem castel-
 um est.

QVATVOR, *quattuor*. Alterum dipla-
 matus poeticus est, quamlibet Aldus ubi-
 que restitui postulet. Est enim prima per
 brevis. Ennius apud Ciceronem lib. 1. de
 Diuin. cap. XLVIII

Cedunt ter quatuor de calo corpora sancta.

Sic veteres libri, etiam Lambini: nescio
 autem, cur Gruteri & Gronouii editionibus
 transpositio facta sit *ter quattuor corpora san-
 ta*. Perdunt enim metrum in vltima, dum
 in prima iuuare volunt. Et, si de hoc for-
 te dubites, addo ex Martialis lib. 1 v epig-
 grammate LXIX

Diceris hac factus calebs quater esse lagena.

Ex Domitiani autem sæculo lapis Grut. 631

QVATTVOR LIBER. BENEFICIO.

QVERELA & *Querella*. Geminatum
 tuetur Manutius ex lapidibus & Virgillii ve-
 tusto illo codice. Papirianus grammaticus
 p. 2290 *Querela* apud Latinos per vnum *L* scri-
 bebatur, sicut *suadela*, *tutela*, *cantela*, *corru-
 ptela*: nunc autem etiam *Querella* per duo *LL*.
scribetur. Multa ex lapidibus exempla *L* ge-
 minati Manutius profert: pæne totidem, in
 Gruteri opere inueni cum *L* simplici, pag.
 761,

761, 10; 793, 9; 833, 3; 1142, 8; 1145, 3, quibus omnibus locis *QVERELA* scriptum est.

QVERIMONIA. Beda p. 2343 *Querimonia per duo E*. Reclamat analogia, *parsimonia, sacellimonia, alimonia, cerimonia*.

QVID QVID vide supra pag. 27.

QVINTVS, Quintus; Quintius, Quintilius; Quintilius & Quintilius; Quintilianus & Quintilianus. Manutius & Lipsius in his *et* defendunt ex Capitolinis lapidibus; & ex analogia, quia sicut a *relinquo* est *relictus*; sic *quinctus* a *quinque*. Impugnant Turnebus xxx cap. xxviii, & Dausquius in Orthographia. Sane *Quinctilius* multis in lapidibus: at non paucioribus inest *Quintius*, ut Gruteri Index propriorum nominum conuincit: est *Quinctilius*; sed sæpe etiam *Quintilius*: nec semper *Quinctilianus*, verum etiam *Quintilianus* Gr. p. 116, 3, p. 877. n. 1. Nec vero *et* errori scalptorum, ut Turnebus, tribuo; sed credo, vtramque scribendi rationem ex æquo fuisse vsitatam. Græci quoque sine *et* transferunt *Κοῦντις* & *Κοῦντίλις*. vide Plutarchum in Flaminio, & Dionem lib. lvi de Quintilio Varo. Ipsum *Quintius* etiam in lapidibus est. Gruter. p. 763 CATVLLAE *QVINTAE*. Adde supra p. 107 in *Femina*.

QVOTIDIE, cotidie. Lipsius posterius præ-

præfert: Manutius prius. Nihil vero agit Beda, quum p. 2344 inter vtrumque distinguit, illud numeri; hoc enuntiationis vocans aduerbium. Sanior Cassiodorus pag. 223, qui scripsit: *Quotidie: sunt, qui per C & O cotidie scribant, quibus peccare licet: desinere, si scirent, Quotidie inde tractum esse a quot diebus, id est omnibus diebus.* Quintilianus lib. 1 cap. VII *Quotidie, non cotidie, ut sit quot diebus.* Cum his etiam facimus, propter eandem rationem. Non enim dicimus *cot* pro *quot*: non *cotannis*, pro *quotannis*. Vtrumque tamen in usu fuit; sed *quotidie* magis. Papirianus p. 2290 *Cotidie per C & O dicitur: per Q scribitur.* Tergestina autem inscriptione Grut. p. 408 COTIDIE BENEACIENDO.

QVOTIES, non *Quotiens*, ex aurium auaritate scribi iubet Manutius: etiam ex veteri lapide: *QVOTIES IN SENATVM IRET.* Contra tamen in quibusdam *quotiens*. Vide Grut. p. 715 n. 10. Distinxit temporibus Beda p. 2343, *Quoties & Toties sine N, licet veteres per N.* Idem de aliis numeralibus notandum est, ut *quadragiens* in Ancyrano, sect. 11.

QVVM, *Ckm*, causæ aut temporis: Quintilianus lib. 1 cap. VII *Servata a multis hæc differentia, ut CVM, si tempus significaret, per Q si comitem, per C [scriberetur.]* Tergestina

rentius Scaurus p. 2261 *CVM* quidam per *Cum*, nonnulli per *Quom*. Quidam etiam esse differentiam putant, quod *præpositio* quidem per *C*, illo modo, cum Claudio, cum Camillo; aduerbium autem per *Q* deceat scribi, ut, quom legissem, quom fecissem. Quom autem est quum, quia veteres *vv* timide coniungebant, ut pag. 9 & 10 supra ostendimus. Et Velius Longus p. 2231 hanc differentiam dicit ab antiquis maxime obseruatam, ut pro aduerbio temporis *Q* littera vterentur; *C* pro præpositione. Aliud enim esse quum subito adsurgens; aliud, cum fluctu. Veteribus quidem, quæ exstant, monumentis non facile quum inueneris, sed Ancyrano sect. III *CVM* MAGISTRATVM INIRENT; & Reines. class. VI inscr. 91 *CVM* AGERET; eruditis autem pæne multis discrimen illud, quod Fabius, Scaurus & Velius exposuerunt, placuit. Quos etiam illud mouit maxime, quod, si aduerbium & præpositio concurrant, aliquid inconueniens oriatur, nisi discernas litteris: v. g. Cicero lib. III epist. VI sect. 3, cum illo cum loquerer: & pro Archia cap. IV ineunte, cum esset cum L. Lucullo in Ciliciam profectus: & Spartianus Hadriano cap. XVII cum cum pluribus summatibus pasceret. Scio quidem Salmasium sollicitare hunc locum; res ipsa tamen & alibi potest con-

contingere, vt aduerbium cum præpositione concurrat, quæ nullo modo aptius discriminari possunt, quam si scribemus, *quum cum pluribus pasceret*: item, *quum cum illo loquerer*.

RAETIA sine H, vt supra p. 57 probauimus. Addo Grut. p. 482, 5 *prouinciarum* - - - RAETIAE. MAVRET. CAESARIENS.

RECUPERARE, *Reciperare*. Festus *Reciperatio* scripsit, & a *Recipio* deduxisse videtur. Dautiquius ex Mediolanensi inscriptione RECIPERAVIT. Et sic in multis libris. Sed alia quoque ita variant, vt *manublia* & *manibia*: vtrumque in Ancyrano habemus. Alii ab *re* & *parare* trahunt, cum epenthetica syllaba *ci* vel *cu*; vt *du* est in *induperator*. Sane contra analogiam a *recipere* fit *reciperare*; bene autem *receptare*. Vt vero vsus *manubias* præfert; ita etiam *recupero*. Aut referas ad ea, quæ *u* & *i* æqualiter ferunt, vt *libet* ac *libet*.

REDITVS, *Redditus* plurale, prouentus & lucrum ex agro, aut vestigalia, *les reuenus* Gallis. Qui geminant D, ad formulam *reddit ager*, respiciunt: vt Martialis lib. II epigr. XXXVIII

Quid mihi reddat ager, queris, Line, Nomentanus.

Sed præstat *Redditus* propter elegantissimas locu-

locutiones, *pecunia redibat e metallis*, Nepotianus Themist. c. 11: *ex qua regione L talenta quod annis redibant*, ibid. cap. x. Quid? quod Ovidius lib. 11 epist. 111 ex Ponto, in hoc sensu corripuit:

At reditus iam quisque suos amat, & sibi quod

Viile, sollicitis supputat articulis.

RVFVS, RVFINVS, Romana nomina. **FVNO**, in nummis & lapidibus. Vide Gruterum p. 53 n. 1 & 705, 4. Et Vrsinus in Nummis Famil. p. 174. **L. MESCINIVS RVFVS**.

SAECVLVM, diphthongo, nummi & lapides. Nummi sane Domitiani plurimi **LVD. SAEC. FEC.** & Seueri, Caracallae, Getæ **FELICITAS SAECVLI**: Albini **SAECVLO secundo**: eiusdem & Pertinacis **SAECVLO frugifero**: Seueri & Caracallae **SAECVLARIA SACRA**. Ex senatus consulto Gruterus pag. 328 **SAECVLARE**. Spon. Misc. p. 165 ex Arelatensi lapide, **SAECVLORVM**: & Romano p. 272, *saeculari* & *saeculi*. Non ergo curamus grammaticorum origines a *senex* vel *sequi*, quæ etiam essent, tamen *E* breue adiecto *A* fuisset pro ducendum.

SAEPE, aduerbium, diphthongo prima. Oratione Claudii p. 502 Grut. **SENI A SAEPE OCTONI**. Et p. 654, 6 **GENE RABAT SAEPE**.

SAE

SAEPIO, *spire*, eadem diphthongo. Cenotaphio Lucii Cæsaris, STIPITIBVS SÆPIATVR. Gruter. p. 61, MACERIAQ. AREAM SÆPIENDAM: & p. 864, 4 SAXO SÆPIVM. Mediceus Virgilii codex variat: Aeneid. 1 vers. 411 SÆPSIT: & 439 *sæpius nebula*: & vers. 506 *sæpta armis*: alibi sine diphthongo. Et sic quoque *sæpes* ac *sæpimentum*.

SALLVSTIVS per *LL* lapides plurimi: & Horatius lib. 1 Sat. 11, 48, qui produxit.

SALTEM, *Saltem*. Obscura origo, de qua Gellius lib. xii cap. xiv disputat, nihil autem inuenit, cui tuto insistat: Servius ad Aen. 1 v vers. 327 ex captiuorum formula, *salutem concede*, contractum dixit: quod a prioribus etiam memoratum, *nimis commenticium* Gellius dicit. Ianus Guilielmus lib. 1 Verisimilium cap. x, *saltem* contendit scribendum esse, quia in mss. illud sit: & Priscianus lib. xv non in aduerbiis in *em*, sed in *im* exeuntibus recitet: idque analogia poscat, *strillim*, *cursim*, *casim*, *fursim*.

SATIRA, *Satura*, *Satyræ*. Casaubonus singulari libro Romanam *satiram* a Græcorum *satyrica* poesi distinxit, & ne vel notione vel scriptura confundantur, admonuit. Ios. Scaliger in Manilii lib. v pag. 408 *Satura omnigeni argumenti poesis*: & SARVRA

K

νόμος

νόμος πολλά περιέχων, *Glossis*. *Cave legeris* [v. 47+] *satyro gestu*; *ut Satyras Lucilii & Horatii per y scribendas putes*. Vossius *Etymolog.* *Saturam* cum Porphyryone & Diomede [lib. III p. 483] *lancem* interpretatur, *plenam diversis frugibus*. Addit Diomedes, olim carmen quod ex variis poematibus constabat, *saturam* dictum, ut Ennii, Pacuvii: post ita dictum, quod ad carpenda hominum vitia compositum est, ut Lucilii, Horatii, Persii. *Saturam*, & *Satiram* distinguit Scaliger ut *maximus* & *maximus*.

SCENA, *scena*. Manutius *E* simplex commendat, quia sit ipsa *σκηνη* Græcorum. Sic Reines. class. II inscr. XXX, *SCENA*, & inscr. LXXXIX *PROSCENIUM*, & ibidem *LVDIS SCENICIS*. Alibi plerumque per æ. Grut. p. 172, 3 *PONE SCAENAM*. Sic & p. 330, 2; 655, 1, & ex Augusti ætate cenotaphio Caii Cæsaris, *LVDI SCAENICI*. Varro lib. VI de LL. cap. v *Obscenum dictum ab scena. ea ut Græci, ut Aelius scribit, SCENA. In pluribus verbis A ante E alii ponunt, alii non*. Consuetudinis ergo, non certæ rationis, illa diphthongus est, atque ita etiam *Obscenus* & *obsceanus*; quia a *scena* secundum Varronem trahitur.

SEORSUM, non *seorsim*, quia a *se* & *versum*, seu *versum*, *versus*. Adi Vossium.

SEP.

SEPTEMTRIO cum *M*, non *N*, in lapidibus, quos Manutius exscripsit. Eadem compositionis ratio, quæ in *dumtaxat*. Vnum inuenio, si recte transcriptum, Grut. p. 332, 4 *SEPTENTRIONIS*; sed prævalent contra hoc tria Manutiana cum *M*.

SEPVLCRVM. Cur adspiratio sit excludenda, dictum antea p. 5. seq. Si auctoritate standum, plures lapides *SEPVLCRVM* habent, quam *sepulchrum*. Vide Grut. p. 333, 753, 789, 826, 7, Reines. p. 291, & alia. Licet vero non desint saxa quædam quibus *sepulchrum* incisum est: ipsa tamen supra data ratio valentior est, nec aptius *sepulchrum*, a *sepultum* dicitur, quam *fulcrum* a *fultum* supino.

SEQUIOR in præterito & participio ambigue, *secutus* & *sequutus*, ut in *Loquor* prædictum. Mar. Victorinus p. 2460 *locutus*, *secutus per c*: quum quidam præcipiant ad originem debere referri, *per q* potius, quam *per c* hæc scribenda. Lapidēs plurimi per *C* referunt. *Secutus* Manut. p. 708. *Secutor* Grut. p. 334, 431, 561: *adsecutus* p. 449: *subsecutus* p. 832, 8. *consecutus* Manut. p. 278 & Reines. p. 462. at *consequutus* Grut. p. 321, 10.

SESE, *SE SE*. In Caiano cenotaphio coniuncte: at antiquiore lapide Grut. p. 506 *SE. SE* semel interpuncta; post iterum coniuncta visuntur. K 2 *SESTI-*

SESTIVS patriciæ familiæ : *Sextius* plebeïæ nomen. Sic Manut. ex Capitolinis lapidibus, & Fulv. Vrsinus Numm. p. 262.

SIDVS, Latino *I*, non per *Y*. Est enim vox Latina; atque sic etiam Virgilius Mediceus.

SILVA, sine *y*, ut antea p. 3, 4 notatum. Inde nomen *Silvanus*, frequens in inscriptionibus, semper per *I* Latinum.

SIMILLIMVS, vide *Facillimus*.

SINCERVS sine *y*, libri veteres, præcipue Virgilianus codex Mediceus. Supra p. 3.

SI QUIDEM coniunctim, quia primam poetæ corripunt: *Si* autem separatum, longum est. Vid. Ouid. Metam. x, 104, & xi, 219.

SOBOLES, *Suboles*. Prius largitur Albus consuetudini, auribus indulgenti. At lapis Romanus & libri veteres *suboles*. Festus, *Suboles* ab *oleſcendo*, id est *crescendo*.

SOLEMNE, & *Sollemne* & *Solenne*. Primum est in aliquot lapidibus, Reines. pag. 269, & cenotaphio Lucii Cæs. *SOLEMNIA*: sæpius autem *LL* geminatur. Grut. p. 39, 5 ex vetusto fragmento, *SOLEMNI cum precatione*: & p. 121. f. *SOLLEMNE*. Virgilius ille vetustus semper *sollemnis*. Festus: *Solemnia sacra dicuntur, quæ certis temporibus annis*

annisque fieri solent. Et paucis interiectis in SOLLO : *Sollo Ofce dicitur id, quod nos totum vocamus.* --- Sollers etiam in omni re prudens : & Sollemne, quod in omnibus annis praestari debet. De MN Manutius : *In hoc plus antiquitati demus, quam analogia.*

SOLLERS etiam LL duplici, quia a sollo, uti iam vidimus in Sollemne. Sic & Virgili codices, Vaticanus & Florentinus : sic lapides quoque exscripti a Manutio.

SOLLICITUS, itidem LL duplicata in lapidibus. Manut. 727 *sollitici* : & pag. 497 & 736 *sollitare* : sed hoc utrumque in metro est. Festus autem a *solum*, id est locus ; & *cito*, ex *cio* : quasi sit loco mouere aut de sententia : & sic vno L scribetur.

SQV'ALEO, vno L, libri veteres, & lapis Romanus [Manut. in *sudare*] SQV'ALOREFOEDATVM.

STILVS, *Stylus*. Plures per y scribunt, quia sit a *σύλος*, *columna* : nec vero etymologia bene conuenit. Strabo quidem lib. XI p. 446 *ὁς ἡγε τῆ Ἀσιανοῦ λεγομένου σύλῃ*, *princeps styli Asiatici* : sed dubium, a Græcis an Latinis dictionem acceperit. Sic *stipes* idem sonat quod *σύπος* : nec tamen *stipes* scribimus, sed *stipes*. Nec Varro lib. IV extremo ad *σύπος* in etymo, ut ut eiusdem notioni est, respexit, sed a *stipando* du-

xit: hoc a $\sigma\acute{\alpha}\beta\omega$. Quanto minus *stilus* erit a $\sigma\acute{\iota}\lambda\omicron\varsigma$, ubi discrepat significatio? Ideo aliis *stilus* vox pure Latina est, saltim Latinitate donatá, atque ita Latino *I* scribenda. Vide supra p. 3, 4. Glossæ quoque veteres, $\gamma\epsilon\alpha\Phi\acute{\epsilon}\omicron\nu$, *stilus*, littera *I* Latina.

SVLLA, *Sylla*. Lapidés Capitolini, & alii, Grut. p. 294 & 398; & nummi gentis Cornelix apud Vrsin. p. 88 *SVLLA*: Græci $\Sigma\acute{\upsilon}\lambda\lambda\alpha\varsigma$, quos Aldus sequitur. Adde supra p. 4.

SVLPHVR, *Sulfur*. Vossius Etymol. *sulfur* mauult, quia sic Latinum: Manutius *suipbur*, quia in Carpensi & Vaticano Virgilii codd. sic *sulpur*: uti etiam *triumpus* veteres scripserunt.

SVMSI, *sumpsi*; *sumtum*, *sumptum*. De his actum supra p. 25. 26. Addo Marii Victorini iudiciam, ex p. 2466, *Sumfit*, & *insumfit*, *densit*, sine dubio per *MS* scribetis. - - - nec *consumptum*, nec *emptum*, nec *redemptum* per *PT* scribetis: sed, ut ego scripsi, iuxta *MT* ponetis.

SVPELLEX, vno *P*, quamvis in libris quibusdam geminetur. Manutius duas inscriptiones adfert, *CAESARIS A SVPELLECTILE*. Poetæ etiam corripunt, nisi epenthesi opus est. Horat. i Satir. vi, 118

- - cum patera gattus, Campana supellex.

SYNOVVS, *Synodus*. Manutius adspirat, ad

ad duos lapides, quibus *SYNODI* legatur, prouocans. Malim *synodus*, ob rationes pag. 58 propositas. Obiicitur *metbodus* ab Aldo: sed in hac voce spiritus litteram *T*, non vocalem adficit, ut Græcum *θ* exprimatur: quamuis hoc etiam propter adspiratam est.

TAEDA, *Teda*. Diphthongus a Græca origine est, *δαῖς* siue *δαῖς*, accus. *δαδα*, *fax*.

TAEDET, eadem diphthongo. Lapis Beneuentanus, POPVLI TAEDIA SEDAVIT. Sic etiam libri veteres.

TAETER, *Teter*. Diphthongus est Medicei Virgilii: & in lapide Grut. p. 658 *TAETRA ORA*, id est squalida regione.

TENSA, Festus sine *H*: & Asconius in Cic. de Urb. præf. p. 108 a *tendendo* secundum aliquos dici tradit.

TENTO præfero alteri *Tempo*, quod libri multi tenent. Est enim frequentativum a *Teneo*, supino *tentum*. Inscriptio Tito Cæsari dicata *INTENTATAM*. Marius Victorinus p. 2466 *nec temptat, attemptat scribetis vitiose, sed, ut ego scripsi, iuxta MT ponetur*. Alio tamen lapide apud Manutium *TEMPTAVERIT*: & sic in multis scriptis libris.

THEODERICVS & *Theodoricus*: utrumque in lapidibus apud Gruterum, illud p. 1082, hoc p. 152. Sed præstat prius, quia non 2

Theodorus, ex Θεός & δῶρον est, sed ex Teutomico *Teuterich* seu *Dieterich*.

TIBERIS fluvius per *I*, non *T*. Multæ inscriptiones exstant, quibus *curs* *RIPARVM* *TIBERIS* memoratur. Vide Manut. & Grut.

TINGO, *Tinguo*. Fl. Caper p. 2246 *Tingere* dicendum est, non *Tinguere*. Priscianus utrumque admittit lib. x p. 881 *Tinguo* vel *Tingo*, *tinxi*. Addit tamen *V* non facere syllabam. Analogia pro priore est, *lingo*, *fungo*, *pingo*. Libri tamen manu scripti sæpe *tinguo*, quos imitatur Manutius. Glossis *Tingo* & *Tinguo* est: utrumque βαπτω vertitur.

TIRO, non *Tyro*, Pandectæ Florentini: & Grut. p. 358, 3 *TIRONVM*: Manutius *tyro* præfert, spuria inscriptione deceptus. Vid. Voss. Etiam Glossæ *I* Latini *Tiro* habent. Latinum enim est, sine origine Græca.

TORVS sine adspiratione, libri veteres & Virgilii vetustissimus codex: etiam lapis apud Aldum, *TORVM* servavit *casta mariti*.

TOTIES, *totiens*: vide *Quoties*.

TRICESIMVS, non *Trigesimus*. Vide *Vicesimus*.

TRIUMPHVS, olim *Triumpus*, ut Cicero in Oratore cap. XLVIII notavit. Ple-rique autem *triumphus*, etiam ante Cicronem. Inscriptione Mario facta p. 436 *triumphans*, & *triumphavit*, & *veste triumphali* legi-

legitur. Et de Decio Samnitum victore, ,
 TRIUMPHANS. Postrema ætate, id est
 Constantinorum, scripserunt *Triumfator*, ut
 in illorum monumentis est.

TROPÆVM sine adspiratione, quia
 Græcum est τροπαιον. Vide supra p. 5.

TVS, sine adspiratione libri veteres, Vir-
 gili præsertim: & quamvis grammatici
 quidam a θύω deriuent, ac ea de causâ,
 per *tb* scribendum existiment; tamen id
 minus certum est, & Carisius lib. 1 p. 58
 huic adspirationi reclamationem. *TVS*, inquit,
 a *tundendo*, sine adspiratione, dicitur: quamvis
Julius Modestus ἀπὸ τῆς θύειν tractum dicat.

TVSCIA, *Tusci*, libri & lapides sine ad-
 spiratione. Capitulinis lapidibus, DE
 TVSCEIS. Medio ævo *corrector TVSCIAE*
 in multis inscriptionibus.

TVSCVLVM, *Tusculanus*, etiam sine *H*,
 libri ac lapides.

VALETVD, *Valitudo*. Vtrumque in
 libris. Hoc analogia nititur, quod a *valitum*
 supino est: illud auctoritate Horatii, 11
 Serm. 11, 88, & 1 Epist. 14, 10: & veteri
 inscriptione Grut. p. 926, 8 INOFFENSA
 VALETVD. Vrsinus gentis Aciliæ num-
 mum profert, cuius & Manutius meminit,
 inscriptus M' ACILIVS. III VIR. VALETV.

VENEO, id est *venditor*, sine diphthongo

Pandectis Florentinis : & lapide Roman
Hoc monumentum cum aedificio neque VENIRE
neque donabitur : pro , venibit. Et p. 961,
Gr. Hoc monumentum VENIRE non licebit.

VERSVS, *versum*, non *Vorsus*, *vorsum*; &
 sic etiam *Aduersus*. Archailinus enim est *vor-*
tere pro *vertere*: qualia in Plauto multa sunt
 Quintilianus lib. I cap. VII *Quid dicam vor-*
tices & vorsus, ceteraque ad eundem modum,
que primo Scipio Africanus in E litteram secun-
dum vertisse dicitur?

VICESIMVS, *Vigesimus*. Vulgo per
 mutantur, habenturque pro eisdem: at me-
 liores libri semper *viceſimus*: ideoque Daus-
 quius alterum, *viceſimus*, dixit *reſiculum* vide-
 ri. cetera enim ab *viginti*, *C* habent, *vicies*, *vi-*
centi: ergo etiam *viceſimus* per *C* scribatur
Viceſimus antiquum & durum Manutio.

VINDICO, non *Vendico*. est enim
 cognatum nomini *Vindex*. Nec licet inter
 notiones discernere, quum *Vindico* utramque
 sustineat. Vide Priscianum lib. XVII
 pag. 1208.

VIRGILIUS, *Vergilius*. Illud Pierius
 ad extremum Georgicorum; hoc Politia-
 nus Miscell. c. LXXVII, uterque grauib;
 argumentis defendit. Manutius facit cum
 Pierio, quia in monumento, Claudiano
 poetæ factō, ΒΙΡΓΙΛΙΟΙΟ, legatur: & Cal-
 vi versus *I*, non *E*, respiciat, Et

*Et vates, cui virga dedit memorabile nomen
Laurca.*

VNGO, *Vnguo*. Veteres libri *Vngu*. fa-
vent deriuata *unguen*, *unguentum*. Priscia-
nus lib. x p. 881 **VNGVO** *Nisus*, *Papiria-*
nus & *Probus* tam *vngui* quam *vnx* dicunt fa-
cere prateritum: - - - Dicimus *Vngo*, *vnx*, *ve*
Lingo, *linxi*, & *Pingo*, *pinxi*. Velius Longus
p. 2223 dicit Virgilium scripsisse, *Vngere*
tela manu: & cur minus *vnguo* sit dicendum,
probat ex analogis *pingo*, *pinxi*, *fungo*, *finxi*.
Adde Seruium in *Aen.* 1x. 773.

VNQVAM, *Vmquam*. Plures scribunt
unquam: & sic in vet. inscr. apud Manutium
p. 497 [*Grut.* 607, 4] **NON VNQVAM**.
Qui vero *numquam* scribunt, quod supra,
Manutius defendit, eos ratio vrget etiam
vmquam scribere. Priscianus enim lib. xvii
p. 1058 illud ex hoc compositum abnegati-
uum dicit: quemadmodum *nullus*, ex *vllus*;
nusquam, ex *vsquam*. Libri curatius emenda-
ti habent *vmquam*; Virgilii, & aliorum.

VRGEO, *Vrgueo*. In pluribus manu scri-
ptis est *vrgueo*, *vrget*. Velius Longus p.
2223 *Animaduertimus*, quibusdam *partibus o-*
rationis V litteram vitiose insertam, ut in eo quod
est *Vrguere*: itaque testis Virgilius, qui ait [*Aen.*
vi, 561] *Vrgentur panis*. Nostri autem libri
curatiores habent *Vrguentur panis*: quem-
ad-

admodum etiam *Vnguere tela* Aen. 1x. 773, vbi itidem Velius *Ingere* in suo, vt dictum modo, legerat. Sic Prudentii scripti codices Cath. x, 60 *sopor vrguit* : & Peristeph. 1, 43 *pestis vrguebat fidem*. In Pandectis etiam lege 111 de Negotiis gestis § 10 *necessitate vrgente* : & lege vlt. de Iudiciis, *re vrgente*. Parmensis inscriptio, *VRGVENTE FATO*.

VVLCANVS, Volcanus. Manutius amat posterius, quia utroque Virgilio, Carpenfi & Vaticano, sit *Volcanus*; & Kalendario veteri *VOLCANO D. D.* Fugiebant olim *vv* geminam Latini, vt supra p. 9, 10 notatum fuit; quæ consuetudo postea nonnullis hæsit antiquitatis causâ, vt tamen etiam in optimis libris *Vulcanus* legatur, & in Appendice Reinesii, inscript. 39,

L. MATERNVS OPTATVS

VVLCANO AVG.

SACRVM.

Pag. 89 vers. 15 lege *Queritur*.

Acrony. 1671, Conrad Conrad
**ORTHOGRAPHIA
ROMANA,**

EX ACROASIBVS V. C.


**CONRADI SAMVELIS
SCHVRZFLEISCHII,**

COLLECTA

A M. C.

ACCESSIT


**ORTHOGRAPHIA
NORISIANA.**



VITEMBERGAE,

APVD MEYERVM ET ZIMMERMANN.

clō lō cc VII.



Stanford University Libraries

3 6105 124 430 351



PA
2123
C4
1704



**Stanford University Libraries
Stanford, California**

Return this book on or before date due.

